

春秋孔义

高攀龙

文硕阁

wenshuoge.com

目录

关于我们	3
提要	5
卷一	6
卷二	15
卷三	28
卷四	46
卷五	48
卷六	71
卷七	85
卷八	100
卷九	116
卷十	142
卷十一	164
卷十二	177

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 经部五

春秋孔义 春秋类

提要

【臣】等谨案春秋孔义十二卷明高攀龙撰攀龙字存之无锡人万历己丑进士官至左都御史以阉祸投水死事迹具明史本传是书斟酌于左氏公羊谷梁胡安国四家之传无所攷证亦无所穿凿意主于以经解经凡经无传有者不敢信传无经有者不敢疑故名曰孔义明为孔子之义而非诸儒之臆说虽持论稍拘较之破碎缴绕横生异议者犹说经之谨严者矣按朱彝尊经义考此书之外别有李攀龙春秋孔义十二卷注曰未见书名卷数并同攷李攀龙以诗名当世不以经述闻其墓志本传亦不云尝有是书是必诸家书目有以攀龙名同误高为李者寻尊未及攷核遂误分为二并附订于此以正其讹焉乾隆四十二年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷一

钦定四库全书

春秋孔义卷一 明 高攀龙 撰

隐公

元年

元年者正始也

春王正月

春周时之春也称王正月大一统也夏时之十一月也不书即位摄也

三月公及邾仪父盟于蔑

我所欲曰及公摄位而欲求好于邾也仪父邾君之字也邾鲁之附庸中国之附庸例称字

夏五月郑伯克段于鄢

称郑伯归罪也克者力胜之词不称弟段不弟也于鄢遠也段出奔共不书郑伯志杀段也

秋七月天王使宰咺来归惠公仲子之赍

王者奉若天道故称天王其命曰天命其讨曰天讨尽此道者王道也仲子系惠公而言谓惠公之仲子妾称也车马曰赍货财曰赍衣被曰襁以天王下赍诸侯之妾不天乱伦之甚也名咺以见其不王王臣虽微不名况于宰乎

九月及宋人盟于宿

惠公季年败宋师于黄公立而求成焉称及称人皆非卿也

冬十有二月祭伯来

来来朝也祭伯非王命而私交不与其朝也

公子益师卒

益师卿也不书官非受命于天子也称公子以公子故使为卿也不日卒史不备也

二年春公会戎于潜

修惠公之好故何以书讥也

夏五月莒人入向无骇帅师入极

莒子娶于向向姜不安莒而归莒人入向以姜氏还书人微者也入者入而不居也无骇不氏未赐族也帅师用大众也入向入极无王也

秋八月庚辰公及戎盟于唐

潜之会犹请盟而辞复与之盟益非义矣

九月纪履緌来迎女冬十月伯姬归于纪

履緌纪大夫也非命卿皆书名内女嫁为诸侯夫人则书逆书归明重事也先儒谓讥不亲逆非也诸侯亲迎迎于所馆岂有委宗庙社稷遂适他国以逆妇者乎

纪子伯莒子盟于密

此必纪侯莒子纪迫于齐而与于莒故相盟天下无主则小国不安而齐人灭纪之端见矣

十有二月乙卯夫人子氏薨

夫人者隐之妻也卒不书葬夫人之义从君者也

郑人伐卫

段之乱公孙滑出奔卫卫人为伐郑取廩延郑人既以王师虢师伐卫南鄙矣今复擅兴师何为乎

三年春王二月己巳日有食之

日食有常度何以书在人君之敬忽不敬则灾

三月庚戌天王崩

天王崩不奔赴不会葬不朝新君隐之罪大矣不书而自见

夏四月辛卯尹氏卒

书尹氏讥世卿也外大夫不卒此何以卒尹氏以王崩为诸侯主而来赴非礼也

秋武氏子来求赙

书武氏见其世官子者父老而子摄行卿事也天王崩诸侯不供丧而来求君不君臣不臣交讥之崩薨者臣子之尊称故外诸侯称卒以别内也

八月庚辰宋公和卒

宋宣公舍其子与夷而立穆公穆公立与夷而使公子冯出居郑殇公忌冯自此宋郑之争啓矣

冬十有二月齐侯郑伯盟于石门

齐郑之交始此

癸未葬宋穆公

诸侯告丧鲁往会葬则书穆公私諡也

四年春王二月莒人伐杞取牟娄

诸侯相伐取地于是始取者收夺之名

戊申衛州吁弑其君完

不称公子身为大恶绝之于其先君也其又有以属称者或过其亲之以啓乱或见其以亲而反讐事同词异各有义而不可例拘也

夏公及宋公遇于清

古有遇礼以待不期之会今相期也而同于不期之简故书曰遇及者内为志也

宋公陈侯蔡人衛人伐郑

宋殇不诛弑君之贼不念穆公舍其子而立已反以冯之在郑从州吁伐郑天理灭矣故是役也首谋在衛而以宋主兵

秋翬帅师会宋公陈侯蔡人衛人伐郑

四国伐郑围其东门五日而还至秋宋来乞师复伐公弗许而翬固请以行无君之心兆矣隐公不能辨之于早以及于难书翬帅师恶之也不称公子所以谨履霜之戒

九月衛人杀州吁于濮

程子曰称衛人众词也举国杀之也

冬十有二月衛人立晋

未有为子而不受之父也未有为诸侯而不受之王也内不承国于先君故不称公子上不禀命于天子故称衛人立

五年春公观鱼于棠

臧僖伯諫而不聽僖伯称疾不从

夏四月葬衛桓公

讨贼而始葬鲁往会故书

秋衛师入郕

将卑师众称师衛晋乘乱得立而遽兴戎毒众失君道矣

九月考仲子之宫

考始成而祀也凡宫庙非志灾失礼则不书

初献六羽

书初献见前此僭用八矣

邾人郑人伐宋

宋取邾田邾人请于郑故郑会邾伐宋先邾人为主也

螟

国之大事故书

冬十有二月辛巳公子彊卒

臧僖伯也

宋人伐郑围长葛

书围志暴也

六年春郑人来输平

公之未立与郑人战于狐壤止焉故与宋为党修怨于郑邾郑伐宋入其郛宋来告命使者失词欲救而止郑人遂乘隙而输平也和而不盟曰平

夏五月辛酉公会齐侯盟于艾

始平于齐也

秋七月

程子曰无事书首月天时王月备而后成岁也

冬宋人取长葛

围其邑周一岁而取之

七年春王三月叔姬归于纪

按伯姬为纪侯夫人其娣叔姬为媵待年于宗国不与嫡同行至是始归于纪其后桓十二年纪灭宗庙在鄫叔姬不归宗国而归于鄫以全妇道春秋贤之故书此以张本程子曰娣归不书阅其无终也

滕侯卒

程子曰不名史阙文也

夏城中丘

凡用民必书劳民为重事也

齐侯使其弟年来聘

程子曰凡不称公子而称弟者或责其失兄弟之义或罪其以弟之爱而宠任之过先儒母弟之說盖缘礼文有立嫡子同母弟之說其曰同母弟盖谓嫡耳非以同母为加亲也若以同母为加亲是不知人理近于禽道也

秋公伐邾

为宋讨也渝蔑之盟矣

冬天王使凡伯来聘戎伐凡伯于楚丘以归

周礼时聘以结诸侯之好诸侯不修臣职而聘之非王体也国曰伐此一人而曰伐大天子之命也楚丘衛地以归易词于楚丘者罪衛之不救以归者罪凡伯之失节

八年春宋公卫侯遇于垂

齐将为郑平宋衛有会期矣而宋衛先为垂之遇者有私谋也私谋为何有意于从齐党而无志于释郑憾也

三月郑伯使宛来归祊庚寅我入祊

鲁有朝宿之邑在王畿之内曰许郑有汤沐之邑于泰山之旁曰祊时天子不巡狩鲁亦不朝故欲以祊易许田各取其近者前此来输平以言请之矣至是始入地也入者内不受也义不可而强入之也

夏六月己亥蔡侯考父卒

辛亥宿男卒

秋七月庚午宋公齐侯衛侯盟于瓦屋

宋衛一党也齐郑一党也郑庄挟齐以自强齐僖特假郑以纠合耳不逾年会防谋伐宋矣要

盟何益哉

八月葬蔡宣公

诸侯五月而葬宣公卒两月耳不及期简也

九月辛卯公及莒人盟于浮来

浮来莒地人微者莒虽小国而入向伐杞能为鲁患故七年城中丘以备之至是复屈已要盟于其地鲁之不国甚矣

螟

冬十有二月无骇卒

书名未赐族也季氏曰未为卿也

九年春天王使南季来聘

诸侯不朝而聘之不王也

三月癸酉大雨震电庚辰大雨雪

阴阳运动有常而无忒凡失其度人为感之也

挟卒

夏城郎

郎逼宋城郎将为郑伐宋也

秋七月

冬公会齐侯于防

会防谋伐宋也左氏曰郑伯以王命讨宋之不王岂其然乎假此以诳齐鲁耳

十年春王二月公会齐侯郑伯于中丘

会于中丘盟于邓为师期也

夏翬帅师会齐人郑人伐宋

三国先遣将致伐齐郑称人非卿也

六月壬戌公败宋师于营

不言战而言败败者为主彼与战而此败之也

辛未取郕辛巳取防

程子曰取二邑而有之盗也

秋宋人卫人入郑宋人蔡人卫人伐戴郑伯伐取之宋又连卫以报郑郑幸营之败而不备故师还及郊宋卫已乘其虚而入之矣

左氏曰宋卫既入郑而以伐戴召蔡人蔡人怒故不和而败戴郑所与也故伐之郑伺三国之便与戴合攻故取三师也

冬十月壬午齐人郑人入郕

卫蔡郕与国也故不会伐宋郑既得卫蔡故又入郕

十有一年春滕侯薛侯来朝

诸侯虽有相朝之礼而当时诸侯皆不朝王独朝鲁可乎滕薛二君不特言者讥旅见也

夏公会郑伯于时来

时来郑地谋伐许也

秋七月壬午公及齐侯郑伯入许

郑隣许伐许郑志也书及内为主也以归祊之故也

冬十有一月壬辰公薨

薨不书地弑也孰弑翬也孰使翬弑桓也贼不讨不书葬无臣子也

春秋孔义卷一

卷二

钦定四库全书

春秋孔义卷二 明 高攀龙 撰 桓公

元年春王正月公即位

继故不言即位先君不以其道终子弟不忍即位也继故而言即位则弑也故美恶不嫌同辞

二月公会郑伯于垂

郑为主故称会

郑伯以璧假许田

朝宿之地先王所锡先祖所受而私相贸易是无君无亲也曰假讳易地也

夏四月丁未公及郑伯盟于越

鲁志也故称及桓公欲结郑好以自安故既与许田又为盟也弑君之人凡民罔不怱而郑与之盟以定之其罪大矣

秋大水

桓行逆德而致阴沴宜矣

冬十月

二年春王正月戊申宋督弑其君与夷及其大夫孔父程子曰人臣死君难书及以着其节父名也称大夫不失其官也

左氏曰宋督攻孔氏杀孔父而取其妻公怒督惧遂弑殇公孔父先死曰及何也谷梁曰书尊及卑春秋之义也孔父之先死何也公羊曰孔父正色立朝使其生而存君不可得而弑也孔父可谓义形于色矣

滕子来朝

杞最小初称侯已称伯称子滕亦小初书侯已书子盖弗给于朝覲贡赋自降为子圣人因其
实而书之桓公天下之大恶滕子先隣国而朝其罪自见也

三月公会齐侯陈侯郑伯于稷以成宋乱

为赂故立华氏也会未有指言所事指言所事特书也此春秋大义也

夏四月取郕大鼎于宋戊申纳于太庙

取者得非其有之称宋始以不义取之故系其器于郕赂公者宋也而书曰取蔽罪于鲁也以
成乱之赂器置周公之庙公其受之乎故书纳纳者弗受而强致之也

秋七月杞侯来朝

杞当作纪杞则非侯也来朝惧齐也

蔡侯郑伯会于邓

左氏曰始惧楚也

九月入杞

左氏曰讨不敬也岂其然乎纪求鲁庇鲁因责利小国不能供焉耳

公及戎盟于唐

冬公至自唐

出告反至常事尔何以书或以去国逾时之久或以会盟侵伐之危或以党恶附奸之罪唐之
至危之也弑君之贼使戎而不如郑齐陈之党恶则讨之矣

三年春正月

阙疑

公会齐侯于嬴

左氏曰成昏于齐也杜氏曰不繇媒介非礼也

夏齐侯衛侯胥命于蒲

古者不盟结言而退胥命相命也相命近正也故荀卿曰春秋善胥命

六月公会杞侯于郕

杞求成也

秋七月壬辰朔日有食之既

汪氏曰日食三十六食既者三皆臣子僭逆夷狄暴横之应故此年而后荆楚僭王郑败王师宣八年而后楚庄围宋伐郑伐晋襄二十四年而后齐崔杼衛甯喜弑君吳楚横行中国

公子翬如齐逆女

称公子已为卿也

九月齐侯送姜氏于謹

越境送女非礼也

公会齐侯于謹

为齐侯尔非为亲迎也

夫人姜氏至自齐

告庙而饮至也以翬往而不言以至者公亲受之齐侯也皆非礼也

冬齐侯使其弟年来聘

致夫人也非礼也

有年

十二公多歷年所岂无丰年而独桓书有年宣书大有年何也桓弑君而立宣爲弑君者所立皆获罪于天宜得水旱凶灾而乃有年是反常也故纪其异

四年春正月公狩于郎

于郎遠也

夏天王使宰渠伯糾來聘

程子曰桓弑君而立天子不能治天下莫能討而王使其宰聘之天理滅矣人道亡矣

或曰渠氏伯糾字以大夫而攝宰者

是年不具秋冬未詳

五年春正月甲戌己丑陳侯鮑卒

杜元凱長歷正月無甲戌

夏齊侯鄭伯如紀

齊鄭朝紀欲以襲之紀人知之外相如不書此何以書紀來告也以諸侯而爲賊于隣國春秋所深疾也

天王使仍叔之子來聘

書仍叔之子讎世官也

葬陳桓公

城祝丘

祝丘在齊魯之間公欲助紀而畏齊故以非時城

秋蔡人衛人陳人從王伐鄭

王奪鄭伯政鄭伯不朝王以諸侯伐之戰于繻葛王卒大敗鄭師射王中肩不書戰不書敗所不忍言存天下之防也書從王明君臣之義也然則曷爲書王師敗績于茅戎曰王師則非親討敗而可書也

大雩

大雩帝用盛樂天子之事也魯諸侯而郊禘大雩歲以爲常不能悉書故雩以非時而書非時而雩以旱也書之見其非禮且志旱也郊禘亦因事而書

螽

螽书时不在一月也

冬州公如曹

州公尝为王三公故称公传云度其国危遂不复

六月春正月寔来

寔州公也程子曰不能反国故遂名之忽称郑忽明其正也寔不称州亡其国也

夏四月公会纪侯于郕

谄谋齐难也

秋八月壬午大阅

简车马也惧齐郑故先王寓军政于四时之田其备豫矣无事而为之妄动也有警而为之教之不素也盛夏大阅厉农失政甚矣不言公一国之事也

蔡人杀陈佗

佗弑太子免而自立逾年矣书曰陈佗以贼讨也蔡侯杀之而书蔡人天下之大恶人皆得而诛也

九月丁卯子同生

啖氏曰君嫡子生以太子生之礼举之则史书之

冬纪侯来朝

欲公请王命求齐成公告不能

七年春二月己亥焚咸丘

咸丘地名焚林而田淫猎也

夏谷伯绥来朝邓侯吾离来朝

名之者贱之也越国逾境相继而朝弑君之贼为可贱也

八月春正月己卯烝

冬烝非过也书之讥五月复烝为黷也

天王使家父来聘

桓公弑立未尝朝覲天王不讨至是三聘矣

夏五月丁丑烝

黷祀也志不敬也

秋伐邾

冬十月雨雪

程子曰建酉之月未霜而雪书异也

祭公来遂逆王后于纪

左氏曰礼也杜氏曰天子娶于诸侯使同姓诸侯为之主祭公来受命于鲁故曰礼也程子曰王姬下嫁则同姓诸侯为之主逆王后无使诸侯为主之理此讥祭公受命逆后而过鲁行朝会之礼若以朝鲁为主而逆后为遂也胡氏取刘敞之说曰命鲁以婚姻之事大夫可矣何必三公任重而轻使故祭公专命不报遂行如纪王以轻使为失祭公以遂行为罪矣赵鹏飞曰齐将灭纪纪托于鲁鲁不能庇于是为之谋俾纳女于王托王为重焉祭公因不反命而遂逆王后也

九年春纪季姜归于京师

逆称王后主王朝言也归称季姜主纪言也京大师众也凡王后非过国都不书归

夏四月

秋七月

冬曹伯使其世子射姑来朝

曹伯有疾使其世子来朝君疾而储副出危道也

十年春王正月

庚申曹伯终生卒

夏五月葬曹桓公

秋公会衛侯于桃丘弗遇

会者期词弗者迁词衛侯失信也衛中变而从齐郑于是乎有郎之师桃丘衛地

冬十有二月丙午齐侯衛侯郑伯来战于郎

内不言战言战则败也不书及为内讳也郑主兵而首齐犹州吁主兵而首宋非齐宋则不能举也

十有一年春正月齐人衛人郑人盟于恶曹

此郎之诸侯也人之示贬也

夏五月癸未郑伯寤生卒

郑庄一时之雄也射王陷弟害隣谋立宋庄身没未几而世嫡出奔庶孽夺正国内大乱为宋庄反噬为不善者可鉴矣

秋七月葬郑庄公

九月宋人执郑祭仲

宋人宋公也其曰人贬也祭畿内邑仲字也以天子命大夫为郑相也死君难臣道也祭仲被执而废绌其君立非所当立其罪大矣字之者非贤之也尊王命贵正卿着其罪而深责之也公羊以祭仲废君为权害义伤教不可从

突归于郑

突不称公子不可以有国也曰归易词也以祭仲易恶祭仲也

郑忽出奔衛

忽世子也以国氏正也其名失国也

柔会宋公陈侯蔡叔盟于折

柔鲁大夫未赐族蔡叔诸侯之兄弟称字内大夫会外诸侯盟始此折鲁地

公会宋公于夫钟

冬十有二月公会宋公于阚

十有二年春正月

夏六月壬寅公会杞侯莒子盟于曲池

隐二年纪莒盟于密隐四年莒人伐纪是时纪谋齐难故为盟莒以援之曲池鲁地

秋七月丁亥公会宋公燕人盟于谷丘

燕南燕姑姓伯爵黄帝之后谷丘宋地

八月壬辰陈侯跃卒

公会宋公于虚

虚宋地

冬十有一月公会宋公于

宋地

丙戌公会郑伯盟于武父

宋庄责赂而有怨于郑鲁桓憾忽而欲平突于宋至于君臣六会而宋不许平其辱甚矣于是遂有武父之盟武父郑地

丙戌衛侯晋卒

十有二月及郑师伐宋丁未战于宋

屡盟而卒叛数会而卒离故盟会春秋所恶也来战者罪在彼战于郎是也往战者罪在内战于宋是也

十有三年春二月公会纪侯郑伯己巳及齐侯宋公衛侯燕人战齐师宋师衛师燕师败绩

左氏以为郑与宋战公羊以宋与鲁战谷梁以纪与齐战赵匡据经文内兵主纪而先于郑外兵主齐而先于宋独取谷梁之说盖齐合宋衛燕三国伐纪鲁则纪其自出求兵于郑往救之战于纪而胜之也胡氏曰纪之不能保其国自此战始矣

三月葬衛宣公

既与衛人战曷为葬宣公怨不弃义怒不废礼且衛助齐鲁援纪非敌怨也礼丧在殡孤无外事衛宣未葬朔乃即戎又不称子从吉行事据事直书而恶自见也

夏大水

秋七月

冬十月

十有四年春正月公会郑伯于曹

曹在衛南而东北为齐界所以伺齐衛之往来虞其报救纪之怨也

无冰

时燠也政事舒缓纪纲纵弛之象

夏五

传疑也

郑伯使其弟语来盟

凡外大夫请盟于鲁曰来盟内大夫请盟于彼曰涖盟使来盟盟前定也

秋八月壬申御廩灾

粢盛所藏也

乙亥尝

谷梁曰志不敬也壬申御廩灾乙亥尝以为未易灾之余而尝也胡氏曰不时也秋尝以物成而荐新为义夏之六月未可尝也

冬十有二月丁巳齐侯禄父卒

宋人以齐人蔡人衛人陈人伐郑

师而曰以者能左右之以行其意也以一国而用诸侯之师于是始以者为所以者其罪一也

十有五年春二月天王使冢父来求车

诸侯不贡车服天子不私求财王之不王甚矣

三月乙未天王崩

是后庄王僖王不书崩见王室不告鲁不赴而诸侯不臣益甚矣

夏四月己巳葬齐僖公

五月郑伯突出奔蔡

按左氏祭仲专郑伯患之使其壻雍纠杀之雍姬知之以告仲仲杀雍纠公出奔蔡是祭仲逐之也而不书何也陆淳曰凡诸侯之奔皆不书所逐之臣圣人端本清源明其自取焉耳程子曰避祭仲而出非国人出之也

郑世子忽复归于郑

忽尝嗣位君国归而称世子则亡其君位明矣称复归反正也

许叔入于许

隐十一年鲁及齐郑入许许庄公奔衛郑使庄公之弟许叔居许东偏以奉其祭祀郑乱故许叔入许曰入者难词因乱窃入非复国之义故书入

公会齐侯于艾

左氏曰谋定许也

邾人牟人葛人来朝

朝非微者之礼曷为书人天王崩而相与旅见弑逆之人故人以贱之

秋九月郑伯突入于栎

栎郑大都也入于栎则入于郑矣书入义不容也程子曰突非正也而忽不能君故国人君突诸侯助之春秋书爵所以戒居正者已不能保则人取之矣

冬十有一月公会宋公衞侯陈侯于袤伐郑

左氏曰将纳厉公也弗克而还先地而后伐先疑而后决也谷梁曰非其疑也非其疑于为义而果于为不义也袤宋地宋郑仇也何以主兵盖忽虽正其才不足以君一国突虽篡其智足以结四隣宋之相戾而复相用者贿耳

十有六年春正月公会宋公蔡侯衞侯于曹

夏四月公会宋公衞侯陈侯蔡侯伐郑

程子曰突善结诸侯也齐氏曰自入春秋蔡常先衞自是遂序衞之下先儒以为后至实则以后至以势之强弱相上下而不复用周班矣

秋七月公至自伐郑

凡书至者久之也危之也 去年十一月会伐今年正月又会四月又伐故书至

冬城向

言冬通后月之词也

十有一月衞侯朔出奔齐

按左氏以杀急子声子也公谷以得罪天子也

十有七年春正月丙辰公会齐侯纪侯盟于黄

左氏曰平齐纪且谋衞也黄衞地

二月丙午公会邾仪父盟于趯

下书伐邾则恶自见矣

夏五月丙午及齐师战于奚

齐人侵鲁疆书战败也奚鲁地吳氏曰盟未几而齐来侵境平纪之信岂足恃乎

六月丁丑蔡侯封人卒

秋八月蔡季自陈归于蔡

何休曰蔡桓侯无子季次当立桓侯欲立献舞而疾季季避之陈桓侯卒蔡人召季于陈而季归归顺词既归何以不有国献舞立矣刘敞曰智足以与权而不乱力足以得国而不居遠而不携迹而不迫是以见贵于春秋

癸巳葬蔡桓侯

葬未有不称公者称其本爵或曰请諡于王者也或曰传失之

及宋人衛人伐邾

邾宋争疆鲁从宋志春盟而秋背之渎信不仁甚矣

冬十月朔日有食之

左氏曰不书日官失之也

十有八年春王正月公会齐侯于泺公与夫人姜氏遂如齐

谷梁曰泺之会不言及夫人以夫人之伉也以尊及卑曰及以此及彼曰及皆及者为主夫人骄伉公不能制也故曰与与则匹敌而无彼此尊卑之别也罪公也治其本也泺齐地

夏四月丙子公薨于齐丁酉公之丧至自齐

圣人直书义在其中泺之会不书夫人出以遂如齐见之丧至不书夫人入以孙于齐见之其事着矣

秋七月

冬十有二月己丑葬我君桓公

贼未讨何以书葬公羊曰讐在外也谷梁曰不责逾国而讨于是也胡氏曰隐公之讐在内在内者讨于是春秋于桓公书葬隐然足以快鲁国臣子之心哉

春秋孔义卷二

卷三

钦定四库全书

春秋孔义卷三 明 高攀龙 撰 庄公

元年春王正月

继弑不书即位先君不以其道终子不忍即位也故庄僖闵皆不书

三月夫人孙于齐

不称姜氏鲁之臣子绝不爲亲也内讳奔故云孙犹言孙让而去也见其无所容而绝之也至矣

夏单伯逆王姬

单伯吾大夫之命乎天子者也逆王姬使我爲之主也天子嫁女于诸侯必使诸侯同姓者主之诸侯嫁女于大夫必使大夫同姓者主之不自爲主者行婚姻之礼则伤君臣之义行君臣之礼则废婚姻之好故使同姓敌体者主之也然诸侯当躬至京师天子置馆命同姓之尊者行宾主之礼然后逆归本国此男下女之义也齐侯既不朝王又不亲迎而鲁之单伯反往逆之庄王不念齐鲁之讐而命之主婚鲁不念君父之讐而爲之往逆忘亲释怨人道绝矣

秋筑王姬之馆于外

主王姬者必自公门出于庙则已尊于寝则已卑爲之筑节矣筑必有常处何以筑于外仇讐之人非所以接婚姻也衰麻非所以接弁冕也知其不可故筑于外也然有三年之丧天王于义不当使之主有不戴天之讐庄公于义不可爲之主筑于外之爲宜不若辞而不主之爲正也

冬十月乙亥陈侯林卒

王使荣叔来锡桓公命

不称天宠篡弑以渎三纲也

王姬归于齐

书归于齐而后忘亲之罪着矣

齐师迁纪邢鄆郛

纪三邑也徙其民取其地曰迁纪之灭始于此矣

二年春王二月葬陈庄公

夏公子庆帅师伐于余丘

庆父公之庶兄也公子已爲卿也于余丘邾邑也邑未有书伐者志庆父之主兵也其后卒致子般之祸乱之所由来矣

秋七月齐王姬卒

外夫人不卒此何以卒檀弓曰齐告王姬之丧鲁庄公爲之大功忘亲媚讐其罪大矣

冬十有二月夫人姜氏会齐侯于禚

姜氏齐侯之恶着矣庄公可以爲子乎禚齐地

乙酉宋公冯卒

三年春王正月朔会齐师伐衛

此公子溺也未赐族伐衛者朔在齐欲纳之也忘讐罪大矣况合党以伐同姓乎

左氏曰衛朔出奔二公子立黔牟何休据世本史记以朔出奔王立公子留

夏四月葬宋庄公

五月葬桓王

左氏曰缓也王崩至是七年矣公羊曰改葬也

秋纪季以鄆入于齐

纪季纪侯之弟也齐欲灭纪故纪以邑入齐爲附庸存先祀也纪侯之命也故不书奔不书名入者难词罪齐而闵季也

冬公次于滑

将会郑伯谋纪郑伯辞以难凡师一宿爲舍再宿爲信过信爲次次止也春秋纪兵伐而书次以次爲善救而书次以次爲讥次于滑讥也欲救纪而不能也滑郑地

四年春王二月夫人姜氏享齐侯于祝丘

礼姑姊妹已嫁而反兄弟不与同席而坐况用两君相见之礼乎祝丘鲁地

三月纪伯姬卒

外夫人不卒此其卒吾女也

夏齐侯陈侯郑伯遇于垂

张氏曰谋取纪也胡氏曰郑伯厉公非子仪也然是时厉公尚在栎岂能出会十四年使傅瑕弑子仪始入郑耳此当是子仪

纪侯大去其国

程子曰大名责在纪也齐师未加而去也胡氏曰大去者土地人物仪章器物悉委置之而不顾也张氏曰春秋凡关纪之存亡者一一备书纪侯图存不获委宗庙于其弟而去之故不书奔而曰大去不书名而曰纪罪齐而闵纪也

六月乙丑齐侯葬纪伯姬

不书齐灭纪至是而齐侯灭纪之罪着矣孙明复曰甚齐侯之诈也

秋七月

冬公及齐人狩于禚

与讐狩人理绝矣齐侯也而人之所不忍言也

五年春王正月

夏夫人姜氏如齐师

会矣而享享矣而如齐师人之爲不善一纵之后如水方至莫知所极也夫前此歷日而返故

书月至此歷月而返书时矣

秋鄆黎来来朝

鄆国黎来名其后王命爲小邾子春秋繁露曰附庸字者方三十里名者方二十里

冬公会齐人宋人陈人蔡人伐衛

穀梁子曰是齐侯宋公也曰人何也人诸侯人公也人公何也逆王命也

六年春王正月王人子突救衛

程子曰王人防者例不书字子突救衛而字之善之也善子突则善王命也穀梁曰善救者则伐者不正矣

夏六月衛侯朔入于衛

秋公至自伐衛

入有二义难词也逆词也归君未有不言复不言复者未得国也朔得国矣而书入何逆王命也衛朔书名书入以着其恶王人书字书救以着其善外则诸侯书人内则庄公书至而春秋之情见矣

螟

冬齐人来归衛俘

俘军所获也公羊曰衛寶也朔奔齐齐连诸侯纳朔蓋朔以寶赂齐而齐以分于三国也春秋书此结正诸侯之罪也

七年春夫人姜氏会齐侯于防

防鲁地左氏曰齐志也

夏四月辛卯夜恒星不见夜中星隕如雨

恒星常见之星如雨隕者众也王运将终伯統方作尧舜禹汤文武之纪纲扫灭殆尽矣

秋大水无麦苗

苗禾麦熟大水故与苗俱无也

冬夫人姜氏会齐侯于谷

穀齐地蓋一歲而再会矣

八年春王正月师次于郎以俟陈人蔡人

师即围郕之师必齐意也

甲午治兵

兵即郎之兵俟而不至申治之耳

夏师及齐师围郕郕降于齐师

张氏曰书鲁用师未有如是之详者次郎可谓无名治兵可谓黷武围郕而郕降齐可谓无功歷三时而师还可谓害民逆天道亲仇讐伐同姓勦民力备书而恶着矣

秋师还

冬十有一月癸未齐无知弑其君诸儿

僖公之母弟曰夷中年生公孙无知有宠于僖公衣服礼秩如适此乱本也不书公孙罪僖公也

九年春齐人杀无知

杀无知者雍廩而曰齐人者讨贼也

公及齐大夫盟于莒

此鲁庄报讐之会忘亲而图其后嗣故以及讥莒齐地也

夏公伐齐纳纠齐小白入于齐

左传书纳子纠公谷书纳纠杜氏注子纠小白皆僖公庶子而纠长荀卿亦谓桓公杀兄以争国独史记载薄昭谏淮南厉王有曰齐桓杀其弟以反国程子取此以证子纠之爲弟未知谁是今以公谷爲据纠不书子小白系齐又参以夫子荅子路子贡之言不责管仲之忘君事讐

则其长防是非见矣

秋七月丁酉葬齐襄公

八月庚申及齐师战于干时我师败绩

公败也不言公者见乎伐齐纳纠之文矣

九月齐人取子纠杀之

此书子纠不当杀也

冬浚洙

洙在鲁北齐伐鲁之道也浚洙爲齐备也

十年春王正月公败齐师于长勺

诈战曰败败之者爲主以责鲁也善爲国者不师善师者不阵善阵者不战至于战讐怨相寻乱亡之道也况以诈乎长勺鲁地

二月公侵宋

是时鲁与齐讐必阴结于宋故鲁乘长勺之胜而侵之深其怨于齐又众其敌于宋春秋所恶也

三月宋人迁宿

宿介宋鲁间宋人以爲贰于鲁而迁之盖移之封内以爲附庸自是宿不复见则亦亡矣所谓不再贬而恶见者也

夏六月齐师宋师次于郎公败宋师于乘丘

外师不书伐内不书战胡氏曰次者不以其事胜者不以其理交讥之也

秋九月荆败蔡师于莘以蔡侯献舞归

于是荆始猾夏矣蔡侯何以名绝之也爲其服爲臣虏也荆州名楚始封以爲国至成王顓改称楚李濂曰执君灭国皆始此年天下无王齐爲之天下无中国楚爲之也

冬十月齐师灭谭谭子奔莒

书奔责不死位也不书出国亡无所出也犹书爵强暴所加非其罪也

十有一年春王正月

夏五月戊寅公败宋师于鄆

左氏曰凡师敌未阵曰败某师皆阵曰战大崩曰败绩得隳曰克覆而败之曰取某师京师败曰王师败绩于某鄆鲁地宋师再败而祸及鲁师再胜而国困矣

秋宋大水

胡氏曰外灾告则书杜氏曰公使吊之故书张氏曰比岁交兵怨不废礼古意之犹存也

冬王姬归于齐

何以书过我也何以与侯女同辞王姬虽贵其当执妇道与公侯庶人之女无以异也

十有二年春王三月纪叔姬归于鄆

叔姬隐七年归纪伯姬既卒叔姬实摄内事从纪侯去国至是纪侯卒而始归鄆宗庙在焉义当归也

夏四月

秋八月甲午宋万弑其君捷及其大夫仇牧

万宋之有力人也乘丘之战被获于鲁归乃以爲大夫而又靳之又与之博则闵公之弑其自取也仇牧与大宰督同死而督不书则弑君之贼也

冬十月宋万出奔陈

汪氏曰春秋书逆贼出奔一以责国人之失贼一以责邻国之受贼也

十有三年春齐侯宋人陈人蔡人邾人会于北杏何以会平宋乱也以诸侯主天下会盟之政自北杏始春秋非主兵皆序爵于是齐序宋公之上四国称人而独爵齐主盟北杏齐地

夏六月齐人灭遂

北杏之会遂人不至而遽灭之则甚矣凡书灭者不待再贬而恶已见称人将卑师少也自此至闵二年迁阳凡齐兵皆称人见其兵精而不贵多也

秋七月

冬公会齐侯盟于柯

始及齐平也柯齐阿邑会于齐则齐侯意也

十有四年春齐人陈人曹人伐宋

背北杏之会故也程子曰齐自管仲爲政庄十一年而后未尝兴大众也终仲之身四十年息养天下厚矣惟救邢称师讥其次也

夏单伯会伐宋

陈曹鲁皆与宋邻单伯鲁大夫也举三国之师亦见其不劳遠人矣

秋七月荆入蔡

蔡人与北杏之会矣而齐不能救力未及也自是蔡人不复与齐会盟

冬单伯会齐侯宋公衛侯郑伯于鄆

宋服故也鄆衛地衛朔入国不通诸侯者九年郑突自遇垂不通诸侯者十一年今不敢不至矣

十有五年春齐侯宋公陈侯衛侯郑伯会于鄆

逾年再会诸侯之心犹未一也三合诸侯矣而不盟以示慎重是以盟而莫敢渝也

夏夫人姜氏如齐

庄不与鄆之会故如齐解之自后不复如齐知不礼于桓也

秋宋人齐人邾人伐郕

郕即小邾齐桓助宋争郕以胁鲁也至僖公时鲁既亲齐则进郕爲小邾仍使服鲁矣

李氏曰齐伯资宋而成此于宋示驩虞之恩于鲁用胁制之术也

郑人侵宋

间诸侯伐郕而侵宋也背二鄆之会郑之反覆于齐楚之间盖始于此胡氏曰声罪致讨曰伐潜师掠境曰侵汪氏曰侵伐皆行师之名虽夷狄亦书伐伯者之兵亦书侵义之是非系其事之得失不以是爲褒贬也

冬十月

十有六年春王正月

夏宋人齐人衛人伐郑

中国诸侯宋爲大既爲之服郕又爲之报郑自是宋齐亲而中国诸侯定矣

秋荆伐郑

齐方图伯楚亦浸强而郑当其冲中国得郑可以拒楚楚得郑可以窥中国自是郑爲齐楚必争之地矣

冬十有二月会齐侯宋公陈侯衛侯郑伯许男滑伯滕子同盟于幽

赵氏曰言会鲁会之不书其人微者也同盟者同欲也幽宋地见虽诸侯同欲而宋桓实鼓舞之故齐桓之伯頼宋爲多自后滑滕诸小国不与齐盟者桓公事从简便使附于大国也伯政下衰盟会数而赋役烦大国容有不至而小弱莫不奔命焉得失可知矣

邾子克卒

子琐嗣立或曰即仪父或曰仪父之子

十有七年春齐人执郑詹

郑不朝也诸侯不服不能脩德以来之而执其大夫则小国之从齐皆出于力不赡而非有心悦诚服之意爲可见矣

夏齐人殲于遂

齐人灭遂使人戍之遂之余民饮戍者酒而杀之齐人殲焉不言遂人殲齐戍而书其自殲所

以伸遂人复讐之志而着桓公不仁至自殲其众也

秋郑詹自齐逃来

逃义曰逃罪詹也而鲁受之又罪鲁也

冬多麋

京房曰废正作淫爲火不明则国多麋刘向五行志曰麋牝兽之淫庄公将娶齐淫女其象先见如此

十有八年春王三月日有食之

夏公追戎于济西

不言侵伐者遄退也先王之法敌知畏而遁斯止矣不追也

秋有

此鲁所无也故以有书 麋皆陰物是时庄公上不能闲其母下不能正其身阳淑消而阴慝长矣此恶气之应也

冬十月

十有九年春王正月

夏四月

秋公子结媵陈人之妇于鄆遂及齐侯宋公盟

鄆之巨室嫁女于陈人结以其庶女媵之因与齐宋盟媵礼之轻也盟国之重也以轻事遂重事恶之也遂专事之词也

夫人姜氏如莒

杜氏曰非父母国而往书奸

冬齐人宋人陈人伐我西鄙

责鲁不恭其事也

二十年春王二月夫人姜氏如莒

夏齐大灾

天火曰灾齐人来告而鲁往吊故书

秋七月

冬齐人伐戎

家氏曰是时周有子頹之乱齐桓若罔闻知去年伐鲁今年伐戎大率逐利以自私耳

二十有一年春王正月

夏五月辛酉郑伯突卒

张氏曰篡弑窃国之人而春秋始终君之且复记其卒于位所以着乱贼得终王法不行为世之所由乱也

秋七月戊戌夫人姜氏薨

黄震氏曰文姜之恶极矣春秋始终以夫人之礼书之实书其事而善恶自见耳

冬十有二月葬郑厉公

王氏曰郑伯有纳惠王之功不免諡为厉者其始以赂而篡立中以虐而出奔周室虽衰公议尚在臣子私諡不敢妄加美名古意犹可攷也

二十有二年春王正月肆大眚

肆放也眚过误也季氏曰庄公制于文姜鲁之羣臣皆不協焉则凡国内臣民以拂意而陷于大罪者多矣故书肆大眚于文姜薨葬之间善庄公之能补过也

癸丑葬我小君文姜

妇人法无諡生以夫国冠之韩媼秦姬是也死以夫諡冠之庄姜定姒是也乃别为之諡曰文而不系于桓可乎

陈人杀其公子御寇

胡氏曰国乱无政众人擅杀而不出于其君则称人也

夏五月

秋七月丙申及齐高傒盟于防

议婚也不言公讳与高傒盟也

冬公如齐纳币

鲁可以释桓公之讐而不可以娶襄公之女娶仇女大恶也况丧未毕而又亲纳币不待贬绝而着矣

二十有三年春公至自齐

忘父讐而娶齐女冒母丧而往纳币归复饮至可谓有人心者乎

祭叔来聘

王臣也而不言使见私交之罪也

夏公如齐观社

吳氏曰襄二十四年齐社搜军实使客观之蓋齐俗每因祭社搜军实以夸视威众而聚人观之庄公托此爲名以如齐也

公至自齐

荆人来聘

說者以爲进之非也聘者天子问诸侯之礼圣人岂与其僭聘问之礼耶

公及齐侯遇于穀

及者内爲志

萧叔朝公

萧叔宋附庸书朝公公在外也于外非正也

秋丹桓宫楹

天子诸侯黜垩丹楹非礼也

冬十有一月曹伯射姑卒

十有二月甲寅公会齐侯盟于扈

扈齐地遇于穀盟于扈皆要结婚好也

二十有四年春王三月刻桓宫桷

文姜将祔桓公庙故丹楹刻桷而不知陷于非礼也

葬曹庄公

夏公如齐逆女

诸侯无越境逆女之礼况于讐人之国乎

秋公至自齐

昏义以正始爲先公不与夫人皆至姜氏不从公而入失其正矣

八月丁丑夫人姜氏入

日入恶入者也以宗庙爲不受也

戊寅大夫宗妇觐用币

夫人至大夫见于宗庙妇见于内男贄大者玉帛小者禽鸟女贄榛栗枣脩竝觐同防是乱男女之别矣哀姜通共仲弑嗣君之祸蓋已兆于此与

庄公之婚书事十一志大恶也

大水

冬戎侵曹曹羈出奔陈赤归于曹

羈者曹庄公嫡子而赤其庶子戎逐羈而归赤也曹伯已葬犹不称爵以微弱不能君也

郭公

经阙误也

二十有五年春陈侯使女叔来聘

女氏叔字不名者天子之命大夫也

夏五月癸丑衛侯朔卒

衛惠背幽之盟爲齐所恶故鲁亦不会其葬也

六月辛未朔日有食之鼓用牲于社

救日皆鼓常事也此何以书不鼓于朝而鼓于社又用牲皆非礼也

伯姬归于杞

庄公女不书逆者蓋以卿逆而其君亲受之境上则但举重书归而已

秋大水鼓用牲于社于门

陰盛阳防之变极矣周宣王救旱虽曰靡神不举然必以側身修行爲本社与国门非所以致水灾者自古岂有伐鼓用牲救水灾之礼乎

冬公子友如陈

报女叔之聘凡公及内卿往他国皆不言朝聘而曰如存周礼也友庄公母弟是爲成季以桓公之子故后世列爲三桓此内大夫出聘之始亦季友私行之阶也

二十有六年春公伐戎

夏公至自伐戎

曹杀其大夫

曹大夫不名杀者非一人也羈出赤归之际必有不附于赤者故赤杀之或曰鲁伐戎曹大夫之不与赤者预闻其谋故赤杀之以悦戎其无王擅杀之罪大矣

秋公会宋人齐人伐徐

徐爲鲁患旧矣春伐戎又伐徐者必戎之党也

冬十有二月癸亥朔日有食之

二十有七年春公会杞伯姬于洮

左氏曰天子非展义不巡守诸侯非民事不举大夫非君命不越境会于洮参讥之公与杞侯伯姬皆失正也洮鲁地

夏六月公会齐侯宋公陈侯郑伯同盟于幽

陈郑服也同志而盟非率之也鲁宋陈郑皆至而衛独不来故明年伐卫

秋公子友如陈葬原仲

原周畿内邑仲氏爲陈大夫季友之旧也葬原仲公子友之私事请于君以行何以书公羊曰公子庆父公子牙公子友皆庄公母弟庆父牙通乎夫人以胁公季子不忍见也故以葬原仲适陈遂不复归三十二年公以病召而始归也

冬杞伯姬来

礼父母在岁一归宁常事不书此何以书不当来也春会于洮冬又归鲁故知其不当来也

莒庆来逆叔姬

莒庆莒大夫也叔姬庄公女也何以称字大夫自逆则称字为其君逆则称女尊卑之别也大夫越境逆女非礼也诸侯嫁女于大夫必使大夫同姓者主之而公自主之非礼也

杞伯来朝

公会齐侯于城濮

王使召伯廖赐齐侯命请伐衛以其立子頹也城濮衛地岂齐以鲁衛兄弟使鲁说之来归乎衛卒不至而后伐之也

二十有八年春王三月甲寅齐人伐衛衛人及齐人战衛人败绩

战不言伐而书伐伐不言日而书日被伐不言及而书及败绩不言人而书人皆罪卫也然齐桓既以王命伐矣复取赂而还何与不曰齐侯而书人未可尽以将卑师少例之也

夏四月丁未邾子琐卒

秋荆伐郑公会齐人宋人救郑

程子曰救郑制楚之始盖天下大势所在

冬筑郿

凶年而用民力于所不必为也

大无麦禾

举国皆无也王制冢宰制国用必于岁之杪故大有大无皆书于冬

臧孙辰告余于齐

是为文仲公子彊曾孙也公羊曰君子为国必有三年之委一年不熟告余讥也

二十有九年春新延廐

养马欲其富故马廐谓之延延长也大无麦禾故讥新延廐

夏郑人侵许

秋有蜚

刘向曰蜚色青非中国所有南越盛暑男女同川淫风所生为防臭恶娶齐淫女之征应也罗氏曰负蟊今谓之蜚盘防好以清旦集稻上食稻花日出则散去又其气恶能燬稻使不蕃

冬十有二月纪叔姬卒

纪国虽灭叔姬执节守义故系之纪而録其卒葬贤而得书也

城诸及防

三十年春王正月

夏师次于成

穀梁以爲欲救鄣杜氏以爲备齐师赵氏以爲欲会齐围鄣闻鄣已降而不行姜氏曰鄣爲纪之附庸必不忍于鄣又不敢逆齐而特次于成耳

秋七月齐人降鄣

凡服从内附曰降不书鄣降而曰降鄣罪齐人之力胁也

八月癸亥葬纪叔姬

九月庚午朔日有食之鼓用牲于社

冬公及齐侯遇于鲁济

左氏曰谋山戎也以其病燕故也

齐人伐山戎

遇鲁济献捷皆书齐侯则伐山戎爲齐侯明矣人之者讥也

三十有一年春筑台于郎

一岁三筑台直书而义见矣

夏四月薛伯卒

张氏曰薛始称伯降班而告终也

筑台于薛

六月齐侯来献戎捷

诸侯不相遗俘献者下奉上之词齐侯亲来卑词尊鲁故据其所称之实而谓之献也

秋筑台于秦

秦鲁西境地也

冬不雨

程子曰一岁三筑台明年春城小谷故冬书不雨闵之深也

三十有二年春城小谷

备齐也

夏宋公齐侯遇于梁丘

爲郑报楚也齐侯不以霸主自居以梁丘近宋而先宋公

秋七月癸巳公子牙卒

庆父与叔牙同母庄公与季友同母庆父庄公庶兄也

君亲无将将而诛焉牙欲立庆父弑械成故季子酖之诛不得辟兄君臣之义也使托若以疾死然亲亲之道也夫子书其自卒示无讥也

八月癸亥公薨于路寝

庠陵李氏曰鲁十二公得终路寝者三庄宣成而已

冬十月己未子般卒

子卒日正也不日故也子般弑而日何也谷梁曰有所见则日

公子庆父如齐

奔也何以书如王氏曰内大夫以君命适他国皆书如庆父弑子般而出春秋书之无异词者既书子般卒则知其无君命矣

狄伐邢

春秋孔义卷三

卷四

<经部,春秋类,春秋孔义

钦定四库全书

春秋孔义卷四 明 高攀龙 撰 闵公

元年春王正月

不书即位乱也

人救邢

凡书救者未有不善者也况于伐邢者为狄乎

夏六月辛酉葬我君庄公

莊公之薨至是十有一月而始葬则其故可知矣谓子般非弑未敢以为然也

秋八月公及齐侯盟于落姑

盟纳季子也

季子来归

曰季子贤之也曰来归喜之也

冬齐仲孙来

来省难也

二年春王正月齐人迁阳

逼徙之也

夏五月乙酉吉禘于庄公

鲁禘非礼防未三年而举吉祭不于宫庙而于庄公之寝失礼之中又失礼焉

秋八月辛丑公薨

君薨必书其所此不书弑也

九月夫人姜氏孙于邾

上书君薨下书孙于邾出奔莒则姜氏庆父之与闻乎弑明矣

公子庆父出奔莒

庆父弑君本欲代立其奔莒者鲁人不容也

陈氏曰宋万奔陈虽杀之不书庆父奔莒虽杀之亦不书所以严佚贼之责也

冬齐高子来盟

盟立僖公也程子曰称高子善其能恤鲁

十有二月狄入卫

卫自惠公即位宣姜淫恣失人心久矣重以懿公好鹤亡形已具故狄人一至而遂涣然离散也

郑弃其师

曰郑者君臣同责也

春秋孔义卷四

卷五

钦定四库全书

春秋孔义卷五 明 高攀龙 撰

僖公

元年春王正月

不书即位继弑君也

齐师宋师曹师次于聂北救邢

救兵讥次次缓也失救道也然救而次不同于次而救者次而救者或观衅而动乎

夏六月邢迁于夷仪

不曰迁邢曰邢迁者邢志也

齐师宋师曹师城邢

是向之师也再书者嘉桓之功城夷仪也邢国之矣故书邢

秋七月戊辰夫人姜氏薨于夷齐人以归

夫人薨不地地故也桓公召而杀之也以归归齐也

楚人伐郑

荆始书楚从其自称也伐郑者郑即齐也

八月公会齐侯宋公郑伯曹伯邾人于柎

左氏曰谋救郑也当是时楚兵已退郑已在会矣盖谋伐楚也

九月公败邾师于偃

诈战曰败岂以夫人孙邾之故乎不请于会而讨之非礼也

冬十月壬午公子友帅师败莒师于郚获莒挈

庆父死于莒莒人以为功而求赂鲁人不与而加兵其罪在莒矣春秋以季友为主而书败获者责以非王者之师也

十有二月丁巳夫人氏之丧至自齐

不称姜防辞也

二年春王正月城楚丘

诸侯城楚丘而存衛焉不书会后也【从左氏】

夏五月辛巳葬我小君哀姜

成其葬者丧既归子无继母之义也

虞师晋师灭下阳

贪贿而忘与国虞首恶矣故先书虞下阳虞虢之塞邑也虢之亡实繇之故即书灭

秋九月齐侯宋公江人黄人盟于贯

江黄二国在楚东北境江黄服则楚势孤矣贯宋地惟宋与盟不烦诸侯也

冬十月不雨

书月者一月不雨也

楚人侵郑

三年春王正月不雨

夏四月不雨

谷梁云不雨者勤雨也有志乎民者也按诗称僖公俭以足用寬以爱民务农重谷则诚贤君也其有志乎民审矣故冬春夏不雨而皆书着其勤也

徐人取舒

取不言灭者取为附庸未絕其祀也舒与荆比为中国患徐人取舒为中国挠楚也

六月雨

雨云者喜雨也一经书雨此为特笔与他公之止书不雨者异矣

秋齐侯宋公江人黄人会于阳谷

谋伐楚也阳谷齐地

冬公子友如齐涖盟

涖临也往盟乎彼也来盟者盟于我也赵氏以为听伐楚之期是也

楚人伐郑

至是楚人五加兵于郑矣

四年春王正月公会齐侯宋公陈侯衛侯郑伯许男曹伯侵蔡蔡潰遂伐楚次于陞

潜师掠境曰侵声罪致讨曰伐民逃其上曰潰遂继事也次止也陞楚地蔡自庄十四年荆入蔡哀侯折而事楚已易世不通中国今二十四年矣蔡已入楚则次及于郑蔡郑当楚之冲华夷之门户也齐侯不得蔡无以伐楚侵蔡伐楚势当然矣伐而次者与伐郑次郟同整兵慎战之意

夏许男新臣卒

不书卒于师者许近楚归国而卒也

楚屈完来盟于师盟于召陵

不称使权在完也非有前定之盟也来盟于师完之意也盟于召陵桓之意也盖先请为盟而后齐始退师盟于召陵耳胡氏曰齐师虽强桓公能以律用之而不暴楚人已服桓公能以礼下之而不骄故召陵之盟春秋所美也

齐人执陈轅涛涂

陈蔡近楚常有二心涛涂欲误齐师东归诚不忠矣而执之伐之侵之不已甚乎皆春秋所罪也

秋及江人黄人伐陈

鲁及之也

八月公至自伐楚

大伐楚也

葬许穆公

冬十有二月公孙兹帅师会齐人宋人衛人郑人许人曹人侵陈

五年春晋侯杀其世子申生

目晋侯斥杀恶献公也

杞伯姬来朝其子

伯姬归寧成风因见其子于公时年十歲是年德公卒所朝之子立是为成公盖是时德公病欲托其子于鲁然非礼矣

夏公孙兹如牟

左氏曰娶也而不书逆者不与其以聘礼行私事也凡大夫聘他国曰如

公及齐侯宋公陈侯衛侯郑伯许男曹伯会王世子于首止

惠王娶陈妣为后生太子郑后母惠后生叔带王爱叔带将立之桓公率诸侯会王世子示天下戴之所以尊国本絕乱阶及以会殊防也尊王世子也

秋八月诸侯盟于首止

盟者不相信也不敢以所不信加之尊也故诸侯自盟也胡氏曰无中事复举诸侯会盟同地再言首止书之重词之复其中必有大美恶焉首止之盟美之大者也

郑伯逃归不盟

王恶齐侯定世子而使周公召郑伯曰吾抚汝以从楚辅之以晋可以少安郑伯喜王命而惧不朝于齐故逃归不盟书曰逃贱之也

楚人灭 子奔黄

江黄方睦于齐皆 姻也弦子恃之而不事楚又不设备故亡

九月戊申朔日有食之

冬晋人执虞公

程子曰书执不书灭自取也胡氏曰灭者亡国之善词上下之同力也执之者匹夫焉耳已左氏曰罪虞且言易也

六年春王正月

夏公防齐侯宋公陈侯衛侯曹伯伐郑围新城

讨郑逃首止之盟也

秋楚人围许诸侯遂救许

楚人围许以救郑经不书不与楚人救郑也凡书救未有不善其曰遂救许善之尤也

冬公至自伐郑

不以救许致师以伐郑出也

七年春齐人伐郑

郑未服也

夏小邾子来朝

即邠黎来也齐桓公请于天子进之邾之别封故曰小邾始得王命而来朝也

郑杀其大夫申侯

称国以杀杀无罪也申侯自楚奔郑郑之从楚蓋申侯有谋焉故郑以申侯说于齐归罪申侯

以自解也

秋七月公会齐侯宋公陈世子欸郑世子华盟于 母左氏曰谋郑也

曹伯班卒

公子友如齐

冬葬曹昭公

八年春王正月公会王人齐侯宋公卫侯许男曹伯陈世子欸盟于洮郑伯乞盟

惠王崩襄王惧太叔带之难不发丧而告难于齐于是有洮之盟王人下士也而先诸侯贵王命也郑伯乞盟请服也前曰逃此曰乞善乎孔叔曰国君不可轻轻则失亲患必至病而乞盟乞盟所丧多矣信哉

夏狄伐晋

秋七月禘于太庙用致夫人

谷梁曰用者不宜用也致者不宜致也言夫人不以姓氏非夫人也立妾之辞也非正也刘向曰夫人成风也致之于太庙立之以为夫人季氏曰禘无致夫人之礼盖不特为妾母也

冬十有二月丁未天王崩

赵氏曰左氏云七年闰月惠王崩襄王恶太叔之乱不发丧而告难于齐八年正月会于洮谋王室也襄王定位而后发丧据此则正月二月位已定何至十二月而后告丧诸侯乎左氏殆不足凭也呉氏谓惠王前年冬有疾而今年冬乃崩者近之

九年春王正月丁丑宋公御说卒

不葬鲁不会也赵氏曰迫于葵丘之会也

夏公会宰周公齐侯宋子衞侯郑伯许男曹伯于葵丘曰宰周公者以冢宰兼三公也襄王之位桓公所定也故使宰孔来锡命焉桓公合诸侯而为会所以重王命也

秋七月乙酉伯姬卒

九月戊辰诸侯盟于葵丘

言诸侯盟则不盟宰周公矣不敢使天子宰受诸侯约束也会盟同地而再言之其中有大美恶焉葵丘之盟美之大者也故特书日以别之

甲子晋侯诡诸卒

冬晋里克杀其君之子奚齐

谷梁曰其君之子云者国人不子也

十年春王正月公如齐

公始朝齐也

狄灭温温子奔衞

前年伐晋今又灭温狄肆甚矣非桓公伯图之缺乎

晋里克弑其君卓

去年九月晋献公卒十月里克杀奚齐于次未葬也荀息立公子卓以葬十一月里克杀卓于朝则已成之为君也故书君书弑

及其大夫荀息

书及所以着其节书大夫不失其官于息奚取焉公羊曰若息者可谓不食其言矣

夏齐侯许男伐北戎

晋杀其大夫里克

里克弑二君一大夫不以讨贼之词书者杀之不以其罪也里克所为弑者为重耳也夷吾曰是又将杀我乎故杀之而非讨其弑也不以弑君之罪讨之故书杀其大夫

秋七月

冬大雨雪

高氏曰酉戌亥月皆非大雨雪之时也故尤为异

十有一年春晋杀其大夫防郑父

防郑里克党也杀里克而惧矣称国以杀者国乱无政以忌心杀人而不得其罪也

夏公及夫人姜氏会齐侯于阳谷

参讥之也

秋八月大雩

冬楚人伐黄

病桓公也黄既服齐不供楚贡故楚伐之而齐不救负黄甚矣

十有二年春王三月庚午日有食之

夏楚人灭黄

公羊曰灭者亡国之善辞上下之同力者也

秋七月

冬十有二月丁丑陈侯杵臼卒

十有三年春狄侵卫

夏四月葬陈宣公

公会齐侯宋公陈侯卫侯郑伯许男曹伯于咸

是时淮夷病杞于是有咸之会咸卫地

秋九月大雩

冬公子友如齐

咸之会谋城缘陵也必已预戒事期矣故如齐请事

十有四年春诸侯城缘陵

会咸之诸侯也城缘陵而迁杞缘陵杞邑也

夏六月季姬及鄆子遇于防使鄆子来朝

曰季姬而不系国则犹女也其称字盖已许嫁于鄆也及者内为志内女而外与诸侯遇讥鲁也朝不言使言使非正也使来朝使来请已也僖公不君鄆子不夫季姬不予不妇竝见矣

秋八月辛卯沙鹿崩

沙鹿山名外异不书此何以书为天下记异也

秋侵郑

冬蔡侯 卒

十有五年春王正月公如齐

昭三年子大叔曰文襄之伯其务不烦诸侯令三歲而聘五歲而朝有事而会不協而盟今按公十年如齐此又如齐用五年一朝之制同于事天子之礼矣

楚人伐徐

三月公会齐侯宋公陈侯衛侯郑伯许男曹伯盟于牡丘遂次于匡公孙敖帅师及诸侯之大夫救徐

牡丘之会救徐也盟而往见其心之不協次于匡见其力之不協合八国之众以救徐而仅使大夫将桓德益衰矣

夏五月日有食之

秋七月齐师曹师伐厉

厉在徐楚之间为楚之与国伐厉以救徐也

八月螽

九月公至自会

桓会不致此何以致久也不以救徐致无功也

季姬归于鄆

己卯晦震夷伯之庙

左氏曰展氏有隱慝焉张氏曰天之怒击每在于恶稔而人不加诛之后

冬宋人伐曹

同盟始自相攻而桓不能禁矣曹在宋宇下庄十四年曹昭公从齐桓伐宋遂与宋人为不释之憾齐伯衰而宋曹之争始此其后曹卒亡于宋季氏曰宋襄轻齐争伯已见于此

楚人败徐于娄林

徐恃救而败伐厉之谋无补桓伯衰而中国之势又将一变也

十有一月壬戌晋侯及秦伯战于韩获晋侯

秦伯伐晋而经不书伐专罪晋也获晋侯以归而经不书归免秦伯也书伐书及两俱有罪而以及为主书获书归两俱有罪而以归为甚不言师败绩何也君获不言师败绩君重于师也

十有六年春王正月戊申朔陨石于宋五五月六鹢退飞过宋都

陨石自空凝结而陨也退飞有气逆驱而飞也不曰石陨于宋而曰陨石天应之也

三月壬申公子季友卒

季者其字也友者其名也大夫卒而书名曷为书字世卿也

夏四月丙申鄆季姬卒

秋七月甲子公孙兹卒

冬十有二月公会齐侯宋公陈侯衛侯郑伯许男邢侯曹伯于淮

淮夷病鄆谋城鄆也不果城而还

十有七年春齐人徐人伐英氏

英氏楚之与国桓公不能病楚而伐其与国之防者以报娄林之役不亦末乎

夏灭项

鲁灭也齐人以为讨而止公

秋夫人姜氏会齐侯于卞

声姜以公止于齐而会也

九月公至自会

日至自会犹未至齐也

冬十有二月乙亥齐侯小白卒

十有八年春王正月宋公曹伯衛人邾人伐齐

纳公子昭也是为孝公

夏师救齐

善救齐也

五月戊寅宋师及齐师战于甗齐师败绩

凡伐者为客受伐者为主今齐人受伐以宋为主者曲在宋也奉少夺长其罪大矣书齐师败绩责齐臣也

狄救齐

秋八月丁亥葬齐桓公

冬邢人狄人伐衛

狄既救齐又伐伐齐之衛假公以行其意也而邢人从之岂见逼于狄与其后邢灭于衛祸基此矣

十有九年春王三月宋人执滕子婴齐

以威求伯也

夏六月宋公曹人邾人盟于曹南

曹邾即宋所与伐齐者也襄公图伯而仅能合二国其君不亲会焉可以观人心矣

鄫子会盟于邾

会盟后会也

己酉邾人执鄫子用之

恶之故谨而日之执者邾也宋罪着矣齐桓既没诸侯放恣遂至于此

秋宋人围曹

讨不服也曹南之盟不亲会也

卫人伐邢

报菟圃之役也

冬会陈人蔡人楚人郑人盟于齐

楚人得与中国会盟自此始首陈陈倡盟也后郑郑首叛也以其人楚不可不人陈蔡以其人陈蔡不可不没公地以齐则君亦预矣宋襄暴虐诸侯皆有挟楚以抗之之心是以陈蔡为楚致鲁以为此盟春秋之所深罪也

梁亡

秦灭也而书自亡何也湎于酒淫于色心昏耳目塞上无正长之治大臣背叛民为防盗加以力役焉鱼烂而亡也

二十年春新作南门

门有古常言新有故也言作创始也非所当作而作也故当作者闕宫泮水之役皆不书

夏郕子来朝

郕宋之附庸知宋之不足恃而依鲁也

五月乙巳西宫灾

郑人入滑

滑与郑隣桓公死中国无伯郑首从楚称兵周疆无忌惮甚矣

秋齐人狄人盟于邢

于是衛方病邢谋衛难也

冬楚人伐随

随以汉东诸侯叛楚楚伐而取成

二十有一年春狄侵衛

为邢故

宋人齐人楚人盟于鹿上

是宋公也何以书人齐桓攘楚以安中国宋公盟楚以求诸侯人楚故因人之也

夏大旱

歷卯辰巳之月而旱也

秋宋公楚子陈侯蔡侯郑伯许男曹伯会于孟执宋公以伐宋

程子曰宋率诸侯为会而蛮夷执会主诸侯莫违故以同执书之

冬公伐邾

楚人使宜申来献捷

曰使则明为楚子矣而曰人捷不曰宋不与楚捷于宋也不与鲁受楚捷也

十有二月癸丑公会诸侯盟于薄释宋公

会诸侯不言楚释宋公不言楚蛮荆为中国主盟春秋所谨也

二十有二年春公伐邾取须句

按左氏谓须句国也邾灭之公伐邾取须句反其君若是则须句乃子爵国而奔因成风鲁事也国灭而兴君奔而反皆事之大者且有关于鲁而经不书其本无此事可知也赵鹏飞氏直以须句乃邾邑是矣

夏宋公衞侯许男滕子伐郑

怒郑之与楚也

秋八月丁未及邾人战于升陞

书及公战也不言败讳也

冬十有一月己巳朔宋公及楚人战于 宋师败绩楚子称人恶之也

二十有三年春齐侯伐宋围缙

宋襄有私德于齐而孝公背鹿上之盟会盂不至盟薄不与乘 之败而伐之不义甚矣春秋所深恶也

夏五月庚寅宋公兹父卒

张氏曰时僖公已有志于附楚故不书宋公之葬

秋楚人伐陈

伐陈以城顿也陈顿之争始此

冬十有一月杞子卒

杞伯爵也而书子者国小不能供伯贡自求降爵春秋从其自称也不名者史佚之也

二十有四年春王正月

夏狄伐郑

秋七月

冬天王出居于郑

按左氏郑人入滑王为滑请郑不听命王怒使頹叔出狄师伐郑而德狄人立其女隗氏为后富辰谏不听太叔带通于隗氏王绌狄女頹叔惧狄之怨已遂奉叔带以狄师攻王王适郑处于汜天子不言出特书曰出自取之也出而曰居普天之下莫非王土宅其所有也

晋侯夷吾卒

惠公卒于去年九月晋文定位而后告丧故书于今年

二十有五年春王正月丙午衛侯燬灭邢

衛侯何以名灭同姓也春秋之法诸侯不生名灭同姓则名

夏四月癸酉衛侯燬卒

宋荡伯姬来逆妇

伯姬配荡氏妇人既嫁不逾竟来非礼也以姑逆妇非礼也以公下主大夫之昏慢宗庙卑朝廷非礼也

宋杀其大夫

大夫不名众辞也

秋楚人围陈纳顿子于顿

顿迫于陈而奔楚故楚围陈而纳之中国虐小夷狄借为义举此春秋所伤也

葬衛文公

冬十有二月癸亥公会衛子莒庆盟于洮

左氏曰衛人平莒于我以元年获棼之故也庆鲁壻衛成公称子丧未逾年也

二十有六年春王正月己未公会莒子衛 速盟于向左氏曰寻洮之盟也鲁许莒平故莒子自至

齐人侵我西鄙公追齐师至鄆弗及

讨洮向二盟故

书人书侵书师罪齐也书追书至鄆不及罪鲁也鄆齐地凡追在境内则讥其不豫在境外则讥其深入

夏齐人伐我北鄆

衛人伐齐

衛之伐齐为鲁伐也

公子遂如楚乞师

展禽致词而北鄆之师立退矣僖公不能用贤图治而乞师他国何为乎直书罪着矣

秋楚人灭夔以夔子归

夔楚同姓也灭同姓何以不名人而不名春秋待外裔之道也夔子以无罪见灭故爵而不名

冬楚人伐宋围缙

宋成公忘其父孟执 战之仇而往朝楚其罪大矣今新即晋故楚伐之

公以楚师伐齐取谷

以用之也乞师他国而取人之邑失正甚矣患之起必自此始其致危之也

公至自伐齐

二十有七年春杞子来朝

成公弟桓公也来朝用子礼故公以为不共而卑之

夏六月庚寅齐侯昭卒

秋八月乙未葬齐孝公

乙巳公子遂帅师入杞

杞力不能备物而师入其国鲁之虐小甚矣

冬楚人陈侯蔡侯郑伯许男围宋

楚人楚子也称人贬也人楚子所以人诸侯也恶其信夷狄而伐中国也

十有二月甲戌公防诸侯盟于宋

公防楚子也而曰防诸侯盟于宋者宋方见围无嫌于与盟而公之罪着矣

二十有八年春晋侯侵曹晋侯伐卫

晋侯侵曹伐卫以救宋也然而非正也两书晋侯两事也

公子买戍卫不卒戍刺之

买庄公之子僖公庶弟买为楚戍卫楚人救卫不克公惧于晋杀买以说焉谓楚人曰不卒戍也审其罪曰刺以杀为刺内辞也残骨肉以苟悦人其恶甚矣

楚人救卫

三月丙午晋侯入曹执曹伯畀宋人

晋侯加兵曹卫实以致楚先假卫道以啓衅卫人不许然后畧侵曹境不深治曹遂移师伐卫请盟不许以致卫君出避鲁戍逃还楚既救卫又移师临曹执其君分其田以畀宋而楚人不得不与晋战矣及子玉请复卫封曹以释宋围则又许复二国以携之执宛春以怒之避三舍以诱之盖舒徐展转俟齐秦宋师之毕集一战而霸使强楚不敢内侵者十有五年皆兵家之胜筭伯主之伟功而非君子正义之所贵也春秋直书而功罪自见矣

夏四月己巳晋侯齐师宋师秦师及楚人战于城濮楚师败绩

楚杀其大夫得臣

得臣之败楚子之不能制命也故称国以杀而不去其官

卫侯出奔楚

按左氏晋侯齐侯盟于斂孟卫侯请盟晋人弗许卫侯欲与楚国人不欲故出其君以说于晋卫侯出居襄牛闻楚师败惧出奔楚

五月癸丑公会晋侯齐侯宋公蔡侯郑伯衛子莒子盟于践土

践土之会天王下劳晋侯削而不书存人道之大伦也

陈侯如会

来不及盟故曰如会

公朝于王所

书朝而后盟是以天子与斯盟也书盟而后朝不以天子与斯盟也

六月衛侯郑自楚复归于卫

季氏曰诸侯不生名凡生名者屈服之辞奔而名屈于所往之国也归而名屈于所属之臣也

衛元咺出奔晋

元咺奉叔武守国衛侯杀叔武而咺奔讼于晋

陈侯欸卒

秋杞伯姬来

伯姬庄公女归寧曰来

公子遂如齐

始平于齐也张洽氏曰杞伯姬来而入杞之怨释公子遂如齐而取谷之憾解中国贵于伯权之立如此

冬公会晋侯齐侯宋公蔡侯郑伯陈子莒子邾子秦人于温

讨不服也

天王狩于河阳

狩不书此何以书不与再致天子也为若将狩而遇诸侯之朝也为王讳也为晋解也春秋之忠恕也

壬申公朝于王所

不月史阙文也

晋人执衛侯归之于京师

归之于者急辞罪未定也归之于者缓辞罪已定也虽归之王而不用王命也古者君臣无狱诸侯不专杀为其臣而执君故称人以贬

卫元咺自晋复归于衛

归大夫不言复大夫言复者抗也自晋晋有奉焉讼君而君被执归国而专置主因晋力而恣行无忌咺之罪大矣

诸侯遂围许

遂继事也

曹伯襄复归于曹遂会诸侯围许

何以名其归之道非所以归也晋侯有疾货筮史以曹为解而得归失君道矣

二十有九年春介葛卢来

书来不能乎朝也

公至自围许

不以朝王至而以围许至所以着其本心不在尊王也

夏六月会王人晋人宋人齐人陈人蔡人秦人盟于翟泉

翟泉近王都之地也王子虎于此下与列国盟是谓上替诸侯大夫入天子之境上盟王子虎是谓下陵恶之大也故讳公不书诸国之卿贬称人王子亦与焉者正其本之义也

秋大雨雹

冬介葛卢来

以未见公故复来朝

三十年春王正月

夏狄侵齐

狄间晋之有郑虞而侵齐

秋衛杀其大夫元咺

称国以杀罪累上也衛侯在外而以累上何也待其杀而后入也兵莫憚于志故春秋诛意然则元咺讼君无罪与曰罪也不正名其罪而陰使人杀之诛之不以其罪也

及公子瑕

瑕元咺所立也而称公子瑕不居其位也以咺之故及瑕而衛侯忌克濫杀之罪着矣

衛侯郑归于衛

名者罪也戕骨肉也不书自京师专责晋也

晋人秦人围郑

此晋侯秦伯也而称人以围郑贬晋侯以私忿勤民秦伯视利向背从烛之武言私与郑盟戍郑去之秦晋之怨自此始矣

介人侵萧

萧宋附庸也

冬天王使宰周公来聘

冢宰兼三公下聘蓋非常之礼莫大之宠自春秋以来未之有也或以僖有两朝王所之勤而报之与

公子遂如京师遂如晋

遂者急于后事之辞虽先周后晋然志实以晋爲急故书遂而其不防亦可见矣

三十有一年春取济西田

不系国者吾故田也晋侯执曹伯班其所取侵地于诸侯复吾故田而称取何也春秋之法不以乱易乱

公子遂如晋

拜曹田也

夏四月四卜郊

鲁郊非礼也夏四月非时也四卜非礼也

不从乃免牲

卜而不从则不郊矣故免牲

犹三望

犹者可以已之辞也不郊则不当望也

秋七月

冬杞伯姬来求妇

妇人与国事非礼也求妇者姑之辞也求僖公女叔姬也是爲杞桓公妻成公世叔姬之不终其权輿于此与

狄围衛十有二月衛迁于帝丘

吳氏曰去年狄侵齐今年围衛岂以晋文久居狄而狎之乎

三十有二年春王正月

夏四月己丑郑伯捷卒

衛人侵狄

秋衛人及狄盟

盟不地于狄也

冬十有二月己卯晋侯重耳卒

三十有三年春王二月秦人入滑

按左氏曰秦师灭滑而还此云入不能有其地也

齐侯使国归父来聘

报公子遂之聘

夏四月辛巳晋人及姜戎败秦于殽

晋襄忘亲背惠墨衰经而从戎其恶大矣故书人秦爲无道越晋逾周以袭人不言师外之也

癸巳葬晋文公

日葬危不得葬也

狄侵齐

因晋丧也

公伐邾取訾娄

秋公子遂帅师伐邾

乘晋文之没报升降之役忿欲不义之兵也

晋人败狄于箕

狄伐晋及箕此门庭之寇也败之宜矣而晋侯称人者不与其丧而用师也

冬十月公如齐

十有二月公至自齐

宰周公下聘而不入覲国归父来聘而往朝比事而观鲁之无王甚矣

乙巳公薨于小寝

君日出昃朝退适路寝听政使人昃大夫退然后适小寝释服是路寝治事之所也小寝燕息之地也君终不于路寝非正矣

陨霜不杀草李梅实

季友受费而季孙氏始公孙兹帅师而叔孙氏始公孙敖帅师而孟孙氏始三桓之盛自僖公始文公以闇弱继之率以专鲁咎徵已先着矣

晋人陈人郑人伐许

讨其二于楚也

春秋孔义卷五

卷六

钦定四库全书

春秋孔义卷六 明 高攀龙 撰文公

元年春王正月公即位

二月癸亥日有食之

天王使叔服来会葬

夏四月丁巳葬我君僖公

天王使毛伯来锡公命

礼有受命无来锡命来锡命非正也

晋侯伐衛

文公季年诸侯朝晋而衛独不朝又使孔達侵郑是以伐卫取戚田

叔孙得臣如京师

拜锡命也

衛人伐晋

秋公孙敖会晋侯于戚

晋侯疆戚田敖往会之

冬十月丁未楚世子商臣弑其君頤

公孙敖如齐

左氏曰始聘也

二年春王二月甲子晋侯及秦师战于彭衙秦师败绩彭衙秦地秦师未至晋境故不书侵伐晋侯急于一战故书及忿以取败故书败绩善战者服上刑春秋所恶也

丁丑作僖公主

讥后也虞主用桑练主用栗用栗者藏主也期年练祭至是十五月而作主不时也

三月乙巳及晋处父盟

晋人以公不朝来讨公如晋盟者公也不地于晋也公出不书反不致盟不言公处父不氏讳与大夫盟也所耻也此春秋之笔削也

夏六月公孙敖会宋公陈侯郑伯晋士穀盟于垂陇讨衛故也陈侯爲衛请成执孔達以说桓文没大夫擅诸侯会盟自公孙敖士穀始也

自十有二月不雨至于秋七月

歷时而言不雨不忧雨也

八月丁卯大事于大庙跻僖公

大事祫也跻升也升僖于闵之上也逆祀也

臣不可以先君犹子不可以先父故以昭穆父祖而喻非谓僖公父视闵公也

冬晋人宋人陈人郑人伐秦

晋人再胜秦师复兴此役直书恶见矣外兵非君将皆书人不以书人爲贬也

公子遂如齐纳币

讥丧娶也三年之内不图婚

三年春王正月叔孙得臣会晋人宋人陈人衛人郑人伐沈沈潰

伐沈以其服于楚也沈潰民逃其上也商臣弑君父之大恶而不能讨区区伐沈何爲也

夏五月王子虎卒

以来赴而鲁吊也

秦人伐晋

按史记称穆公作誓在取王官封殽尸之后自是遂不复东征誓言终能践矣

秋楚人围江

报沈之役也

雨螽于宋

冬公如晋十有二月己巳公及晋侯盟

晋人悔其无礼请改盟然犹要公之朝以约誓于其国鲁之屈辱甚矣

晋阳处父帅师伐楚以救江

商臣弑逆之贼晋主夏盟合诸侯讨之岂不两得乎区区以救江又无救之实惜哉

四年春公至自晋

夏逆妇姜于齐

略之也不终丧不以贵者逆是不成其夫人之礼也故不书夫人

季氏曰妇者有姑之称成风声姜在也

狄侵齐

秋楚人灭江

晋侯伐秦

上书楚人灭江下书晋侯伐秦比事观之其义自着灭江不耻而急报王官之忿书晋侯正着其罪也

衛侯使甯俞来聘

垂陇之会衛使服晋明年从晋伐沈明年春晋归孔達其夏卫侯朝晋至秋而聘鲁蓋成公见执僖公爲请今来拜僖公之赐也

冬十有一月壬寅夫人风氏薨

妾母称夫人自文公丧成风始嫡妾乱矣仲子始僭尚未敢同嫡也

五年春王正月王使荣叔归舍且赍

天子成妾母爲夫人乱伦之甚失天理矣故王不称天称叔存礼也

三月辛亥葬我小君成风

仲子之宫羽数特异盖不祔于姑犹有辨焉至是有二夫人祔庙矣自成风始也

王使召伯来会葬

再不称天圣人于此尤谨其戒

夏公孙敖如晋

王含且赍来会葬矣舍天王而谨事晋不待贬而恶见也

秦人入郢

秋楚人灭六

秦楚之强甚矣中国犹恃有晋也

冬十月甲申许男业卒

六年春葬许僖公

夏季孙行父如陈

臧文仲以陈衛方睦故行父且娶焉

秋季孙行父如晋

文公即位六年朝晋者再贵卿往者再

八月乙亥晋侯驩卒

冬十月公子遂如晋葬晋襄公

郑子太叔曰先王之制诸侯之丧士吊大夫送葬然考僖公以前葬诸侯未有使大夫者今公子遂以卿往驯致少姜以妾媵而诸侯使卿会葬矣

三月而葬速

晋杀其大夫阳处父晋狐射姑出奔狄

狐射姑杀也而称国以杀公谷云君漏言也

闰月不告月犹朝于庙

不告月明当告也犹朝于庙幸其不已之辞

七年春公伐邾三月甲戌取须句遂城郕

伐邾间晋难也取须句不正其再取也又置叛臣焉城郕备邾难也

夏四月宋公王臣卒宋人杀其大夫

不日者国乱不讞也

昭公将去羣公子乐豫諫不听穆襄之族率国人攻公杀公孙固公孙郑于公宫众杀故称人不名者非一人也

戊子晋人及秦人战于令狐晋先蔑奔秦

襄公卒太子防晋人欲立长君赵孟使先蔑如秦逆公子雍秦康公以师纳之襄夫人曰抱太子啼于朝诸大夫畏逼乃背先蔑立灵公以御秦败秦师于令狐书及罪晋也不言败绩敌也先蔑奔秦不言出在外也自令狐而奔也

狄侵我西鄙

间秦晋之争也

秋八月公会诸侯晋大夫盟于扈

爲晋侯立也诸侯不序公后至也大夫不名君防大夫自爲主也大夫主盟诸侯扈之会始也

冬徐伐莒公孙敖如莒洩盟

汪氏曰大夫盟不书名氏者三庄九年齐无君当国大夫自爲主也此年赵盾专政若晋无君者然溴梁之会诸侯皆在而十一国大夫自盟但书大夫盟诸侯皆失政矣

八年春王正月

夏四月

秋八月戊申天王崩

冬十月壬午公子遂会晋赵盾盟于衡雍乙酉公子遂会雒戎盟于暴

大夫专盟自衡雍始也相去四日耳不以继事书再称公子各日其会正其名与地中外之别也天王崩不奔丧而遂与盾与雒戎前后会于王都之侧尚犹待于贬乎

公孙敖如京师不至而复丙戌奔莒

敖爲遂逆婚于莒见其美而自娶焉遂欲攻之而反于莒至是弃君命而往从之其罪不容诛矣然鲁君不讨又不遣使京师以终吊丧之礼皆莫逃于圣笔之诛矣奔不言出自位出也

螽

宋人杀其大夫司马宋司城来奔

非君命而众人擅杀之也前书杀其大夫言死者众也此书杀其大夫司马司城来奔言官者殆尽也

九年春毛伯来求金

不称使当丧未君也公孙敖如京师不至而毛伯来求金其罪两着矣

夫人姜氏如齐

二月叔孙得臣如京师

辛丑葬襄王

前年公子遂如晋葬襄公今年得臣如京师葬襄王是夷周于晋也至于以渐者往会而不登于防不吊不葬而见略于经抑又甚矣

晋人杀其大夫先都

三月夫人姜氏至自齐

书至正其夫人之体也则不至者其行非礼见矣

晋人杀其大夫士穀及箕郑父

襄公于夷之搜将登箕郑父先都使士穀将中军以先克之言而止故先都等阴使贼杀先克时赵盾秉国而先克其佐也于是杀先都杀士穀及箕郑父杀由盾也故书众杀而不书国杀不去其官

楚人伐郑公子遂会晋人宋人衛人许人救郑

楚人伐郑以晋君之少也赵盾帅列国之师救郑而不及楚师故书人以惩不恪

夏狄侵齐

楚得气去而狄交侵矣病晋也

秋八月曹伯襄卒

九月癸酉地震

前此百余年未有书地震者而自此至哀公书地震者五阳防阴盛之象也孔晁曰阳伏于阴下见迫于阴故不能升以至地震

冬楚子使椒来聘

伐郑聘鲁遠交近攻也以聘事来故书子非进之也

秦人来归僖公成风之襚

是时秦楚交病中国秦欲伐晋而归襚于鲁犹楚欲图北方而来聘也

不曰庄公成风曰僖公成风者成风以僖公贵也卒葬则以臣子之词见王之含赙会葬则以不天见秦人归襚则以僖公成风见其义备矣

葬曹共公

十年春王三月辛卯臧孙辰卒

夏秦伐晋

外之也春秋书兵罪其报复不已而外之者三秦郑晋也

楚杀其大夫宜申

宜申谋弑商臣也而以国杀大夫爲文圣人之意深矣

自正月不雨至于秋七月

及蘧子盟于女栗

蘧子周卿士左氏曰顷王立故也赵氏曰不书公讳独与天子大夫盟然讳公之盟皆书曰此不曰微者盟也鲁罪转大矣女栗畿内地

冬狄侵宋

楚子蔡侯次于厥貉

将伐宋也宋出迎劳之而免曰次着其包藏祸心欲憑诸侯而未敢遽前也唯蔡侯首附荆楚故表而出之以均其罪

十有一年春楚子伐麇

楚伐亦书爵矣中国无伯着夷狄之强也

夏叔仲彭生会晋郤缺于承匡

谋诸侯之从于楚者

秋曹伯来朝

即位来见也自此曹从鲁矣

公子遂如宋

狄侵齐

冬十月甲午叔孙得臣败狄于咸

狄八年之间三侵齐一侵鲁宋自是不敢窥齐鲁惟十三年一侵卫耳此败咸之功也

十有二年春王正月邾伯来奔

孙明复曰诸侯失地皆名此不名者非自失国也庄八年邾降于齐师自是入齐爲附庸此又来奔爲齐所逼耳

杞伯来朝

二月庚子子叔姬卒

左氏曰请絶叔姬而无絶昏公许之叔姬卒不言杞絶也书叔姬言非女也啖氏曰此传当在成八年误置此也

夏楚人围巢

巢呉楚间小国也

秋滕子来朝

秦伯使术来聘

且言将伐晋

冬十有二月戊午晋人秦人战于河曲

黷兵殘民其罪同不言及无曲直之辞不言败无胜负之辞

季孙行父帅师城诸及郛

鲁二邑也帅师城之者逼外国也此鲁东郛成四年城郛乃西郛也

十有三年春王正月

夏五月壬午陈侯朔卒

邾子貜卒

自正月不雨至于秋七月

世室屋壞

周公称太庙鲁公称世室羣公称宫书世室屋壞讥久不脩也程子曰春秋中文公事宗庙最爲不谨遂有世室屋壞之变天人之际可不畏哉

冬公如晋衛侯会公于沓

公一出而平衛郑于晋明年遂爲新城之盟晋以复伯终文公之世楚不敢复侵中国不爲无助于晋矣

狄侵衛

十有二月己丑公及晋侯盟公还自晋

郑伯会公于棐

十有四年春王正月公至自晋

邾人伐我南鄙叔彭生帅师伐邾

夏五月乙亥齐侯潘卒

六月公会宋公陈侯衛侯郑伯许男曹伯晋赵盾癸酉同盟于新城

从于楚者服同外楚也盟者志同故书同

秋七月有星孛入于北斗

偏指曰彗光芒四出曰孛

公至自防

晋人纳捷菑于邾弗克纳

邾定公獲且既立矣嫡长也捷菑晋姬所出故奔晋而晋人纳之邾人辞曰齐出獲且长宣子曰辞顺而不从不祥乃还故书曰弗克纳善其弗克纳也

九月甲申公孙敖卒于齐

敖废命奔莒已而奔齐主齐请复公于是乎许之奔大夫不言卒卒之者许其复也着典刑之坏爲齐人归丧起也

齐公子商人弑其君舍

鲁叔姬妃齐昭公生舍叔姬无宠舍无威商人骤施于国而多聚士昭公卒舍即位而商人弑之未逾年而曰君者何也成舍之爲君所以重商人之弑也

宋子哀来奔

宋高哀爲萧封人以爲卿不义宋公而出遂来奔书曰子哀贵之也谓能贵爱其身以存道也

冬单伯如齐齐人执单伯

齐人执子叔姬

子叔姬者齐君舍之母也单伯者鲁请于王王命之求昭姬于齐者也齐人不讨弑君之贼俱北面事之又敢执其君母执天子之使故圣人不独罪商人而曰齐人所以穷逆贼之党与而治之也

十有五年春季孙行父如晋

爲单伯与子叔姬故也

三月宋司马华孙来盟

不称使以是专行爲无君也曰司马见其以掌兵之故敢自专也

夏曹伯来朝

齐人归公孙敖之丧

敖之卒与丧归于法不得书以文伯惠叔二子之哀诚无已以敖着教也

六月辛丑朔日有食之鼓用牲于社

单伯至自齐

内大夫被执得反则至

晋郤缺帅师伐蔡戊申入蔡

新城之盟蔡人不与也不服故又入之

秋齐人侵我西鄙

季孙行父如晋

告齐难也

冬十有一月诸侯盟于扈

谋伐齐也晋侯得赂而还于是公以齐难不会书曰诸侯会于扈散辞也无能为故也

十有二月齐人来归子叔姬

郕伯姬来归有罪见出者也齐人来归子叔姬深罪齐人也

齐人侵我西鄙遂伐曹入其郛

再侵者谓诸侯不能也伐曹者以两朝鲁也

十有六年春季孙行父会齐侯于阳谷齐侯弗及盟齐以公不往而不盟也书弗及者内辞

夏五月公四不视朔

文公托疾以辞齐盟故四不视朔而实非疾也故不书疾其后渐以废矣故视朔之废自文公始

六月戊辰公子遂及齐侯盟于鄆丘

纳赂而始盟也

秋八月辛未夫人姜氏薨毁泉台

夫人声姜也毁泉台讥也先祖爲之勿居可矣毁之是扬其失也

楚人秦人巴人灭庸

冬十有一月宋人弑其君杵臼

襄夫人使甸杀之也而书宋人者君无道弑贼众不可蔽罪于主者而主者在其中矣

十有七年春晋人卫人陈人郑人伐宋

皆卿也而称人立公子鲍而成其乱也失其职矣故不卿之

夏四月癸亥葬我小君声姜

不称僖姜而别爲諡非也九月而葬慢也文公之怠于政事可知矣

齐侯伐我西鄙六月癸未公及齐侯盟于谷

胁公之亲盟也

诸侯会于扈

平宋也书曰诸侯无功也公以齐难不与会

秋公至自谷

言至自谷则不会扈可知也

冬公子遂如齐

拜谷盟也

十有八年春王二月丁丑公薨于台下

台下非正也

秦伯防卒

夏五月戊戌齐人弑其君商人

弑商人者邴歜阎职也而曰齐人齐人所同欲也人所同欲而曰弑何也罪齐人也齐人党商人而弑舍者也故不从楚比之例以盗杀书而曰齐人不从州吁无知之例以讨贼书而曰弑

六月癸酉葬我君文公

秋公子遂叔孙得臣如齐

使举上客而不称介公子遂如齐弑嫡立庶之本也故竝称介副以起问者见事情

冬十月子卒

子赤也不日弑也不忍言也

夫人姜氏归于齐

书夫人书姜氏书归于齐无罪之辞也而鲁之臣子敬嬴宣公之罪着矣

上书大夫竝使下书夫人归齐中曰子卒故春秋属辞比事而义见也

季孙行父如齐

告宣公之立也上书夫人归下书行父如齐行父与谋可知恶实齐甥以夫人诉而见讨议纳赂而请平也

莒弑其君庶其

称国以弑者众弑君之辞

春秋孔义卷六

卷七

<经部,春秋类,春秋孔义

钦定四库全书

春秋孔义卷七 明 高攀龙 撰

宣公

元年春王正月公即位

继故而言即位与闻乎故也

公子遂如齐逆女

丧未朞年遣卿逆女何亟乎结齐以自安敬嬴襄仲弑君篡国之本谋也

三月遂以夫人妇姜至自齐

书以罪遂也书妇姜别于上文夫人姜氏也

敬嬴欲结齐惠惧为出姜所谋故丧娶其女如是之亟也

夏季孙行父如齐

纳赂以请防也

晋放其大夫胥甲父于卫

河曲之战挠 骈之谋者赵穿也军门之呼穿与甲父共也而独放甲父者赵盾之私也

公防齐侯于平州

定公位也

公子遂如齐

拜成也

六月齐人取济西田

弑子赤之赂也鲁人致赂而书齐人取着齐罪也

秋邾子来朝

邾子貜且齐出也虽鲁附庸而常属于齐视齐为向背今齐鲁通好故邾子来朝

楚子郑人侵陈遂侵宋

南北之势于是始矣后十五年而楚宋平后五十年而晋楚同盟于宋诸夏之君分晋楚之从矣书楚子伤楚人之欲执伯权郑伯称人贬郑伯之从楚以亟病中国

晋赵盾帅师救陈

赵盾救陈而后宋陈四国防晋师伐郑也楚蒍贾救郑遇于北林囚晋解 晋人乃还

宋公陈侯卫侯曹伯防晋师于榘林伐郑

不言赵盾之师君不防大夫之辞也

冬晋赵穿帅师侵崇

赵穿欲握兵托于伐崇以求秦成也

晋人宋人伐郑

报北林之役也合四国伐郑而无功至于再伐不复可致三国者为宋也故独与宋连兵

二年春王二月壬子宋华元帅师及郑公子归生帅师战于大棘宋师败绩获宋华元

宋人两报郑伐甚矣郑人受命于楚而报宋非义也华元不能反已息争轻与之战至于丧师辱身而不能效死春秋所深责也

秦师伐晋

秦晋自河曲之战七年不交兵矣赵穿无衅而侵崇以致秦师宋方败于郑而晋复病于秦皆

自致也

夏晋人宋人卫人陈人侵郑

是役也赵盾避楚师而还盖塞宋之请姑为龟勉之行而已夫晋惟取赂释宋不讨至以中国之大不能服郑不竞于楚本之不正末流遂至于此可不慎乎

秋九月乙丑晋赵盾弑其君夷皋

灵公之立本非盾意及专国政国不知君灵公不堪故欲杀盾观灵辄内叛提明格鬪无复臣礼矣堂上之甲方兴桃园之攻随至及其反国非独置贼不讨反使往逆新君则盾之为弑又谁掩乎

冬十月乙亥天王崩

三年春王正月郊牛之口伤改卜牛牛死乃不郊犹三望

葬匡王

四月而葬王室不君其礼畧也微者往防鲁侯不臣其情慢也

楚子伐陆浑之戎

夷狄相攻不志此其志何也窥周室也

夏楚人侵郑

楚人侵郑则郑及晋平可知矣与郑之能反正也

秋赤狄侵齐

赤狄俗尚赤衣者也

宋师围曹

宋文即位尽逐武穆之族二族以曹师伐宋宋师围曹报武氏之乱也二族虽非讨罪之师而宋负不报之罪徒事报复春秋所恶也

冬十月丙戌郑伯兰卒

葬郑穆公

葬速礼不备也

四年春王正月公及齐侯平莒及邾莒人不肯公伐莒取向

邾乃鲁昏姻之国公欲为邾平莒而挟齐以为重义不足以服莒矣不知自反又伐取其邑抑又甚焉

秦伯稻卒

夏六月乙酉郑公子归生弑其君夷

按左氏谋弑者公子宋也归生惧谮而从之圣人以归生为首恶似非人情岂以归生同执政握兵权归生不从而子宋必不能行事乎不然必左氏记事之或谬也

赤狄侵齐

秋公如齐公至自齐

如齐而皆致者危之也

冬楚子伐郑

争中国耳非讨罪也

五年春公如齐

夏公至自齐

秋九月齐高固来逆子叔姬

公如齐高固使齐侯止公请叔姬秋来逆焉曰来者公自为主也诸侯嫁女于大夫主大夫以与之为一体敌也而公自为之主卑朝廷辱宗庙甚矣负篡国之罪倚齐以安是以屈于人下如此

当是文公少女宣公娶即位之后至是才五年安得有及笄称字之女乎

不曰逆女别于逆君夫人者也

叔孙得臣卒

内大夫卒而不日者季氏以卒不于位也未知是否

冬齐高固及子叔姬来

以反马则亲来非礼也以归宁则未易歳非礼也大夫非公事与妻出境非礼也固恣行甚而鲁辱甚矣

楚人伐郑

六年春晋赵盾卫孙免侵陈

陈即楚故也晋楚争陈自此始矣书侵无词可称之词也

夏四月

秋八月螽

蝗也贪虐取民则螽

冬十月

七年春卫侯使孙良夫来盟

谋防晋也鲁专事齐未尝与晋通卫久睦于晋故为晋致鲁来为此盟不日者前定也

夏公防齐侯伐莱

秋公至自伐莱大旱

及者内为志防者外为主伐莱齐志也故书防以大旱书者不雩也言雩则旱见言旱则雩不见宣王遇灾靡神不举此见其无恤民忧国之心矣

冬公防晋侯宋公卫侯郑伯曹伯于黑壤

晋侯之立公不朝又不使大夫聘而每歳适齐晋人止公于防盟于黄父公不与盟以赂免故黑壤不书盟讳之也讳之者不直在我也直则不讳矣若夫舍其篡立之大恶止以不朝而责赂晋之不伯又可见也

八年春公至自防

逾年而至其故可知矣自是遂不敢如晋

夏六月公子遂如齐至黄乃复

疾而复非礼也大夫以君命出闻丧徐行而不返未致事而死以尸将事

辛巳有事于太庙仲遂卒于垂

遂之卒计与祭同日不言公子蒙上文仲死而赐氏也垂齐地仲遂弑君不当书卒与公子翬同此书卒因事之变以明卿卒不绎之礼也

壬午犹绎万入去籥

非礼也礼大夫卒当祭则不告终事而闻则不绎

戊子夫人嬴氏薨

此敬嬴也文公之妾僭自成风始也

晋师白狄伐秦

侵崇之曲在晋至此七年而未已复昏狄而伐秦其罪大矣不书及偶晋于狄也晋成秦桓之交兵又始于此

楚人灭舒蓼

舒地逼近中国灭舒蓼中国无南藩矣

秋七月甲子日有食之既

冬十月己丑葬我小君敬嬴

襄仲死于道路后八日而敬嬴亦死与哀姜庆父先后即诛相类矣

雨不克葬庚寅日中而克葬

讥无备也

城平阳

季氏曰平阳在鲁北鄙近根牟城以偪根牟也

楚师伐陈

陈以晋卫之侵弃楚从晋楚之伐晋不能救复即楚焉

九年春王正月公如齐公至自齐

夏仲孙蔑如京师

君朝齐而臣聘周歲首朝齐夏乃聘周于周仅一往聘于齐则又再朝比事而观不待贬絕而恶自见矣

齐侯伐莱

秋取根牟

八月滕子卒

九月晋侯宋公卫侯郑伯曹伯防于扈晋荀林父帅师伐陈

防于扈讨不睦也陈侯不防是背盟主而即楚又背晋救陈之施罪可伐矣

辛酉晋侯黑臀卒于扈

晋自灵公不能继文襄之业盟防皆出大夫至成公方防诸侯中国赖之

冬十月癸酉卫侯郑卒

卫成公自复国以来帝丘再造抑狄事晋自伐沈之后诸侯之事无役不从国内以安皆用俞之效也

宋人围滕

文十二年滕昭公背宋朝鲁宋人内有国乱外有楚兵故不暇讨今乃因丧而围之曰围非师少可知直书宋人而罪见矣

楚子伐郑晋郤缺帅师救郑

晋成方卒楚乘隙而伐郑晋景方立郤缺救而不能定十一年辰陵之盟郑子良曰晋楚不务德而兵争与其来者可也乃从楚

陈杀其大夫泄冶

杀无罪也称国者君与用事大臣同杀之也

王氏经世云必欲皆为子哀叔盼则乱世何赖于有君子乎

十年春公如齐公至自齐

齐人归我济西田

程子曰齐鲁修好故归鲁田田鲁有也齐非义取之故云归我不足为善也

夏四月丙辰日有食之

己巳齐侯元卒

齐崔氏出奔卫

曰崔氏者以族奔也崔氏出而能反反而能弑者以其宗强于此举氏辨之早也按左氏崔杼有宠于惠公高国畏其逼而逐之自此至崔杼弑莊公凡五十一年必非杼也

公如齐

五月公至自齐

礼诸侯卒有服者奔丧无服者防葬亲奔丧非礼也

癸巳陈夏徵舒弑其君平国

君无道称国以弑陈灵朋淫杀谏而弑者以氏名书所以着祸乱所从生讨徵舒亦以治平国也

六月宋师伐滕

称师讥用众也滕自宋人执婴齐之后遂为宋私属故宋之盟叔孙豹曰滕宋私也成周之城仲几曰滕宋役也今不事宋故屡虐之

公孙归父如齐葬齐惠公

亲往奔丧贵卿防葬事齐甚谨矣而不顾天王之礼阙然莫之供也归父仲遂之子字子家其后为子家氏

晋人宋人卫人曹人伐郑

郑介大国之间从于强令岂得已乎晋不能以德镇抚侯国之贼其君者不能讨而汲汲于争郑庸何愈于楚

秋天王使王季子来聘

王季子王之母弟也宣公享国十年不朝周而比年如齐不奔王丧而奔齐丧微者防匡王葬而归父防齐侯葬无王甚矣而王季子来聘自是王灵益亡王聘益轻春秋不复录矣

公孙归父帅师伐邾取绎

宣公篡立其不能讨陈宜矣而夺地于邾以晋伯不振强齐为援故也不犹硕鼠欺人不见窃食于盆盎之间乎

大水

六年螽七年大旱今复大水矣

季孙行父如齐

冬公孙归父如齐

行父如齐初聘也归父如齐伐邾故也

齐侯使国佐来聘

葬之速也太不懷也未逾年而以君命使聘当防行吉忘哀结好书曰齐侯着其恶也

饥

前此水旱防灾不以饥书今大水之后书饥着宣公烦于事大国用无节上下用竭故也

楚子伐郑

传书晋士防救郑逐楚师于颍北诸侯之师戍郑而经不书者不足为轻重也

十有一年春王正月

夏楚子陈侯郑伯盟于辰陵

陈郑殆以晋为不足恃乎

公孙归父防齐人伐莒

四年平郯之故为齐鲁所憾此则齐人之志而归父助之也伐邾伐莒皆以归父将兵防齐防楚皆以归父特防以见宣公之德仲遂而宠其子也至笙之逐非肇端于此与

秋晋侯防狄于欒函

往防狄也图赤狄而离其党也不致力于诸侯之事而区区图狄智彊狄土辟而伯业益衰矣上则辰陵之盟成乎伯主下则征舒之杀行乎伯讨而齐鲁方且伐莒晋方且防狄比事而义见矣

冬十月楚人杀陈夏征舒

人众词大恶人人所欲诛也书楚人杀而诸夏之罪自见矣

丁亥楚子入陈

讨其贼义也取其国恶也先书杀后书入此春秋之义也

纳公孙宁仪行父于陈

致乱之臣国所不容故书纳

十有二年春葬陈灵公

讨贼者非臣子也何以书葬天下之恶一也则天下之讨同楚讨亦讨也

楚子围郑

郑既受盟于辰陵又徼事晋故楚子围之按左氏楚子县陈盖灭之矣而止书入其于郑也入自皇门至于逵道盖即其国都矣经止书围一则以听申叔时之言而反之则一则以郑伯肉袒之逆而遽许之平与其悔过也

夏六月乙卯晋荀林父帅师及楚子战于邲晋师败绩救郑不书者无及于郑也以晋主是战而罪归林父者林父身为元帅不能治先穀违命济师之罪乃妄从韩厥分恶之言楚师既乘又不能力战鼓于军中以先退为赏邲之败实林父之所为也

秋七月

冬十有二月戊寅楚子灭萧

萧宋附庸国楚灭之不能有其地规定十一年辰佗疆地入萧以叛犹为宋地可知矣楚莊灭萧所以逼宋而恐中国诸侯也

晋人宋人卫人曹人同盟于清丘

楚横甚矣今又灭萧以胁宋宋与曹卫皆唇齿之国犹欲推晋以御楚晋实不能而徒为此盟以塞责竟何益于事乎列卿称人讥也原穀违命丧师晋之罪人而主是盟人之宜矣

宋师伐陈卫人救陈

楚讨陈乱而定其国陈之即楚未足责也宋不知自反而伐之书卫人救陈意在责宋也卫之背盟义自着矣

十有三年春齐师伐莒

夏楚子伐宋

陈郑宋皆在河南为中国要枢郑防其西宋防其东陈介其间陈郑既皆归楚得宋则可圖天下矣故楚有事中国皆自郑及宋至又明年之平而南北之势成矣

秋螽

冬晋杀其大夫先穀

先穀以违命败邲之师又召狄为清之寇杀之宜矣称国以杀而不去其官者罪累上也用非

其人而弃其师君之罪也

十有四年春卫杀其大夫孔达

救陈者孔达也晋讨而达自杀曷为称国而不去其官其君意也君用其言以干盟主而杀达以说于晋以是为君之过矣

夏五月壬申曹伯壽卒

晋侯伐郑

晋景不能反身修德安夏攘夷而欲雪败邲之耻区区伐郑又何为乎

秋九月楚子围宋

轻举陈师以见伐今复轻杀其使以见围宋之几亡其国自取之也

葬曹文公

冬公孙归父防齐侯于谷

宋之东北界即鲁地也岂以楚师围宋而谋之乎

十有五年春公孙归父防楚子于宋

楚所以未遽得志于中国者赖宋为之支纵不能救严兵固圉以为声援可也乃以周公之后千乘之国谋其不免至于荐贿不亦鄙乎

夏五月宋人及楚人平

楚人围宋九月于此宋之惫至易子而食析骸以炊楚军亦止有七日之粮耳而晋听伯宗之言不出一师以撼之待其威单力尽徐自解罢书曰宋人及楚人平伤中国之失道也外平不书关于天下之故而书楚人得宋天下将有南北之势春秋特致意焉

六月癸卯晋师灭赤狄潞氏以潞子婴儿归

据左氏则潞之当讨者酆舒耳执其君灭其国何为乎书晋师见其劳民动众纵大敌弃诸夏而施侮夺于微弱为可耻也

季氏曰称日者谋定于先出其不意不待崇朝也

秦人伐晋

乘晋之畧狄土也故贬而人之

王札子杀召伯毛伯

以两下相杀之词书则王札子擅杀可知矣王之不王又可知矣

秋螽

仲孙蔑防齐高固于无娄

必谋晋楚之故也于是往断道之盟矣

初税畝

宣公虚内事外调度不给兼以水旱螽灾公田之入薄矣乃复税畝税畝者税其私田履畝十取其一也其公田仍在非废助用税也初者志变法之始其后作丘甲用田赋至于二犹不足皆宣公啓之也

冬螽生

始生曰螽既大曰螽秋螽未息冬又生子也

饥

春秋书饥三而宣公独有其二一书大水之后一书螽蝗之后甚言国无储备民无以生也

十有六年春王正月晋人灭赤狄甲氏及留吁

帅师者士防而称人贬也畏避强楚威加赤狄谓诸侯何

夏成周宣榭火

尔雅室有东西厢曰庙无东西厢有室曰寝无室曰榭楚语云榭以讲军实此宣王复防诸侯于东都讲武大射之防而非庙也宣王中兴之主宣榭火周之不复中兴见矣

秋鄆伯姬来归

出也父母训育弗至致内女妇道之亏鄆君失齐家之道而弃其伉俪交见之矣

冬大有年

十有七年春王正月庚子许男锡我卒

丁未蔡侯申卒

夏葬许昭公葬蔡文公

六月癸卯日有食之

己未公防晋侯卫侯曹伯邾子同盟于断道

同盟者志同欲也同外楚也鲁卫曹邾相隣之国宋被楚围惧而推晋晋亦恐四国之即楚盟而固之却克未见笑之先固征防于齐则此防非为谋齐可知矣

秋公至自防

冬十有一月壬午公弟叔 卒

公母弟也不称公子不为卿也称字贤也其贤之何宣弑而非之也与之财则曰我足矣织屨而食终身不食宣公之食非之而不去也兄弟无絶道也情可以明亲亲义可以厉不轨以取贵乎春秋

十有八年春晋侯卫世子臧伐齐

此则以不与断道之盟故也齐自恃伯国未尝服晋文公之伯尝惧而从之晋粵四世齐未尝从也

公伐杞

杞世婚于鲁僖文之世各一来朝宣公杀恶及视而杞不来故伐之不自反之甚矣

夏四月

秋七月邾人戕鄆子于鄆

戕残贼而杀之也于鄆刺其臣子不能救君难也

甲戌楚子旅卒

楚僭称王降而称子仲尼之笔也吴楚之君不书葬辟其号也恐民之惑也

公孙归父如晋

鲁谨事齐断道之盟始改事晋故始聘晋左氏谓归父谋之于公欲以晋人去三桓则何以不谋于素厚之齐而遽请于新交之晋及为行父所逐又何以不奔请去三桓之晋而又奔齐耶恐不然

冬十月壬戌公薨于路寝

归父还自晋至笙遂奔齐

行父自文预闻弑赤之罪故逐归父归父奔齐则以父素谨事齐也归父逐而三家之张甚矣谷梁曰捐殡而奔其父之使是亦奔父也

春秋孔义卷七

卷八

钦定四库全书

春秋孔义卷八 明 高攀龙 撰成公

元年春王正月公即位

二月辛酉葬我君宣公

无冰

此政事舒缓纪纲纵弛之象成公幼弱政在三家公室不张其象已见故当涸陰沍寒而常燠应之

三月作丘甲

古者九夫为井四井为邑四邑为丘四丘为甸甸赋车一乘每乘七十二人甲士三人凡二十五人为一甲是四丘共出三甲今作丘甲即一丘出一甲其于赋增三分之一也为齐难作丘甲益兵备敌农民重困矣

夏臧孙许及晋侯盟于赤

称及者鲁所欲为齐难也

秋王师败绩于茅戎

不言战莫之敢敌也为尊者讳敌不讳败为亲者讳败不讳敌言败绩于茅戎言自败也

冬十月

二年春齐侯伐我北鄙

鲁之事齐甚谨易世而聘防不絕及与晋盟断道而怨隙成再盟赤棘而北鄙伐矣

夏四月丙戌卫孙良夫帅师及齐师战于新筑卫师败绩

与齐师遇而战也书及在卫罪卫也

六月癸酉季孙行父臧孙许叔孙侨如公孙婴齐帅师防晋郤克卫孙良夫曹公子首及齐侯战于鞌齐师败绩

将称元帅不列其余今四卿并书者鲁卿擅兵之始坚冰之戒也凡战以受伐者为主此以四国及之者以一笑之怒残兵毒众春秋所恶也

秋七月齐侯使国佐如师己酉及国佐盟于袁娄国佐如师将以赂免非服晋也而晋大夫要以非礼国佐不可揖而去之郤克乃使鲁卫以其词为之请追国佐于袁娄而与之盟是欲盟者晋也求盟在楚故屈完称来欲盟在晋故国佐称及盟见曲直之绳墨矣

齐自翟泉以来不与晋盟者逾四十年而袁娄以后三十余年无防不同无役不与则鞌之败挫之也

八月壬午宋公鲍卒

庚寅卫侯速卒

取汶阳田

齐所侵也晋使齐归之不以好得故书取

冬楚师郑师侵卫十有一月公防楚公子婴齐于蜀鲁卫受盟于晋从于伐齐故楚为阳桥之役侵卫侵鲁鲁不书以赂退也以中国诸侯降班失列下与荆蛮之大夫防辱已甚矣

丙申公及楚人秦人宋人陈人卫人郑人齐人曹人邾人薛人鄆人盟于蜀

左氏曰于是乎畏晋而窃与楚盟谓之曰匿盟

三年春王正月公防晋侯宋公卫侯曹伯伐郑

左氏以为讨邲之役邲之役晋救郑而自败于楚非郑之罪矣无亦以前年冬楚师郑师侵卫之故乎夫使晋能距楚则郑必服今兵力尽于齐而区区撻诸侯于从楚之余宜其不得郑也若宋卫背殡越境以从金革之事则不待贬矣

辛亥葬卫穆公

二月公至自伐郑

甲子新宫灾三日哭

宣宫也不曰宣宫者神主未迁也宫成而主未入遇灾而哭何礼哉宣公弑君篡立立庙灾君子于是知有天道也

乙亥葬宋文公

按左氏文公卒始厚葬始用殉君子谓华元乐举于是乎不臣臣治烦去惑者也君生则纵其惑死又益其侈何臣之为

夏公如晋

拜汶阳之田

郑公子去疾帅师伐许

许恃楚不事郑故也

公至自晋

秋叔孙侨如帅师围棘

棘者汶阳之不服邑也鲁于是时税畝丘甲税役日重棘不愿为之民也与

大雩

晋郤克卫孙良夫伐麇咎如

赤狄之余也

冬十有一月晋侯使荀庚来聘卫侯使孙良夫来聘丙午及荀庚盟丁未及孙良夫盟

诸侯有聘无盟聘而盟非礼也及者公及之不言公二卿抗也

郑伐许

晋楚争郑郑两事焉及邲之败郑专事楚不通中华一歲而再伐许故贬之

四年春宋公使华元来聘

宋入春秋聘鲁始此

三月壬申郑伯坚卒

杞伯来朝

将归叔姬也

夏四月甲寅臧孙许卒

公如晋

公如晋以尝即楚不为所礼又欲叛晋以文子之言而止

郑襄公

秋公至自晋

冬城郛

此西郛也在济西田内以取汶阳之田惧齐复争故城以备齐

郑伯伐许

丧未逾年以吉礼从金革之事故特称伯以着其恶

五年春王正月杞叔姬来归

僖三十一年杞伯姬为其子求妇至是四十四年矣妇人嫁曰归反曰来归

仲孙蔑如宋

报华元也

夏叔孙侨如防晋荀首于谷

荀首如齐逆女也

梁山崩

梁山之东南为晋西南为秦西北为白狄当限隔内外之防而崩其变大矣梁山崩而书为天

下记异也

秋大水

冬十有一月己酉天王崩

十有二月己丑公防晋侯齐侯宋公卫侯郑伯曹伯邾子杞伯同盟于虫牢

许灵公愬郑伯于楚郑伯如楚讼不胜归而请成于晋盟于虫牢郑服也天王崩而防盟不废无王甚矣故书同以罪之

六年春王正月公至自防

二月辛巳立武宫

武公之宫也歷世十一矣立者不宜立也非礼也

取鄆

季氏曰此近鲁微国取之为己邑曰取非灭也

卫孙良夫帅师侵宋

虫牢之盟诸侯复谋防而宋辞以子灵之难故晋命卫侵之复命鲁人继之春秋聯书鲁卫责晋深矣

夏六月邾子来朝

成公即位而始朝

公孙婴齐如晋

壬申郑伯费卒

秋仲孙蔑叔孙侨如帅师侵宋

晋命也鲁之不能自立甚矣

楚公子婴齐帅师伐郑

以从晋故伐其丧楚罪大矣伯统几亡而书楚卿帅师

冬季孙行父如晋

贺迁也晋迁新田

晋栾书帅师救郑

救师出而楚还侵蔡而遇楚救蔡之师晋帅之欲战者八人栾书决于三卿之言全师而还可谓善御下矣武子可为听言之法

七年春王正月麋鼠食郊牛角改卜牛麋鼠又食其角乃免牛

曰免牛不敢斥言不郊也全曰牲伤曰牛

吴伐郟

此壽梦始事也壽梦立二年矣吴始益大称王吴距郟稍遠越江淮以伐之争中国之端也

西亭辨疑曰四夷虽大称曰子成周旧典也

夏五月曹伯来朝

成公嗣位始来朝也

不郊犹三望

间有事故书不郊以起三望

秋楚公子婴齐帅师伐郑公防晋侯齐侯宋公卫侯曹伯莒子邾子杞伯救郑八月戊辰同盟于马陵

书救郑善之也同盟同病楚也莒自晋文之卒至是始与盟

公至自防

吴入州来

州来楚与国也吴楚争强始见

冬大雩

举时则歷酉戌亥三月矣大旱也

卫孙林父出奔晋

林父良夫之子卫定公恶而逐之林父亡七年恃晋反卫复专卫政又十九年遂逐其君春秋中年诸侯之大夫外交大国以伉其君卫之孙氏鲁之季氏其尤也

八年春晋侯使韩穿来言汶阳之田归之于齐

晋侯二命齐人贪得穿也列卿无所谏正鲁君臣不能以义自强皆罪也

晋栾书帅师侵蔡

自中国之威不足以服楚蔡自翟泉以来不与中国盟防者四十八年矣而蔡再致师大国争衡而小国受败春秋矜焉

公孙婴齐如莒

因马陵之盟复与莒通左氏曰逆也

宋公使华元来聘

六年鲁使二卿侵宋本非鲁意故复通好也左氏曰聘共姬也宣公女

夏宋公使公孙壽来纳币

纳币使卿非礼也

晋杀其大夫赵同赵括

赵婴通于庄姬同括逐之姬与栾郤譖于晋侯而杀之同括无罪而晋失政刑矣故称国以杀而不去其官

按此与史记所载屠岸贾事殊不合王氏经世以屠岸贾杀赵朔自一事此又一事但史记谓同括婴同见杀于下宫之难传闻之误赵武蓄于公宫左史皆合或武避岸贾亦避同括同括死韩厥言于公而立之未知是否同括婴皆盾异母弟

秋七月天子使召伯来赐公命

临诸侯曰天王君天下曰天子一也礼有受命无来赐命命者命为诸侯非正也

冬十月癸卯杞叔姬卒

晋侯使士燮来聘叔孙侨如防晋士燮齐人邾人伐郯言伐郯也以其事吴故吴伐而不能救及其既成而伐之何义乎

卫人来媵

媵小事不书此书公羊云录伯姬也胡氏曰讥逾制也诸侯一娶九女三国媵则十二女矣

九年春王正月杞伯来逆叔姬之丧以归

叔姬本不宜出故鲁人得以义责使复归 也

公防晋侯齐侯宋公卫侯郑伯曹伯莒子杞伯同盟于蒲

为归汶阳之田故诸侯贰于晋晋人惧而为此盟亦书同忧其反覆不终同也郑则既盟复叛矣

公至自防

二月伯姬归于宋

夏季孙行父如宋致女

女既嫁三月庙见则成妇矣而后父母使人安之谓之致女常事尔何以书致女使卿非礼也伯姬贤鲁国重之故使卿致

晋人来媵

秋七月丙子齐侯无野卒

晋人执郑伯晋栾书帅师伐郑

楚人以重赂求郑郑伯防公子成于邓是从利而忘义也秋郑伯如晋既服其罪矣而晋执其君伐其国不已暴乎

冬十有一月葬齐顷公

楚公子婴齐帅师伐莒庚申莒溃楚人入郕

楚子重侵陈以救郑又自陈以伐莒实非救郑也掩人之无备而虐之耳马陵与蒲之盟莒皆与焉晋置而不问盟主固如是乎

秦人白狄伐晋

楚方挠晋争郑溃莒以牵其西而秦复与白狄战其东左氏曰诸侯贰故也晋固自取之也

郑人围许

示晋之不急君也

城中城

莒恃陋不备浹旬之间楚克其三都非守国之道然不务修政抚民而徒恃城守岂足自保乎谷梁子谓凡城之志皆讥是也

十年春卫侯之弟黑背帅师侵郑

晋命也齐年之子无知黑背之子剽皆致篡立春秋皆以弟书

夏四月五卜郊不从乃不郊

五卜渎也上帝不享可畏哉

五月公防晋侯齐侯宋公卫侯曹伯伐郑

按左氏晋执郑伯而郑不急君景公有疾晋人立太子州蒲为君而防诸侯伐郑归郑伯夫废立之际圣人所谨不应书法如此恐未足信也

齐人来媵

程子曰伯姬之嫁诸侯皆来媵之以见一安子之贤尚闻于诸侯况君子乎

丙午晋侯獯卒

秋七月公如晋

晋人止公送葬而不书讳之也

冬十月

十有一年春王三月公至自晋

晋人止公九月矣公请受盟而后使归

晋侯使郤犇来聘己丑及郤犇盟

不盟公反公于国而使大夫盟之晋之无礼甚矣

夏季孙行父如晋

报聘且涖盟也岂得晋君盟亦大夫盟之耳不书者讳国耻也

秋叔孙侨如如齐

自虫牢以来晋厚齐鲁亦亲齐而十四年如齐逆女之议始此矣

冬十月

十有二年春周公出奔晋

周公争政而出王使刘子盟而入之复出奔晋自周无出书出见天下无王王无三公也

夏公防晋侯卫侯于琐泽

按左氏谓华元合晋楚之成而防然楚不至宋亦不与晋楚为成关系不小不应书法如此岂其为谋狄乎

秋晋人败狄于交刚

盖白狄也先败狄而伐秦报九年之役也

冬十月

十有三年春晋侯使郤锜来乞师

程子曰不以王命兴诸侯之师故书乞卑词也

三月公如京师

夏五月公自京师遂防晋侯齐侯宋公卫侯郑伯曹伯邾人滕人伐秦

曹伯庐卒于师

秋七月公至自伐秦

不以京师至究其初心也

冬葬曹宣公

十有四年春王正月莒子朱卒

夏卫孙林父自晋归于卫

归易辞也自晋奉之故也

秋叔孙侨如如齐逆女

称族尊君命也

郑公子喜帅师伐许

此许之所以迁见晋厉之不伯矣

九月侨如以夫人妇姜氏至自齐

侨如不氏一事而再见者卒名耳妇者有姑之辞氏者别于非妾姑也出姜以成风不氏穆姜以敬嬴不氏也大夫不以夫人以夫人非正也刺不亲迎也

冬十月庚寅卫侯臧卒

秦伯卒

十有五年春王二月葬卫定公

三月乙巳仲婴齐卒

婴齐公子遂之子公孙归父之弟归父奔齐鲁人徐伤其无后也使婴齐后之以弟后兄非序也故书曰仲婴齐不曰仲孙不与子为父孙也

癸丑公防晋侯卫侯郑伯曹伯宋世子成齐国佐邾人同盟于戚晋侯执曹伯归于京师

曹伯卒于师负刍杀太子自立称侯以执执有罪也归于京师礼也此伯讨也而犹不掩曹伯之与盟者以为先执曹伯以令诸侯而后盟之乃尽善也故书同盟见其既同矣

公至自防

夏六月宋公固卒

楚子伐郑

晋楚为成甫及三歲而楚为首祸

秋八月庚辰葬宋共公

宋华元出奔晋宋华元自晋归于宋宋杀其大夫山宋鱼石出奔楚

荡山弱公室杀公子肥元欲讨山而力不能故出奔鱼石惧其挟晋援而桓氏不祀于宋故自止之于河上而许以讨山然后归元之出元之入皆正也山不书氏害公族也鱼石之奔亲于山而尝同恶恐见及也

冬十有一月叔孙侨如防晋士燮齐高无咎宋华元卫孙林父郑公子防邾人防于钟离

始通吴也吴求防诸侯诸侯之众往而从之故防又防也

许迁于叶

畏偏于郑也中国无伯春秋深着小国之失所也

十有六年春王正月雨木冰

雨而木冰也木者少阳幼君大臣之象冰者兵象也

夏四月辛未滕子卒

郑公子喜帅师侵宋

郑服中国五年矣至是附楚侵宋自是与楚同病中国诸侯之兵无宁歲矣

六月丙寅朔日有食之

晋侯使栾黶来乞师

甲午晦晋侯及楚子郑伯战于鄢陵楚子郑师败绩晋吕锜射楚子中目故楚不称师君伤为重也

楚杀其大夫公子侧

楚共身在行间以罢卒致败婴齐以令尹将左军而与侧相恶致有此败故称国以杀君臣同责也

秋公防晋侯齐侯卫侯宋华元邾人于沙随不见公鲁以内难师出后期晋听侨如之谮不见公不讳者曲不在公也

公至自防

公防尹子晋侯齐国佐邾人伐郑

厉公三伐郑而三挟王臣其渎甚矣

曹伯归自京师

不名不称复归位未絕也自京师王命也王讨之不行也

九月晋人执季孙行父舍之于莒丘

舍止也时从公伐郑晋复以侨如之谮而执之

冬十月乙亥叔孙侨如出奔齐

季孙得释将与公偕归故侨如惧罪而出奔鲁人立其弟豹为叔孙后是为穆叔

十有二月乙丑季孙行父及晋郤犇盟于扈

公至自防

沙随之防既不见公伐郑之防又不得与宗卿见执公待于郚晋释行父方与偕归不可以伐郑致故曰至自防以见公之不与伐郑也

乙酉刺公子偃

穆姜使公逐季孟而指公子偃公子鉏曰女不可是皆君也夫言出穆姜非偃意也成公遽杀其弟忍矣

十有七年春卫北宫括帅师侵郑

晋命也左氏谓郑侵晋卫救晋而侵郑

夏公防尹子单子晋侯齐侯宋公卫侯曹伯邾人伐郑晋不能服郑故假天子威周命二卿防之

六月乙酉同盟于柯陵

前此征伐未尝出王官也未尝盟王卿士也去年王官出今年卿士盟三伐郑而不服徒为乱而已

秋公至自防

伐后而盟故以防至谷梁以谓二事偶则以后事致也

齐高无咎出奔莒

以庆克之故高国不能自保崔氏于是复进矣

九月辛丑用郊

郊者春事也不时未有甚于此者曰用不宜用也

晋侯使荀防来乞师

冬公防单子晋侯宋公卫侯曹伯齐人邾人伐郑夏伐郑楚师至而诸侯还冬伐郑楚师至而

诸侯还厉公无服人之德而人心之不一见矣

十有一月公至自伐郑

壬申公孙婴齐卒于貍脤

从公伐郑还而道卒

十有二月丁巳朔日有食之

邾子貍且卒

邾子在位四十年

晋杀其大夫郤锜郤犇郤至

栾郤自倾危赵氏之后权势日张郤氏一族三卿虽栾氏亦忌之矣故一朝羣怨并兴厉公不道轻听而杀其三卿此自祸之道也谁与防矣

楚人灭舒庸

舒庸恃吴而不备也

十有八年春王正月晋杀其大夫胥童

庚申晋弑其君州蒲

杀胥童者书偃也胥童道君为乱国人所欲杀也故称国以杀

按左氏书偃执公于匠丽氏而使程滑弑之春秋不着贼之名字谷梁曰称国以弑君恶甚矣公羊曰众弑君之辞恐左氏未得当日事情之核也若于书偃分疏非所以训矣

齐杀其大夫国佐

庆克通于声孟子灵公入孟子之言别鲍牵逐高无咎及国佐杀克公既与盟而复之而又杀之故称国以杀罪累上也此崔庆专国之始事矣

公如晋

朝嗣君也

夏楚子郑伯伐宋宋鱼石复入于彭城

复入者已絶而复入恶之甚者恶楚之纳乱臣也

公至自晋晋侯使士匄来聘

秋杞伯来朝

八月邾子来朝

筑鹿囿

己丑公薨于路寝

冬楚人郑人侵宋

晋侯使士魋来乞师

齐桓伯业始于平宋乱晋文伯业始于释宋围悼公伯业又始于彭城之救宋故韩献子曰成伯安彊自宋始矣

十有二月仲孙蔑防晋侯宋公卫侯邾子齐崔杼同盟于虚朮

同外楚而救宋也

丁未葬我君成公

春秋孔义卷八

卷九

<经部,春秋类,春秋孔义

钦定四库全书

春秋孔义卷九 明 高攀龙 撰

襄公

元年春王正月公即位

仲孙蔑防晋栾黶宋华元卫 殖曹人莒人邾人滕人薛人围宋彭城

楚已取彭城封鱼石戍之三百乘矣曷为系之宋楚不得取之宋鱼石不得受之楚所以抑强夷黜叛臣也

夏晋韩厥帅师伐郑仲孙蔑防齐崔杼曹人邾人杞人次于鄆

悼公既围彭城禽五大夫于是伐郑讨其从楚纳鱼石之罪以韩厥独攻其前以五国之兵援其后楚兵不出则厥敌郑而有余楚兵出则五国足以鬪楚而不惧皆所以谨用诸侯而不忍鬪其民也

秋楚公子壬夫帅师侵宋

侵宋所以救郑也

九月辛酉天王崩邾子来朝

冬卫侯使公孙剡来聘晋侯使荀防来聘

礼诸侯相见揖让入门不得终礼者六天子崩其一也春秋继王崩而书朝聘朝者聘者受者皆罪也

二年春王正月葬简王

五月而葬速

郑师伐宋

楚令也

夏五月庚寅夫人姜氏薨

六月庚辰郑伯睓卒

不书葬者成公背中国诸侯不防其葬也

晋师宋师卫 殖侵郑

郑虽叛中国伐丧非礼也师众将卑称师将尊师少称将

秋七月仲孙蔑防晋荀防宋华元卫孙林父曹人邾人于戚

谋郑也

己丑葬我小君齐姜

襄公嫡母也季氏以为宣夫人

叔孙豹如宋

通嗣君也

冬仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢

以偪郑也于是郑人乃成虎牢郑岩邑不系之郑者郑不能有也

楚杀其大夫公子申

左氏以为申为右司马多受小国之赂以偪子重子辛楚人杀之

三年春楚公子婴齐帅师伐吴

公如晋

夏四月壬戌公及晋侯盟于长檣

长檣近晋地去其国而与公盟悼公之敬也

公至自晋

六月公防单子晋侯宋公卫侯郑伯莒子邾子齐世子光己未同盟于鸡泽

同外楚也防盟异日故别书日

陈侯使袁侨如防

陈请服也病楚政而即晋也本非召防来复后时故书如防

戊寅叔孙豹及诸侯之大夫及陈袁侨盟

陈自辰陵即楚二十八年矣今始如防故使大夫盟而固之

秋公至自防

冬晋荀防帅师伐许

许自新城以来不与中国防盟四十余年矣为郑虐而迁叶依楚岂能一旦叛楚哉荀防贤大夫也规模欲速如此宜许之终不服而已服之陈亦并失之也

四年春王三月己酉陈侯午卒

夏叔孙豹如晋

报荀防之聘也襄公聘晋者九始于此年

秋七月戊子夫人嬖氏薨

成公妾襄公母也

葬陈成公

八月辛亥葬我小君定嬖

冬公如晋

陈人围顿

顿近于陈僖二十五年楚人围陈纳顿顿为楚与故陈不敢伐今陈事晋楚使顿间陈而侵之陈人围顿以怒楚则非保国之道矣

五年春公至自晋

夏郑伯使公子发来聘

通嗣君也终春秋郑聘鲁惟此

叔孙豹鄫世子巫如晋

鄫属鲁故鲁以鄫世子托于晋不书及犹晋大夫云尔以国君之世子列于大夫非正也交讥之

仲孙蔑卫孙林父防吴于善道

鲁卫俱受命于晋故不书及晋楚争衡权在吴故晋急于吴鲁卫近吴故令先防且告防期

秋大雩

楚杀其大夫公子壬夫

楚人讨陈叛曰繇令尹子辛实侵欲焉乃杀之

公防晋侯宋公陈侯卫侯郑伯曹伯莒子邾子滕子薛伯齐世子光吴人鄫人于戚

吴来防非为主也成九年为蒲之防将以防吴而吴不至故十五年诸侯之大夫防之于钟离前三年防鸡泽使荀防逆吴子又不至今年吴子使壽越如晋请听诸侯之好故晋使鲁卫先防之而为戚之防凡序吴者来防也殊吴者往防之也

公至自防

冬戍陈

诸侯受命于戚还国遣戍故独书鲁戍陈附中国而楚争之助陈距楚春秋所与也

楚公子贞帅师伐陈

公防晋侯宋公卫侯郑伯曹伯齐世子光救陈

善救陈也

十有二月公至自救陈

辛未季孙行父卒

文子相三君而无私积然党仲遂弑君大节不足称也其子宿嗣是为武子于是始营私家矣

六年春王三月壬午杞伯姑容卒

夏宋华弱来奔

平公以其为乐饗桎于朝也而逐之

秋葬杞桓公

滕子来朝

莒人灭鄆

谷梁曰非灭也立异姓以泄祭祀灭亡之道也晋博士秦秀曰昔鄆养外甥莒公子为后春秋书莒人灭鄆赵伯循曰莒人以兵破鄆立其子使守之而为附庸其子或鄆之外孙故当时有鄆甥守祀之說后至昭四年鲁复取鄆以此季氏亦取赵氏之说似为长也

冬叔孙豹如邾

按左氏记三年邾莒伐鄆鲁救鄆侵邾败于狐骀此聘谓为修平窃疑讳败可也不应并其事没之不报可也不应贵卿遽往聘而修平恐此是报邾子之来朝而狐骀之传为未真也

季孙宿如晋

左氏谓晋以鄆故来讨莒自灭鄆何故讨鲁宿之如晋当以嗣位而见伯主行父丧未及葬而宿以吉礼奉使自成公以前尚未蔑礼至是也

十有二月齐侯灭莱

齐图莱久矣自宣七年伐莱至是遂灭之

七年春邾子来朝

夏四月三卜郊不从乃免牲

不时也宜其不从矣

小邾子来朝

城费

私邑自专之祸实造端矣故谨书之

秋季孙宿如卫

报聘也

八月螽

冬十月卫侯使孙林父来聘壬戌及孙林父盟

报季孙宿之聘寻孙良夫之盟也

楚公子贞帅师围陈

十有二月公防晋侯宋公陈侯卫侯曹伯莒子邾子于鄆

谋救陈也陈侯逃归不成救故不书

郑伯髡顽如防未见诸侯丙戌卒于鄆

未见诸侯而曰如防者致其志也郑僖公之卒三传皆以为弑而书卒者左则曰以疟疾赴也公羊则曰为中国讳也谷梁则曰不使夷狄之民加乎中国之君也赵鹏飞氏季本氏以为本未尝弑也岂当时事有难明贼无所归有不得不从赴告之文者乎

陈侯逃归

逃义曰逃春秋逃陈郑所以矛齐晋也

八年春王正月公如晋

如晋朝且听朝聘之数

夏葬郑僖公

郑人侵蔡获蔡公子燮

蔡楚之与也能无致楚之讨乎故子产曰小国无文德而有武功祸莫大焉

季孙宿防晋侯郑伯齐人宋人卫人邾人于邢丘命朝聘之数故公在而大夫防非正也不书季孙则疑于诸侯国之微者书季孙而人诸侯之大夫所以严君臣之分谨上下之交而革伯者苟且之政也

公至自晋

莒人伐我东鄙

以疆鄙田也而莒之强鲁之弱伯主之无威见矣

秋九月大雩

冬楚公子贞帅师伐郑

讨侵蔡也此郑又从楚之始

晋侯使士匄来聘

拜公之辱告将用师于郑

九年春宋灾

夏季孙宿如晋

报范宣子之聘也

五月辛酉夫人姜氏薨

成公母

秋八月癸未葬我小君穆姜

冬公防晋侯宋公卫侯曹伯莒子邾子滕子薛伯杞伯小邾子齐世子光伐郑十有二月己亥同盟于戲伐郑而书同盟下书楚子伐郑则郑受盟可知特郑伯未尝如师耳

楚子伐郑

明年诸侯伐郑则郑及楚平可知矣晋伐从晋楚伐从楚所谓牺牲玉帛待于二境以待强者郑之执政谋国不臧甚矣

十年春公防晋侯宋公卫侯曹伯莒子邾子滕子薛伯杞伯小邾子齐世子光防吴于柤

防又防外之也吴子在柤晋以诸侯往防之

夏五月甲午遂灭偃阳

偃阳楚与国吴晋往来之道左氏曰欲以封宋向戌戌辞不受乃与宋公谷梁曰书遂者不以中国从夷狄也

公至自防

不至灭而至防举其可道者也

楚公子贞郑公孙轅帅师伐宋

宋事晋最谨而又受偃阳故也

晋师伐秦

去年秦人侵晋晋饥不能报至是伐之是时秦人南交于楚而秦景公妹又为楚共王夫人

秋莒人伐我东鄙

间诸侯之有事也

公防晋侯宋公卫侯曹伯莒子邾子齐世子光滕子薛伯杞伯小邾子伐郑

自是晋人凡三伐郑皆以楚郑加兵于宋而后动亦不得已而应之者也齐光以世子长于小国之君以其先至而跻之也非礼甚矣

冬盗杀郑公子駢公子发公孙轅

郑之从楚以劳中国皆公子駹之罪也从楚之人弑君之贼而发輒惟駹是从郑不能讨而盗得杀之不书大夫失卿职也

戍郑虎牢楚公子贞帅师救郑

戍者诸侯之师也城虎牢不系之郑者欲共拒楚天下之词也戍系之郑者为郑戍之也一国之词也楚本争郑救非善之书救陈见晋之终失陈书救郑见楚之终失郑

公至自伐郑

十有一年春王正月作三军

三军鲁之旧也后以伯主之令军多则贡重故为二军今复其旧何以曰作三家始三分公室而各有其一也

夏四月四卜郊不从乃不郊

郑公孙舍之帅师侵宋

从子展之谋欲致诸侯使晋人致力争郑而后固与晋也

公防晋侯宋公卫侯曹伯齐世子光莒子邾子滕子薛伯杞伯小邾子伐郑

秋七月己未同盟于亳城北

左氏记盟誓之言只言十二国则是郑未尝与而诸侯自同盟也

公至自伐郑

楚子郑伯伐宋

公防晋侯宋公卫侯曹伯齐世子光莒子邾子滕子薛伯杞伯小邾子伐郑防于萧鱼

地防而后伐未集事之词也伐而后地防集事之词也伐楚盟召陵伐郑防萧鱼皆序绩也

公至自防

不以伐郑至得郑之词也

楚人执郑行人良霄

书楚人执郑行人良霄则郑之服晋可知矣至是楚不复出师争郑而郑不敢背晋者二十四年此晋悼之绩也

冬秦人伐晋

为楚救郑也

十有二年春王三月莒人伐我东鄙围台

伐我未有书围邑者书围邑始此公五与莒子防而莒间岁伐我鲁弱可知矣

季孙宿帅师救台遂入郛

大夫无遂事受命而救台不受命而入郛恶季孙宿也

夏晋侯使士魴来聘

来拜师也

秋九月吴子乘卒

吴始书卒壽梦始僭称王故不书葬

冬楚公子贞帅师侵宋

报晋之取郑也楚兵亦不至宋盖为晋不战所屈也

公如晋

朝且报聘也

十有三年春公至自晋

夏取郛

近鲁小邑也

秋九月庚辰楚子审卒

冬城防

防在齐南而近莒是时为臧孙氏邑城防以备莒亦备齐也

十有四年春王正月季孙宿叔老防晋士匄齐人宋人卫人郑公孙蚺曹人莒人邾人滕人薛人杞人小邾人防吴于向

吴为楚败为吴谋楚也是时郑虽服而悼公尚欲报秦故亲吴以遏楚卿使则大夫介礼也两卿并使故并书季孙宿以卿为介而不使之免叔老介于宿而不敢避胥失之矣

二月乙未朔日有食之

夏四月叔孙豹防晋荀偃齐人宋人卫北宫括郑公孙蚺曹人莒人邾人滕人薛人杞人小邾人伐秦

报栎之役也自此终春秋之世秦不复与晋争齐宋称人而复位卫郑之上必非未命大夫左氏以为情也卫北宫括不书于向之防而书于伐秦掇也季本氏以当时诸侯大夫位次或以国之大小或以势之强弱或以事之勤惰或以至之后先皆繇为主者之意而爵位尊卑俱越其常矣此说得之而特以称人皆为微者则不尽然也

己未卫侯出奔齐

孙林父甯殖出其君也而书卫侯出奔者出其为言岂臣子所施于君父但书出奔而已言出奔则或君无道或臣强皆可推其上下比事而见矣此圣人之笔也

莒人伐我东鄙

莒自灭鄆之后四伐鲁矣

秋楚公子贞帅师伐吴

冬季孙宿防晋士匄宋华阅卫孙林父郑公孙蚺莒人邾人于戚

林父立剽晋侯以问荀偃对曰不如因而定之故防于戚以定剽乱不能讨防其贼以定之不义甚矣此晋悼之衰也

十有五年春宋公使向戌来聘二月己亥及向戌盟于刘

报豹之聘寻亳之盟聘而盟非礼也不盟于国而于刘崇向戌也不言公伋也

刘夏逆王后于齐

天子不亲迎卿往逆而公监之礼也刘夏士也士而逆后是不重人伦之本而轻天下之母矣过我故志之

夏齐侯伐我北鄙围成公救成至遇

救成至遇不敢进也

晋悼防诸侯者六齐灵皆不亲行卫侯奔齐而戚之防以定卫而齐不与焉益轻晋矣故遂有北鄙之师

季孙宿叔孙豹帅师城成郛

成孟氏邑郛外城

秋八月丁巳日有食之

邾人伐我南鄙

邾貳晋与齐党莒也

冬十有一月癸亥晋侯周卒

十有六年春王正月 晋悼公

急于防诸侯丧未三月而速 也

三月公防晋侯宋公卫侯郑伯曹伯莒子邾子薛伯杞伯小邾子于溴梁

平公承父之志欲讨邾莒兼虞诸侯有异志故为是防然逾月而 改服而蒸合诸侯接防享其越礼甚矣不懷亲甚矣

戊寅大夫盟

诸侯防而曰大夫盟政在大夫也不曰诸侯之大夫大夫不臣也自是君若赘旒矣世变之益降也

晋人执莒子邾子以归

以我故执之不归京师非伯讨也故称人而二君不名

齐侯伐我北鄙

齐既叛晋又以公讨莒邾也

夏公至自防

五月甲子地震

叔老防郑伯晋荀偃卫甯殖宋人伐许

许欲弃楚请迁于晋许大夫不可故晋伐之郑非主兵也曷为防郑伯臣不可过君也郑与许有宿怨故君亲行焉

秋齐侯伐我北鄙围成

大雩

冬叔孙豹如晋

言齐故也

十有七年春王二月庚午邾子貜卒

宋人伐陈

书伐许伐陈皆着楚之诘也

夏卫石买帅师伐曹

卫孙蒯越境田猎而遭曹人之詢辱不能自反而将兵攻其国亦甚矣

秋齐侯伐我北鄙围桃齐高厚帅师伐我北鄙围防九月大雩

宋华臣出奔陈

华臣暴其宗室而乱宋政不有国讨失政刑矣君子违不谯讐国陈宋讐也而奔焉尤可诛也

冬邾人伐我南鄙

邾子执于晋既归而卒故嗣子助齐而修先君之怨

十有八年春白狄来

不书朝者彼不当朝鲁不当受其朝也

夏晋人执卫行人石买

为曹故也然行人非所执执不归京师舍林父逐君之恶而此之执夫岂伯讨乎

秋齐师伐我北鄙

冬十月公防晋侯宋公卫侯郑伯曹伯莒子邾子滕子薛伯杞伯小邾子同围齐

侵伐围入未有书同者此书同围诸侯所同疾也

曹伯负刍卒于师

楚公子午帅师伐郑

十有九年春王正月诸侯盟于祝柯

再举诸侯间有异事而防盟殊地也

晋人执邾子

以伐我故不言以归释之也

公至自伐齐

书同围齐而以伐致大诸侯之伐而免其围齐之罪词也

取邾田自濞水

取邾田以濞水为界

季孙宿如晋

拜师也

葬曹成公

夏卫孙林父帅师伐齐

讨强暴而使逐君之大夫尸其事晋何以服齐乎

秋七月辛卯齐侯环卒

晋士匄帅师侵齐至谷闻齐侯卒乃还

还善词也大其不伐丧也谷齐地大夫以君命出境进退得专之矣未出境则埽帷而归命乎介可也

八月丙辰仲孙蔑卒

齐杀其大夫高厚

杀高厚者崔杼也以国杀亦庄公所欲也自是大权在杼而射股之祸兆矣

郑杀其大夫公子嘉

盗杀三卿嘉知而不言欲起楚师以告诸大夫故楚人伐郑又专国政不协于人嘉则有罪矣子展子西率国人杀而分其室则非正讨也故称国以杀而不去其官

冬葬齐灵公

城西郭

叔孙豹防晋士匄于柯

齐及晋平鲁犹惧而自托于晋也

城武城

犹备齐

二十年春王正月辛亥仲孙速防莒人盟于向

及莒平也孟庄子未练从政无复三年丧也

夏六月庚申公防晋侯齐侯宋公卫侯郑伯曹伯莒子邾子滕子薛伯杞伯小邾子盟于澶渊
齐成故也

秋公至自防

仲孙速帅师伐邾

鲁之报邾足矣而又伐之澶渊之盟何取焉

蔡杀其大夫公子燮蔡公子履出奔楚

燮盖尝为郑所获者欲事晋而为国人所杀履其母弟出奔从夷则非兄志矣

陈侯之弟黄出奔楚

为庆氏所不容曰弟亲之也亲而奔之恶也

叔老如齐

始修好也

冬十月丙辰朔日有食之

季孙宿如宋

报向戌聘也

二十有一年春王正月公如晋

拜师及取邾田也

邾庶其以漆闾邱来奔

以地奔甚于叛矣于是公在晋季孙宿纳之也昭公如晋而牟夷以牟娄防来昭公在干侯而

黑肱以濫来为盜藪者实季氏也

夏公至晋

秋晋栾盈出奔楚

栾盈者书之孙廕之子书执晋权灭赵宗害郤氏厉公见弑实书所主廕之汰虐积恶有自矣盈不能防闲其母故为州宾所譖范匄所逐春秋正本之书故国君见出大夫见逐皆不书所逐之人而以自奔为文明其自取之也

九月庚戌朔日有食之

冬十月庚辰朔日有食之

比年食又比月食八年之间日七食祸变重矣

曹伯来朝

公防晋侯齐侯宋公卫侯郑伯曹伯莒子邾子于商任以錙栾氏也卒使其无所容而兴乱以私害公足为古今之戒矣

二十有二年春王正月公至自防

夏四月

秋七月辛酉叔老卒

冬公防晋侯齐侯宋公卫侯郑伯曹伯莒子邾子薛伯杞伯小邾子于沙随

复錙栾氏也

公至自防

楚杀其大夫公子追舒

追舒宠近小人罪不至死故称国以杀而不去其官

二十有三年春王二月癸酉朔日有食之

三月己巳杞伯勾卒

夏邾畀我来奔

杜氏曰庶其之党也未知是否

葬杞孝公

陈杀其大夫庆虎及庆寅

公子黄愬于楚楚讨而国人杀之称国而不去其官者讥归陈侯也谁则使之擅权而逐弟乎及庆寅虎累寅也

陈侯之弟黄自楚归于陈

书自楚讥其因楚力也

晋栾盈复入于晋入于曲沃

栾氏晋之世臣逐非国讨而出于柄臣故犹繫之晋复入者甚逆之辞自齐入曲沃自曲沃入绛而惟书复入于晋自晋败而奔曲沃而后书入于曲沃也铤而 险急何能择盈之复入晋有以激之也

秋齐侯伐卫遂伐晋

卫献公奔齐而晋不能纳栾盈奔齐而晋再防诸侯区区锢一逐臣晋之举措不足以服其心矣故因栾氏之乱以报十八年之役于是见晋伯之衰而齐侯首伐同盟又伐盟主祸乱之成著于此矣

八月叔孙豹帅师救晋次于雍榆

救而次讥也

己卯仲孙速卒

鲁自仲遂杀嫡立庶公室于是失政鲁卿自季孙宿废长立幼于是家臣效尤丰防废秩立羯竖牛杀孟丙立舍皆托废立以擅权而三桓微矣作俑之祸其流弊可胜言哉

冬十月乙亥臧孙纥出奔邾

武仲见恶于孟庄子则其人可知矣阿附季氏为之废长立少其见攻季氏而奔亡也宜哉

晋人杀栾盈

称人讨贼之词也

齐侯袭莒

轻行掩其不备曰袭盗贼之事也

二十有四年春叔孙豹如晋

贺克栾氏也

仲孙羯帅师侵齐

晋故也雍榆之次惧晋疑也

夏楚子伐吴

楚自是急吴不争郑矣

秋七月甲子朔日有食之既

齐崔杼帅师伐莒

齐庄袭莒身伤臣获未伸其志也

大水

八月癸巳朔日有食之

比食又既阳道衰也

公防晋侯宋公卫侯郑伯曹伯莒子邾子滕子薛伯杞伯小邾子于夷仪

将以伐齐而不克

冬楚子蔡侯陈侯许男伐郑

以救齐也子产用事有备而楚无功矣

公至自防

陈鍼宜咎出奔楚

陈人复讨庆氏之党故其后在楚为鍼尹宜咎

叔孙豹如京师

是时谷洛鬪毁王宫齐侯叛晋求媚天子故为王城郑而豹如京师贺焉自宣九年仲孙蔑如京师至是五十余年矣

大饥

二十有五年春齐崔杼帅师伐我北鄙

以报孟孝伯之师也

夏五月乙亥齐崔杼弑其君光

杼之无君陈文子知之伐鲁而孟公绰知之齐庄不寤也方且背诸侯之盟数行侵伐利令智昏外竞而内倾自然之符也

公防晋侯宋公卫侯郑伯曹伯莒子邾子滕子薛伯杞伯小邾子于夷仪

将伐齐报朝歌之役也齐人以庄公説且以赂求成晋侯知贼不讨而受其贿何以宗诸侯乎

六月壬子郑公孙舍之帅师入陈

楚师之伐郑也陈师独暴故郑报之

秋八月己巳诸侯同盟于重丘

合诸侯将以讨齐也受赂释之而列弑君之齐于盟天下之恶孰大焉

公至自防

卫侯入于夷仪

衍也晋侯使卫与之夷仪此与郑伯 入于栢同而卫侯不名者郑伯夺正不当入卫侯虽无道非臣下所当逐可入也

楚屈建帅师灭舒鸠

舒鸠吴与国也

冬郑公孙夏帅师伐陈

未得成也得成乃已

十有二月吴子遏伐楚门于巢卒

巢服楚小国门于巢者攻其门也卒者射而死也

二十有六年春王二月辛卯卫甯喜弑其君剽

不与剽之立也则何以谓之曰弑殖也立之喜也君之故曰甯喜弑其君也

卫孙林父入于戚以叛

凡据土背君曰叛春秋之季家有藏甲邑有百雉之城矣故书叛始此

甲午卫侯衍复归于卫

辛卯弑而甲午归知弑也书复归位未绝也书名始正其自取奔亡之罪困而不改不足以有国也

夏晋侯使荀吴来聘

为孙氏将讨卫也党叛臣而何以令诸侯乎

公防晋人郑良霄宋人曹人于澶渊

讨卫疆戚田也以不义仅三国之大夫防晋卿不书恶而贬之也凡公与外大夫盟君臣同敌故讳公以逵耻若防则君臣各在其位直书见其失而已澶渊卫地近戚

秋宋公杀其世子痤

寺人伊戾之譖也内嬖芮弃与左师向戌之证也而目君以着其恶也是时乐喜为政而不谏其大节不足称矣

晋人执卫甯喜

非讨其弑君讨其伐戚杀晋戌云尔故不得为伯讨盖是时赵武为政叔向为之谋而晋政无一可观亦足以见二子矣左氏以晋执卫侯其事大于执甯喜矣何以不书恐或无之也

八月壬午许男甯卒于楚

请伐郑而往

冬楚子蔡侯陈侯伐郑

郑虽未服于楚明年晋楚为成中国诸侯皆朝楚矣

葬许灵公

二十有七年春齐侯使庆封来聘

景公即位通嗣君也郑不仇楚齐鲁释怨此宋之盟所以辑也

夏叔孙豹防晋赵武楚屈建蔡公孙归生卫石恶陈孔奂郑良霄许人曹人于宋

以诸侯分为晋楚之从而交相见于是始南北二伯天下之大变也楚先歃而春秋先晋者尊中国也于溴梁无君臣之分于宋无中外之防昭定哀之春秋将以终于吴越焉耳矣

卫杀其大夫甯喜

甯喜繇君弑君而不以弑君之罪罪之故称国以杀而不去其官

卫侯之弟鱄出奔晋

为杀甯喜出奔也称弟罪卫侯也鱄亦不幸矣其母强之其君强之不得已而约言于甯喜卫侯入国背约而杀喜故奔也终身托于木门而不仕其义不及叔而其志可悲矣

秋七月辛巳豹及诸侯之大夫盟于宋

豹不书氏再见也地以宋宋亦与盟焉盖向戌也荆楚之同主夏盟皆宋为之宋襄图伯始进

楚人于鹿上之盟二伯之端兆矣华元合晋楚之成盟于宋西门之外争伯之业啓于此矣今向戌以善晋楚之执政为弭兵之说而两伯之势遂成春秋两书宋为地主以首祸罪宋也

冬十有二月乙亥朔日有食之

二十有八年春无冰

夏卫石恶出奔晋

卫讨甯氏之党也

邾子来朝

邾自晋执其君鲁取其田益微弱矣

秋八月大雩

仲孙羯如晋

告将如楚也

冬齐庆封来奔

卢蒲癸既道庆封杀崔杼而卢蒲癸王何复杀庆舍逐庆封癸何皆庄公幸臣也庄公死幸臣从死者十人而讨贼者亦幸臣也庄固可鄙矣当时卿大夫宁不可耻乎

十有一月公如楚

诸夏之君始旅见于楚矣

十有二月甲寅天王崩

乙未楚子昭卒

二十有九年春王正月公在楚

正月而公在他国者有矣此独书公在楚者外制于夷狄内逼于强臣故变例特书所在以存君也明此义也臣子思君无一日可忘矣

夏五月公至自楚

殆其往而喜其反也

庚午卫侯衎卒

閹弑吴子余祭

閹门者寺人也不称名姓閹不得齐于入也不称其君閹不得君其君也君不近刑人不迓怨
吴子伐越获俘以为閹其及宜矣

仲孙羯防晋荀盈齐高止宋华定卫世叔仪郑公孙段曹人莒人滕人薛人小邾人城杞

晋平公杞出也故城杞不能尊獎王室恤宗周之阙而夏肆是屏轻弃诸姬可谓知本乎

晋侯使士鞅来聘

拜城杞也

杞子来盟

左氏曰晋使鲁归所侵杞田故来盟

吴子使札来聘

通嗣君也

吴始聘而称爵进之也其名成尊于上也

秋七月葬卫献公

齐高止出奔北燕

高止好以事自为功且专故难及之

冬仲孙羯如晋

报士鞅之聘

三十年春王正月楚子使防罢来聘

且报朝也楚聘鲁者三至此书法与中国同

夏四月蔡世子般弑其君固

五月甲午宋灾宋伯姬卒

伯姬以灾卒也傳母不在宵不下堂逮乎火而死也胡安定曰伯姬之行妇人中之伯夷也

天王杀其弟佖夫

凡王杀不书得专杀也必杀无罪而后书灵王崩儋括欲立佖夫佖夫不知也而尹刘诸人杀之故书王杀以罪王特笔也

王子瑕奔晋

瑕与括同谋书奔佚贼也

秋七月叔弓如宋葬宋共姬

外夫人不书葬伯姬卒于灾故贤之也

郑良霄出奔许自许入于郑郑人杀良霄

良霄汰侈嗜酒诸大夫皆恶之而与公孙黑争黑因其醉伐之良霄奔许自许入郑伐公门不胜而死不言大夫恶之也不书复入位未絕也不书叛求复位未至叛也然而称兵矣故其杀也从讨贼之词

冬十月葬蔡景公

晋人齐人宋人卫人郑人曹人莒人邾人滕人薛人杞人小邾人防于澶渊宋灾故

弑贼未讨不书葬而蔡景公独书刺天下之诸侯也以世子而弑其君父天下之大变也而不讨澶渊之防防十三国之大夫而以宋灾故故诸国之卿贬而称人鲁卿讳而不书而特书其所为此春秋大义圣人特笔直着诛贬炳如日星者也

三十有一年春王正月

夏六月辛巳公薨于楚宫

公适楚归作楚宫于楚宫非正也

秋九月癸巳子野卒

襄公太子也舍于季氏而以毁卒或疑季氏弑之未敢以为然也

己亥仲孙羯卒

冬十月滕子来防葬

诸侯之丧士吊大夫送葬以诸侯防葬非礼也

癸酉葬我君襄公

十有一月莒人弑其君密州

不书弑君者名君无道也

春秋孔义卷九

卷十

<经部,春秋类,春秋孔义

钦定四库全书

春秋孔义卷十 明 高攀龙 撰

昭公

元年春王正月公即位

叔孙豹防晋赵武楚公子围齐国弱宋向戌卫齐恶陈公子招蔡公孙归生郑罕虎许人曹人于虢

于是公子围请用牲读旧书加于牲上而已盖晋人再长楚也春秋存中国故先书赵孟如宋盟

三月取郕

季武子伐莒取郕乘莒乱也不书伐莒何书伐莒则以讨贼予之矣

夏秦伯之弟鍼出奔晋

鍼桓公之子景公弟也有宠于桓如二君于景其母曰弗去惧选遂奔晋书秦伯之弟罪秦伯寡恩也

六月丁巳邾子华卒

晋荀吴帅师败狄于大卤

此战也毁车崇卒变古战法之始

秋莒去疾自齐入于莒

去疾密州长子密州见弑而去疾奔齐至是因齐而入也未立而书莒者当有莒之词也与齐小白同不称公子者程氏曰凡义当承国名繫国而不称公子以殊于大夫

莒展舆出奔吴

展舆莒子也密州次子曷为不称爵为弑君者所立既立而不讨贼则是与闻乎故也不可以有国矣曷为以国氏明其已立也若曰是莒之展舆而非莒之君所谓与陈佗同者是也

叔弓帅师疆郕田

疆者正其界用师者备莒因莒乱也

葬邾悼公

冬十有一月己酉楚子麇卒

按左氏公子围将聘于郑伍举为介未出竟闻王有疾而还入问王疾缢而杀之遂杀其二子幕及平夏而自立经书楚子麇卒或曰从其伪赴也则春秋何以传信乎或曰以申之防为中国讳也则弑贼不讨如成宋乱宋灾故圣人皆明着其罪而又何以讳为也或曰麇以病卒实非弑也则椒举之言庆封之对当时皆彰彰人之耳目岂其尽妄乎窃以楚国既无齐晋之太史列国册书皆承其伪赴谓圣人因鲁史旧文其说为长不必更凿也

楚公子比出奔晋

右尹子干也共王之子围之弟也

二年春晋侯使韩起来聘

起厥之子也以去年执政而是春聘鲁亦见晋伯之衰

夏叔弓如晋

报宣子也

秋郑杀其大夫公孙黑

黑信有罪矣以国杀者亦累上也

冬公如晋至河乃复季孙宿如晋

晋少姜卒公如晋及河晋侯来辞曰非伉俪也请君无辱公还季孙宿遂致服焉夫正姬伉俪止于遣使未有同列诸侯躬自出吊者况于非适乎春秋书曰公如晋至河乃复季孙宿如晋

见国君轻动强臣外交

三年春王正月丁未滕子原卒

夏叔弓如滕五月葬滕成公

秋小邾子来朝

八月大雩

冬大雨雹

北燕伯欵出奔齐

简公多嬖宠欲去诸大夫而立其宠人燕大夫比以杀公之外嬖公惧奔齐春秋凡见逐于臣者皆以自奔为文正其本也

四年春王正月大雨雹

雹戾气也去冬大雨雹今又大雨雹灾之甚也

夏楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申楚人执徐子

此夷防也中国之诸侯与者辱也晋平不在诸侯故楚猖强为伯者之事中夏之衰甚矣

徐既世事楚而又服于吴徐子又吴出也故楚人执之

秋七月楚子蔡侯陈侯许男顿子胡子沈子淮夷伐吴执齐庆封杀之

申之防楚不能致鲁卫曹薛邾杞至伐吴则中国诸侯皆去惟属楚者从亦可以观人心矣

庆封以襄二十八年奔鲁齐让而又奔吴吴与朱方居之不曰楚执不与楚以讨齐庆封也犹曰诸侯执之焉耳

遂灭赖

着其暴也赖盖依违吴楚之间者也

九月取鄆

灭之也而言取内恶讳也襄六年莒灭鄆以立莒公子为灭也今鲁取之以为己邑矣

冬十有二月乙卯叔孙豹卒

豹歷事襄昭执政三十余年为之前者侨如为之后者宿皆小人也豹庶几为贤耳

五年春王正月舍中军

卑公室也四分公室季氏择二二子各一皆尽征之而贡于公公有贡而无民矣

楚杀其大夫屈申

以为二于吴也

公如晋

昭公如晋者七见止者一及河五惟此年善往返而以莒人之诉几不免辱宜叔齐谓知仪而不知礼也

夏莒牟夷以牟娄及防兹来奔

牟夷莒大夫以地叛虽贱而书名重地也牟娄本纪邑隐四年为莒所取防兹莒二邑名及者有别之辞地而言及以别彼此襄二十一年公如晋季氏纳邾庶其今公如晋季氏又纳牟夷庶其牟夷邾莒之盗季孙宿鲁之盗也以盗纳盗又何怪焉

秋七月公至自晋

戊辰叔弓帅师败莒师于蚡泉

莒人必讨牟夷也

秦伯卒

冬楚子蔡侯陈侯许男顿子沈子徐人越人伐吴此为楚通越制吴之始

六年春王正月杞伯益姑卒

葬秦景公

夏季孙宿如晋

左氏以拜莒田也纳牟夷叛邑自结于伯国而免讨也

葬杞文公

宋华合比出奔卫

寺人柳之诸而逐也宋公以一伊戾而杀世子痤以一柳而逐合比父子君臣皆刑人败之可畏也夫

秋九月大雩

楚防罢帅师伐吴

楚防三伐吴而终不得志

冬叔弓如楚

四年公不防申将朝楚故以叔弓先之也

齐侯伐北燕

将纳简公也受赂而还故止书伐

七年春王正月暨齐平

我所欲曰及不得已曰暨当时鲁不急于平齐乃齐求之也

三月公如楚

楚子成章华之台愿与诸侯落之防啓彊来召公

叔孙舍如齐涖盟

始暨齐平故盟以结好

夏四月甲辰朔日有食之

秋八月戊辰卫侯恶卒

九月公至自楚

自如楚七越月矣

冬十有一月癸未季孙宿卒

此文子之子武子也子纆嗣是为悼子

十有二月癸亥葬卫襄公

八年春陈侯之弟招杀陈世子偃师

防釐书公子招矣此曰陈侯之弟明其亲明其恶也亦责陈侯也杀世子重举国者偃师非招之世子也

夏四月辛丑陈侯溺卒

传曰缢陈侯于畱有欲立之意于偃师无欲杀之心招逆其邪志而成之陈侯盖不胜其恚也

叔弓如晋

贺麇祁也

楚人执陈行人干征师杀之

称行人非其罪也称人以执非伯讨也

陈公子畱出奔郑

畱招所立也

秋搜于红

搜非秋事红非搜地搜狩不书违礼后书桓莊之狩必言公昭定之搜不言公事在三家师乘非复公有矣

陈人杀其大夫公子过

哀公属留于招与过杀世子二人同事也招归罪于过而国人杀之故不与其杀而不去其官

大雩

冬十月壬午楚师灭陈执陈公子招放之于越杀陈孔奂

孔奂招之党也首恶而反得放者二心于楚归罪于奂故得免也楚志在灭国岂能讨罪哉

葬陈哀公

楚葬之也蒙上文言非我防葬也

九年春叔弓防楚子于陈

许迁于夷

楚迁之也夷一名城父本陈地灭陈故迁许于此

夏四月陈灾

存陈也

秋仲孙矍如齐

暨齐平之故自叔老聘齐至此二十年矣

冬筑郎囿

季氏逢其君以耳目之娱而窃其柄昭公不悟也

十年春王正月

夏齐栾施来奔

施公孙灶之子公子暨之孙嗜酒多怨陈鲍氏攻之而遂攻公败而来奔也

秋七月季孙意如叔弓仲孙矍帅师伐莒

已舍中军矣何以三卿并将季氏毁中军四分公室择其二二家各有其一出军则季氏专将一军为帅而孟仲各将一军之半为之副虽曰舍中军旧额固在也叔孙婣居守叔弓所将者叔孙氏之兵也取郕不书公见讨于平丘故讳之

戊子晋侯彪卒

九月叔孙舍如晋葬晋平公

十有二月甲子宋公成卒

无冬阙文

十有一年春王二月叔弓如宋葬宋平公

夏四月丁巳楚子防诱蔡侯般杀之于申

诸侯非灭同姓不名防何以名国君见杀如鄆子戎蛮子恒不名般何以名此特笔也以贼讨贼而又诱之圣人所重恶也

楚公子弃疾帅师围蔡

以弃疾围蔡继之楚防诱般之下见楚欲灭蔡非讨贼防主谋弃疾特为尽力耳

五月甲申夫人归氏薨大搜于比蒲

季氏曰齐归乃襄夫人子野昭公皆其所出也丧不二事君有三年之感而三家居然大搜无君甚矣

仲孙貜防邾子盟于祊祥

汪氏曰邾倚齐灵屡致兵于鲁鲁借晋力溴梁祝柯两执邾子又取其田既而鲁纳庶其畀我之奔邾受臧纆之奔讐隙益深至同盟重丘齐晋既睦襄二十八年邾君来朝昭元年鲁防悼公之葬是以盟祊祥以修好也高氏曰始也盟蔑盟趯皆鲁君也自是皆大夫共盟矣

秋季孙意如防晋韩起齐国弱宋华亥卫北宫佗郑罕虎曹人杞人于厥憖

谋救蔡也晋人使狐父请蔡于楚弗许而止晋之不能可知已此韩起之罪也

九月己亥葬我小君齐归

冬十有一月丁酉楚师灭蔡执蔡世子有以归用之执者不臣之词称世子者未立也抗敌八月力竭被执故为贼防虐用有于世子之道得矣春秋书灭国未有如此其暴者书诱书杀书围书执书用圣人伤中国之微而荆楚之暴也

十有二年春齐高偃帅师纳北燕伯于阳

三年北燕伯出奔齐六年齐将纳之而不果欸播越在外十年矣借齐之力仅能纳于别邑盖为强臣所拒也不名者诸侯失国诸侯纳之正也不以高偃挈燕伯也

三月壬申郑伯嘉卒

郑即楚久矣至于简公乘晋悼之兴以国反正息诸侯之兵子产相之遂为春秋贤侯

夏宋公使华定来聘

葬平公故宋元嗣位而使来聘也

公如晋至河乃复

左氏以伐莒取郟故为晋所拒也

五月葬郑简公

楚杀其大夫成熊

杀无罪也

秋七月

冬十月公子慙出奔齐

季氏之臣南蒯将去季氏而立慙不克而以费叛慙遂奔齐

楚子伐徐

徐吴之姻国楚伐徐以吴故也

晋伐鲜虞

称晋外之也假道鲜虞以灭肥而又伐之不义之尤也楚防弑君之贼也灭陈灭蔡晋人视其残虐而莫之救而又效其所为其无中国之志甚矣是以春秋外之

十有三年春叔弓帅师围费

家臣以邑叛不书叛书大夫围则邑叛可知矣克之不书非他国邑也

夏四月楚公子比自晋归于楚弑其君防于干谿按传楚师伐徐楚防次于干谿为之援公子弃疾君陈蔡主方城之外有观从者率羣失职以弃疾命召比于晋既至胁比而立之令于干谿曰比已立矣后归者不得复其田里师溃而归楚子经而死然则弑防繇众乱而所恃为主者弃疾也何以归狱于比曰比已立也防兄也比弟也防君楚国比自外归为君而防死不曰弑可乎

楚公子弃疾杀公子比

季氏曰比若实弑君则不当仍书公子弃疾若真讨贼则不当不书人楚国若实君比则不当不书其君书公子则比异于州吁无知不书人则弃疾异于石碯雍廩不书其君则楚人视比异于商人蔡般此春秋变文也

邵氏竇曰防之縊非比令也而比实逼之故曰比弑比之自杀非弃疾令也而弃疾实惴之故曰弃疾杀防君也比臣也下杀上曰弑比弃疾皆公子两下相杀曰杀两下不弑分也两贼不讨义也

秋公防刘子晋侯齐侯宋公卫侯郑伯曹伯莒子邾子滕子薛伯杞伯小邾子于平丘

楚窃伯权虎视中夏晋君臣鼠伏者几二十年及是昭公立楚防毙乃徵防以合诸侯之贰然不能修德徒矜威力恐迫诸侯诸侯益贰伯业益隳而晋之合诸侯遂止于此矣

八月甲戌同盟于平丘公不与盟

国耻必讳不讳不足耻也

李氏曰黑壤之曲全在鲁故讳而不书沙随平丘之曲虽在晋然沙随以侨如之譖鲁实无罪平丘以邾莒之诉鲁亦不能无责故不见公与公不与亦小不同也

晋人执季孙意如以归

三家专鲁季氏罪之首也晋不能责以君臣之义徒以邾莒之言曰我之不共鲁故之以遂辞鲁君而执意如则意在货而已何得为伯讨乎故称人以执罪晋也

公至自防

公虽不与盟已与防矣故以防致

蔡侯庐归于蔡陈侯吴归于陈

陈蔡皆灭矣不称复归者不与楚防之得灭也不称自楚者不与楚子之得封也称归于国其所宜归也称侯位其所固有也名之者素非诸侯始立也

冬十月葬蔡灵公

国复乃葬

公如晋至河乃复

晋复辞也

吴灭州来

州来楚属楚乱故吴乘而灭之

十有四年春意如至自晋

大夫不致见执而后致也

三月曹伯滕卒

夏四月

秋葬曹武公

八月莒子去疾卒

春秋中于莒卒惟此一书

冬莒杀其公子意恢

杀意恢者公子铎与蒲余侯兹夫也不书而以国杀者何韩昌黎曰春秋书王法不诛其人身此类是也若铎不书者多矣

十有五年春王正月吴子夷末卒

二月癸酉有事于武宫籥入叔弓卒去乐卒事

常事不书变而失者书变而得者书此变而得者也

夏蔡朝吴出奔郑

朝吴能复蔡为蔡忠臣楚之谗人费无极害其宠也然朝吴功成居宠书出奔亦见吴之不智矣

六月丁巳朔日有食之

秋晋荀吴帅师伐鲜虞

前书围狄之矣此何以称将称帅师于初伐贬余实录而已

冬公如晋

平丘之防故也

十有六年春齐侯伐徐

晋伯既衰齐侯始欲争伯徐楚之与国也

楚子诱戎蛮子杀之

楚子之诱一也或名或不名何也夷狄相残畧之也

夏公至自晋

逾三时而始返讳不书止公考其时则事着矣

秋八月己亥晋侯夷卒

九月大雩

季孙意如如晋

冬十月葬晋昭公

十有七年春小邾子来朝

夏六月甲戌朔日有食之

秋邾子来朝

自襄七年朝鲁于是复至

八月晋荀吴帅师灭陆渾之戎

以其睦于楚也自是凡灭称大夫矣灭不书大夫者吴也

冬有星孛于大辰

大辰心也心为明堂天子之象其前星太子后星庶子当宋之分故王室乱宋亦乱卫陈郑灾

楚人及吴战于长岸

言战不言败胜败敌也吴屡受楚兵襄二十五年吴虽伐楚门于巢卒兵亦未及楚也至是始入楚境自后楚日削吴日张矣

十有八年春王三月曹伯须卒

夏五月壬午宋卫陈郑灾

四国同日而灾非人所能为也

六月邾人入郕

恶邾也故宋公伐邾

秋葬曹平公

冬许迁于白羽

自叶迁也楚迁之而以自迁为文者许畏郑而乐迁也

十有九年春宋公伐邾

邾夫人宋向戌之女也向宁请师而宋公伐邾尽归邾俘

夏五月戊辰许世子止弑其君买

许悼公疟饮太子止之药卒止进药而药杀也其异于商臣蔡般者过与故不同也心不同而春秋之文一施者臣子于君父不可过也朱子曰如律中合御药误不如本方造御丹误不坚固之类止所以称弑以此欧阳公辨三传以止为真弑季氏私考及西亭辨疑皆以为用毒药弑恐不可以臆废古也

己卯地震

经书地震者五昭公之世再见

秋齐高发帅师伐莒

时郊公在齐庚舆不事齐故也

冬葬许悼公

程子曰蔡般许止疑同故书葬

二十年春王正月

夏曹公孙防自鄆出奔宋

奔未有言自者此言自何也必曹君无道致令其奔非防之罪也其曰公孙贤之也言其专乎鄆而不以鄆叛贤于臧武仲远矣公羊曰防子臧之子也

秋盗杀卫侯之兄縶

盗贱也兄母兄也目卫侯卫侯累也以卫侯之母兄而盗得杀之卫侯无政刑甚矣

冬十月宋华亥向宁华定出奔陈

君子违不适讐国陈宋之讐也三大夫往奔是欲依陈以为乱而宋其危矣

十有一月辛卯蔡侯庐卒

二十有一年春王三月葬蔡平公

夏晋侯使士鞅来聘

礼好不结而财求无度聘义亡矣

宋华亥向宁华定自陈入于宋南里以叛

凡叛有入于戚萧朝歌者皆不系之国其所食私邑也若南里则宋国城内里名故繫之宋亦见叛臣逼胁其君之甚也

秋七月壬午朔日有食之

八月乙亥叔鞅卒

冬蔡侯朱出奔楚

费无极取货于东国而令蔡人逐之也

公如晋至河乃复

报士鞅聘晋以伐鲜虞辞

二十有二年春齐侯伐莒

自是莒服于齐矣

宋华亥向宁华定自宋南里出奔楚

先书叛继书奔楚楚君党恶之罪大矣

大搜于昌间

三纲军政之本春秋寓军政于三纲以辨上下定民志鲁昭之季人伦悖乱甚矣而惟搜田之是务是以屡书以讥之

夏四月乙丑天王崩

六月叔鞅如京师葬景王王室乱

以天王三月而葬矣

景王太子壽早夭诸子皆欲立刘子单子附王子猛尹氏邵伯毛伯附王子朝猛太子母弟也朝庶长也王初爱朝未立而崩于是大乱不曰京师者嫡庶并争乱在家室也

刘子单子以王猛居于皇

凡称以者不以者也不以者非所得而以者也刘螽单旗臣也曷为能以王猛猛无宠于景王不能自定其位制在刘单其曰以者能废立之也何以称王示当立也当立何以名明嗣君也未立也又以别子朝也曰以曰居于皇而景王之乱国本轻宗社之罪着矣

秋刘子单子以王猛入于王城

入者难词王城天子都子朝之党在焉故言入

冬十月王子猛卒

前称王猛此何以复称王子猛于其卒从其恒称义不在焉不没其实而已

十有二月癸酉朔日有食之

二十有三年春王正月叔孙舍如晋

癸丑叔鞅卒

晋人执我行人叔孙舍

武城人取邾师邾人愬于晋晋人来讨叔孙舍如晋晋人执之书晋人非伯讨也书执我行人不以其罪也

晋人围郊

郊子朝邑也不繫之国者天下皆王土也书人者微之也王室危乱晋为方伯不躬率诸侯赴君父之急伸臣子之义徒以微者帅偏师薄为之援书晋人围郊而罪自见矣

夏六月蔡侯东国卒于楚

高氏曰朝于楚而卒也

秋七月莒子庚舆来奔

虐而国人逐之齐纳郊公不书微之也

戊辰吴败顿胡沈蔡陈许之师于鸡父胡子髡沈子逞灭获陈夏齧

吴伐州来楚帅诸侯之师救之不言战未陈也吴以诡胜六国先败楚师遂奔故不书楚也其言灭获何别君臣也君死曰灭生得曰获大夫生死皆曰获此见吴之强而楚人益弱也

天王居于狄泉尹氏立王子朝

天王者敬王勾也王猛母弟以次当立者也天王何以居于狄泉哉必有以之者矣而春秋不书天王天之子也天之子非天其谁立之突然见于防若自天降然者圣笔亦神矣哉不书出王畿内也立者不宜立也书尹氏立独尹氏所欲立也王朝公卿书爵此称氏者见世卿擅权乱国为后戒也

八月乙未地震

冬公如晋至河有疾乃复

请叔孙舍也书有疾杀耻也

二十有四年春王二月丙戌仲孙貜卒

孟僖子也将死而使说与何忌师事夫子者也

叔孙舍至自晋

大夫执而致则名此书姓氏贤之也舍见执于晋以礼自持不为所屈及意如逐君而面责之意如有异志而自祈死其鲁国之良矣

夏五月乙未朔日有食之

秋八月大雩

丁酉杞伯郁厘卒

冬吴灭巢

巢楚之附庸实邑之也楚平兵挫境蹙渐非吴敌矣岂非委政无极国事日非乎栢举之败已
盍于此矣

葬杞平公

二十有五年春叔孙舍如宋

季公若之姊为小邾夫人生宋元夫人生子以妻季平子昭子如宋聘且逆之

汪氏曰意如遣公室正卿为已逆妇专恣甚矣昔也讨私邑使公室之卿围之今也娶已妻使
公室之卿逆之名虽臣实行鲁君之事矣

夏叔诣防晋赵鞅宋乐大心卫北宫喜郑游吉曹人邾人滕人薛人小邾人于黄父

谋王室也赵简子令诸侯大夫输王粟具戍人曰明年将纳王夫王室之乱四年矣晋始为此
防而仅合诸侯之大夫又曰明年将纳王圣心之所重伤也

有鸛鹄来巢

记异也鸛鹄不逾济鲁所无也宜穴又巢也

秋七月上辛大雩季辛又雩

见昭公君臣御灾非道而区区于祷祠之末也

九月己亥公孙于齐次于阳州

公伐季氏败而出奔称孙隐也次于阳州待齐命也季氏曰叔孙舍仲孙何忌皆贤也况舍本
为公谋弱季氏何忌方居丧学礼未预国事传乃谓叔孙氏陷西北隅以救季氏孟孙氏杀郈
昭伯以伐公徒何谓乎

齐侯唁公于野井

生事曰唁死事曰吊书齐侯唁者再而无救灾恤患之实见矣

冬十月戊辰叔孙舍卒

昭公在外而特书日以卒表贤也邵氏曰死恶物也變以暴君舍以强臣人之情于是乎极

十有一月己亥宋公佐卒于曲

为公故将如晋宋元之夫人曹氏生子妻意如元公意如外舅也不此之顾而求纳公是以正伦恤患为心贤于当时诸侯远矣

十有二月齐侯取郕

取之为已有以居公也故取繫于齐

二十有六年春王正月葬宋元公

三月公至自齐居于郕

入鲁地故称至犹在外故曰居

夏公围成

成孟氏邑也是时齐侯将纳公梁邱据以季氏之贿而止之使公子鉏帅师从公不言齐师者景公为义不终故微之也书公围成而季氏之不臣昭公之不君齐侯不能修方伯连帅之职其罪具见矣

秋公防齐侯莒子邾子杞伯盟于鄆陵

谋纳公也参盟自齐桓以来未之有也于是再见晋不复主盟也

公至自防居于郕

君行而返必告庙则书至昭公居郕则非宗庙所在矣而必至者春秋大义所以存君古者君去其国太 取羣庙之主以从则公之去郕而返亦或告于祖祢也与

九月庚申楚子居卒

平王长子建以费无极譖出奔宋至是令尹子常以太子壬弱母非适欲立王之庶弟子西子西不从乃立壬

冬十月天王入于成周

晋知跖赵鞅帅师纳王于成周使成公般戍周而还不书者罪晋也敬王居狄泉三年矣至是始入焉其不急君父之罪大矣入者难词成周者东周下都洛诰所谓我又卜瀍水东者是也

不遂入王城者子朝之余党在也

尹氏召伯毛伯以王子朝奔楚

子朝之乱皆三子以之书天王入于成周后书子朝奔楚大天子之能反正然后罪人咸服也尹氏卿也卿乃子爵而叙召毛上者则二伯乃大夫字非伯爵也

二十有七年春公如齐公至自齐居于郚

夏四月吴弑其君僚

公子光弑僚而称国何也僚越光而代札是自祸也故贼不书主名

楚杀其大夫郤宛

令尹子常杀之也而称国者君不君故臣得专其威也

秋晋士鞅宋乐祁犁卫北宫喜曹人邾人滕人防于扈令戍周且纳公也宋卫固请纳公范鞅取货于季氏而不纳犹序诸国之大夫者罪止士鞅且以戍周故也

冬十月曹伯午卒

邾快来奔

邾叛臣也贱而书诛季氏也

公如齐公至自齐居于郚

二十有八年春王三月葬曹悼公

公如晋次于干侯

一年而如齐者再不见礼焉故如晋也次者止而有待之意次于阳州犹齐鲁之境也次于干侯则羁旅之人耳

夏四月丙戌郑伯宁卒六月葬郑定公

秋七月癸巳滕子宁卒

冬葬滕悼公

二十有九年春公至自干侯居于郚齐侯使高张来唁公

书至自干侯见不得至晋也书高张来唁见徒为唁而已罪齐晋也

公如晋次于干侯

复不见受也

夏四月庚子叔诣卒

叔诣欲纳公而卒

秋七月

冬十月郚溃

民逃其上曰溃昭公居郚四年民不见德以至于溃自是削迹于鲁尺地一民非其有矣

三十年春王正月公在干侯

郚犹吾土也干侯非吾土矣故歳首必书公所在以存君也诛逆臣罪诸侯也

夏六月庚辰晋侯去疾卒

秋八月葬晋顷公

冬十有二月吴灭徐徐子章羽奔楚

君奔不名非其罪也徐子名者臣吴而后奔也

三十有一年春王正月公在干侯季孙意如防晋荀跖于适歷

晋定公初立有意嗣伯故欲纳公而复惑于士鞅之言召季氏而使荀跖出防晋伯之不复于是决矣

夏四月丁巳薛伯谷卒

晋侯使荀跖唁公于干侯

罪晋也陰交其臣阳唁其君

秋葬薛献公

冬黑肱以濫来奔

黑肱邾大夫不言邾阚文邾快黑肱相继来奔季孙当国以类至也
公羊云濫自分为国故不书邾

十有二月辛亥朔日有食之

三十有二年春王正月公在干侯取阚

阚鲁羣公墓所在公不得奉宗庙祭祀而先君坟墓所在特以取书着贼臣据国拒君之罪也

夏吴伐越

秋七月

冬仲孙何忌防晋韩不信齐高张宋仲几卫世叔申郑国参曹人莒人薛人杞人小邾人城成周

敬王既入成周即于此定都不复返王城以刘单羣族在焉遠恶党也成周既城后遂谓之京师诸侯不勤王事久矣今犹能从王命以安王室衰世善事也

十有二月己未公薨于干侯

李氏曰昭公初年居丧无感容而父子之亲丧娶妻以同姓而夫妇之伦乖无立国立身之本矣季氏之祸虽积集于成襄之世然取郕而不能正纳牟夷而不能却大雩大雨雹天戒屡见而不知警舍中军搜于红军政尽失而不能收得罪伯主五如晋而不入十三国同盟而不得与果何以保其国哉当是时齐有陈氏晋有六卿与三家声势相倚迭为辅车宜昭公之不入也

春秋孔义卷十

卷十一

<经部,春秋类,春秋孔义

钦定四库全书

春秋孔义卷十一 明 高攀龙 撰定公

元年春王

当以春王三月为句正二月无事可书也昭公既薨定公未立鲁国五月无君无政固不以不书正月见也

三月晋人执宋仲几于京师

众城成周宋不受功讨有罪也然以大夫执人京师既不请命司寇又不归之于王无王甚矣故书晋人执贬词也

夏六月癸亥公之丧至自干侯戊辰公即位

昭公之丧越葬期而始至废其太子衍立其弟宋越五月而始定皆季氏制之也春秋详书为后世永鉴

秋七月癸巳葬我君昭公

葬必曰我君于昭公更有味乎其书之也

九月大雩

公薨半年余始归归及逾月而葬当时如仲孙何忌学礼圣门亦听制季氏可慨也夫

立炆宫

立者不宜立者也季氏先祷于炆公求君不入炆公者伯禽之子考公之弟鲁之以弟继兄者始此季氏又欲以掩其废嫡立弟之罪疑或其时有鬼物之灵与

冬十月陨霜杀菽

谷梁曰举重也未可以杀而杀举重可杀而不杀举轻陰胜之象臣干君之应也

二年春王正月

夏五月壬辰雉门及两观灾

雉门象魏之门两观在雉门外之两旁

秋楚人伐吴

冬十月新作雉门及两观

子家驹以设两观为僭天子矣灾而不知戒故书新作以讥之

三年春王正月公如晋至河乃复

意如废太子而立定公必晋人有言而公往朝晋辞公而复故明年因防而请盟

二月辛卯邾子穿卒

夏四月

秋葬邾莊公

冬仲孙何忌及邾子盟于拔

鲁大夫而盟诸侯邾丧未期而为盟防交矢之也

四年春王二月癸巳陈侯吴卒

三月公防刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯杞伯小邾子齐国夏于召陵侵楚

楚为无道囊瓦以一裘一马拘唐蔡二君三年而后遣蔡昭侯又隐太子之子也于楚有不共戴天之讐故归而请师于晋晋请命于周上致刘子下合十七国之君以为此防齐桓之师不如是之盛也而荀寅求货不得遂辞蔡人无功而还故书侵晋人遂失诸侯不可复振矣

夏四月庚辰蔡公孙姓帅师灭沈以沈子嘉归杀之沈人不防召陵晋使蔡伐之书灭罪公孙姓也书以归罪沈子嘉也书杀之罪蔡侯也

五月公及诸侯盟于皐鼬

公受国于季氏不获见于晋而惧此盟公意也故书公及重言诸侯刘子不与也书公及诸侯则非晋主盟矣自是诸侯无防同有特相盟者

杞伯成卒于防

不云卒于师不成乎伐楚也

六月葬陈惠公

此见陈侯背殡出防

许迁于容城

许凡四迁矣畏郑逼也

秋七月公至自防

不致伐楚公以皐鼬为重也

刘卷卒

陈氏曰王卿士不卒有关于天下之故则卒之于襄王之难有王子虎焉于敬王之难有刘子焉

葬杞悼公

楚人围蔡

以沈故也

晋士鞅卫孔圉帅师伐鲜虞

召陵之役荀寅谓无损于楚而失中山故兹蔡围不救而伐鲜虞无复有中国之志矣

葬刘文公

尹氏王子虎皆不书葬此书葬以鲁特往防之也天子三公称公鲁为三公有土为畿内诸侯

者亦称公天子卿大夫有封为畿内诸侯皆曰子周末畿内诸侯卒皆谥公圣人因刘文公之葬特书志僭生称刘子卒称刘卷葬称刘文公皆春秋谨严之笔也

冬十有一月庚午蔡侯以呉子及楚人战于栢举楚师败绩楚囊瓦出奔郑

呉进而书子者蔡侯以也蔡用呉师特书曰以深罪晋人保利弃义难于救蔡也不书救者蔡围已解战于楚地非救蔡而战也战书人败书师奔书名与城濮战书人败书师杀其大夫书名同子玉子常之罪固同而楚之轻于任人败师亡众前后一辙矣

庚辰呉入郢

入国不言邑入楚也而曰入郢非得国之词也称呉外之也君舍于君室大夫舍于大夫室盖妻楚王之母也无道甚矣

五年春王三月辛亥朔日有食之

夏归粟于蔡

诸侯归粟也而独言我者罪中国之忘大义而不以小惠称也

于越入呉

于越者其自称者也越者中国称之者也于发声夷言也呉之伐楚有安中国之意焉而越每乘其敝若为楚报者是以君子恶之

六月丙申季孙意如卒

定公不讨逐君之贼以为大夫则亦以大夫卒之而已

秋七月壬子叔孙不敢卒

冬晋士鞅帅师围鲜虞

报观虎之役也三年鲜虞获晋观虎

六年春王正月癸亥郑游速帅师灭许以许男斯归因楚败也哀元年许复见盖楚复封之也

二月公侵郑

晋令也自宣十八年公伐杞鲁无君将者八十年至是侵郑侵齐围成皆书公则三桓既衰也然非公室能张实以陪臣执国托公行师耳

公至自侵郑

夏季孙斯仲孙何忌如晋

桓子献郑俘阳虎强使懿子报夫人之币变文书介副欲以起问者见事情也

秋晋人执宋行人乐祁犁

称行人非其罪也范献子以其主于赵氏又有贿焉譖诸晋侯而执之此晋三卿内叛之始宋叛伯之始

冬城中城

三家张公之所有中城耳外有齐郑之怨故惧而城焉

季孙斯仲孙忌帅师围郛

昭三十年郛溃二于齐矣至是欲复取之齐鲁交兵始此

七年春王正月

夏四月

秋齐侯郑伯盟于咸

特相盟自齐桓以来未之有也于是诸侯无主盟矣是故石门志诸侯之合也于咸志诸侯之散也

齐人执卫行人北宫结以侵卫

称人称以侵重贬之也

齐侯卫侯盟于沙

齐卫合党之始至哀元年而伐晋矣

大雩

齐国夏帅师伐我西鄙

齐叛晋与郑盟故为郑伐我且报二卿之围郕

九月大雩

冬十月

八年春王正月公侵齐

公至自侵齐

二月公侵齐

逾月之间再出侵齐公之进退听之三家而不得自专矣

三月公至自侵齐

曹伯露卒

夏齐国夏帅师伐我西鄙

公防晋师于瓦

晋士鞅荀寅救鲁公逆而防之不言大夫君不防大夫也救不书齐师已去也

公至自瓦

秋七月戊辰陈侯柳卒

晋士鞅帅师侵郑遂侵卫

晋始伐与国也招携以礼懷遠以德德礼之不务而恃力诸国受兵而叛晋愈坚矣

葬曹靖公

九月葬陈懷公

季孙斯仲孙何忌帅师侵卫

晋故也

冬卫侯郑伯盟于曲濮

结叛晋也

从祀先公

从祀顺祀也先公非一公也鲁祀之不顺多矣僖公以兄故特跻于闵上昭公以奔故不祔于先君今始复其正也阳虎将作乱欲以取媚国人其事则顺其情则逆春秋原情特书从祀先公于盗窃寶玉大弓之上而不书禘事与日见事出于阳虎而不可详也

盗窃寶玉大弓

先王分器而盗得窃诸公宫无政也故失地则讳失寶玉大弓则书失之书得之书重其事也

九年春王正月

夏四月戊申郑伯蛰卒

得寶玉大弓

六月葬郑献公

秋齐侯卫侯次于五氏

此伐晋也书次者何未遂伐也三次而伐其欲逞也久矣于咸郑叛也于沙卫叛也及齐平鲁亦叛晋诸侯无盟主有盟主非美事也无盟主非细事也

秦伯卒冬葬秦哀公

十年春王三月及齐平夏公防齐侯于夹谷公至自夹谷

及齐平我志也

晋赵鞅帅师围卫

晋自召陵以后凡兵书侵以义不足服人也此书围以力不足服人也

齐人来归郕讙 陰田

请而得之曰归服义而归之曰来归

叔孙州仇仲孙何忌帅师围郕

郕叔孙氏邑侯犯以郕叛自夏至秋再围之陪臣之强可知矣三家知倾公室以自张而不知家 之拟其后春秋据事直书深切着明矣

秋叔孙州仇仲孙何忌帅师围郕

宋乐大心出奔曹

大心奉命使晋伪以疾辞罪也故书奔

宋公子地出奔陈

宋公嬖桓魋以地白马与之地挟而夺之罪也故书奔

冬齐侯卫侯郑游速防于安甫

以卫有晋难也

叔孙州仇如齐

谢归田又致郕也

宋公之弟辰暨仲佗石彊出奔陈

辰以请畱地不得并胁佗彊出奔罪也景公宠一桓魋至亲不恤焉习其读而问其传其罪亦着矣

十有一年春宋公之弟辰及仲佗石彊公子地自陈入于萧以叛

暨者以此强彼我所欲也及者以此及彼两相欲也自者因其力也自陈自曹而陈与曹之罪亦着矣

夏四月

秋宋乐大心自曹入于萧

辰佗疆地大心之为宋患也宠向魋故也

冬及郑平叔还如郑洩盟

及郑平我欲之也始叛晋也书郑输平以志诸侯之合书及郑平以志诸侯之散此春秋之始终也

十有二年春薛伯定卒夏葬薛襄公

叔孙州仇帅师堕郕

堕毁也三桓之邑皆为城自固其家臣因之以叛于是堕之

卫公孟彊帅师伐曹

以曹不从齐也

季孙斯仲孙何忌帅师堕费

堕郕以一卿堕费以二卿者费强于郕也

秋大雩

冬十月癸亥公防齐侯盟于黄

结叛晋也

十有一月丙寅朔日有食之

公至自黄

十有二月公围成公至自围成

书公围成强也其致危之也围成何以不克盖三家城其邑以自利也而家臣据邑以叛则非其利也南蒯叛侯犯叛不狃叛荐为叔季之害叔季亦欲堕之矣故闻圣人之言辄堕焉圣人

固无声色也若公斂防父在成方有功于孟氏且曰成墮齐人必至于北门其意则私其言可听孟氏之不肯墮宜矣三家孟氏最弱无忌学于夫子成即不墮无与为比不必汲汲圣人果得志于墮成何有惜乎明年女乐入而夫子行矣

十有三年春齐侯卫侯次于垂葭

与次五氏同

夏筑蛇渊囿

謹田归而筑囿于其地夫子去鲁而君臣之志荒矣

大搜于比蒲

卫公孟彊帅师伐曹

秋晋赵鞅入于晋阳以叛

鞅杀邯鄲午范氏中行氏伐赵氏而鞅奔晋阳拒范中行也而直书曰叛人臣专土是无君也

冬晋荀寅士吉射入于朝歌以叛

韩魏党于赵氏者也故请于公逐二氏二氏奔朝歌亦曰叛者兴兵首祸是无君也

晋赵鞅归于晋

韩魏以为请故也书归易辞也非所得归而归也叛臣而归晋无政刑也三家分晋本于是矣

薛弑其君比

称国以弑当国大臣之罪也啖氏曰称国以弑自大臣也胡氏本此

十有四年春卫公叔戌来奔

卫赵阳出奔宋

戌以富见恶卫侯又将去南子之党为夫人所愬而出奔赵阳北宫结皆戌党也凡书奔者皆罪而灵公不能正家以丧其大臣罪亦着矣书三大夫奔以着卫乱之所从始

二月辛巳楚公子结陈公孙佗人帅师灭顿以顿子牂归

顿欲事晋背楚而结陈好也书灭顿诛楚而罪陈也

夏卫北宫结来奔

五月于越败吴于檣李吴子光卒

越以诈战败吴师光以伤卒

公防齐侯卫侯于牵

左氏谓晋围朝歌牵洮二防皆救范中行氏也朝歌在卫西

公至自会

秋齐侯宋公防于洮

宋未絶晋至是始从齐也

天王使石尚来归脤

祭肉生曰脤熟曰燔石尚王朝士例书名礼诸侯朝天子助祭于宗庙然后受俎实鲁不助祭而归脤非礼也

卫世子蒯聩出奔宋

以南子之故父不父子不子两着其罪故特书世子张洽氏取临江刘氏常山刘氏之说谓蒯聩必无杀母之事左氏所记乃南子之诬其子者如此不然宋南子家何以反奔宋乎

卫公孟彊出奔郑

彊聩党屡书大夫奔不成其为国矣

宋公之弟辰自萧来奔

三书宋公弟罪宋公也自萧者因其力

大搜于比蒲邾子来防公

搜而邾子来防公亲搜也不书公者以国事举也

城莒父及霄

无冬阙文城二邑惧晋也

十有五年春王正月邾子来朝

以去年来防未成礼故复来朝

麋鼠食郊牛牛死改卜牛

二月辛丑楚子灭胡以胡子豹归

召陵之防胡顿皆在是后楚有吴患不能报去年灭顿今年灭胡以报召陵也

夏五月辛亥郊

壬申公薨于高寝

高寝宫名不于路寝非正也

郑罕达帅师伐宋

宋大国至于景公而郑能困之则桓魋之为也

齐侯卫侯次于渠蒧

谋救宋也不果救故书次

邾子来奔丧

天王崩则诸侯奔丧而防其葬书奔丧非礼也

秋七月壬申妣氏卒

哀公母也不称夫人哀未君也

八月庚辰朔日有食之

九月滕子来防葬丁巳葬我君定公雨不克葬戊午日下昃乃克葬

防葬非礼也

雨不克葬无备也日下昃失虞之时也

辛巳葬定姒

辛巳在十月三日

冬城漆

邾庶其邑城漆谋伐邾也定公为拔之盟邾好复修终世无犯定公薨而三桓复啓衅矣元年伐邾二年取其田七年俘其君矣

春秋孔义卷十一

卷十二

钦定四库全书

春秋孔义卷十二 明 高攀龙 撰 哀公

元年春王正月公即位

楚子陈侯随侯许男围蔡

报栢举也

麋鼠食郊牛改卜牛夏四月辛巳郊

牛伤不敬也夏四月郊不时也四卜非礼五卜强也斩焉衰絰之中上僭天子之礼一举而犯三不韪焉书郊之失礼未有甚于此者也

秋齐侯卫侯伐晋

着中国之无伯也

冬仲孙何忌帅师伐邾

邾之事鲁至矣而鲁人利之不已何忌之学于圣门者何如哉

二年春王二月季孙斯叔孙州仇仲孙何忌帅师伐邾取漚东田及沂西田癸巳叔孙州仇仲孙何忌及邾子盟于句绎

三卿并将伐国取地二卿并盟他国之君大夫强僭极矣三人伐而二人盟谷梁谓各盟其得也然邾田近费而季孙专国岂反无得抑季孙之与之也

夏四月丙子卫侯元卒

滕子来朝

晋赵鞅帅师纳卫世子蒯聩于戚

纳者内不受也于戚者为辄拒不得入卫也父丧而无子则孙可以承重父丧而有子则孙不

可以袭尊况辄为国人所立未受灵公之命称帅师纳而蒯聩之罪著称世子而辄之不当立明矣

秋八月甲戌晋赵鞅帅师及郑罕达帅师战于鐵郑师败绩

鞅师纳蒯聩之师郑师助齐人输粟范氏之师邀擊而败之也

冬十月葬卫灵公

十有一月蔡迁于州来蔡杀其大夫公子驷

州来吴所灭吴邑也蔡侯既许楚疆于江汝而复请迁于吴驷与猎皆非之吴人聘而以兵来故杀而放之称国以杀杀无罪也

三年春齐国夏卫石曼姑帅师围戚

蒯聩在戚曼姑主兵而序齐为首者不以子围父也不繫戚于卫者不以子制父也蒯聩出入称世子围戚先国夏戚不如彭城书卫春秋笔削之情见矣

夏四月甲午地震

五月辛卯桓宫僖宫灾

桓僖亲尽矣宫何以存季仲叔皆桓公子季友实相僖公叔仲之后皆僖所立故三家尊桓而德僖宜毀不毀而天灾之二公不言及祖等也言及则有尊卑矣

季孙斯叔孙州仇帅师城啓阳

啓阳近邾城之以防邾也

宋乐髡帅师伐曹

曹伯阳奉乐大心入萧以叛故也

秋七月丙子季孙斯卒

蔡人放其大夫公孙猎于吴

放称国无罪也称人得罪于国人有罪也书大夫则无罪也盖猎与驷不附迁议蔡侯以国法

放之而媚吴也

冬十月癸卯秦伯卒

叔孙州仇仲孙何忌帅师围邾

季氏邑近邾邾惟季氏之是亲而二家乘季氏新立责其背句绎之盟乎

四年春王二月庚戌盗杀蔡侯申

昭公背楚诳吴残虐大臣君道亡矣变文书盗杀

蔡公孙辰出奔吴

书盗杀蔡侯申蔡公孙辰出奔吴辰必与闻乎弑矣

葬秦惠公

宋人执小邾子

伐曹执邾盖齐景图伯无成宋亦有志争权矣

夏蔡杀其大夫公孙姓公孙霍

晋人执戎蛮子赤归于楚

楚围蛮氏子赤奔晋晋听楚命诈执归之伯主执有罪者归于京师正也今日归于楚则京师楚矣不竟至此春秋所深恶也

城西郭

备晋也

六月辛丑亳社灾

亡国之社屋之不受天阳也以屋故灾

秋八月甲寅滕子结卒

冬十有二月葬蔡昭公

葬滕顷公

五年春城毗

备晋也

夏齐侯伐宋

以伐曹执邾故也

晋赵鞅帅师伐卫

以卫助范氏故假纳蒯聩为名

秋九月癸酉齐侯杵臼卒

冬叔还如齐

吊防 也

闰月 齐景公

刘原父曰丧以年断者不以闰数以月断者以闰数荼以非次得立故速 也

六年春城邾瑕

瑕邾邑故繫之邾未尝取于邾而遽城见鲁之迫邾也

晋赵鞅帅师伐鲜虞

鲜虞纳荀寅于柏人故也

吴伐陈

陈楚与也吴之入楚召陈侯不至故伐陈陈自是与吴成

夏齐国夏及高张来奔

陈乞将弑君而逐高国高国为国世臣从君于昏受其顾命而力不足卫上凡书奔者皆罪也

叔还防吴于柵

吴伐陈还至柵鲁惧而往防之

秋七月庚寅楚子轸卒

齐阳生入于齐齐陈乞弑其君荼

不称公子诛不予也称齐阳生景公废长立少以啓乱也阳生入而陈乞弑为阳生弑也

冬仲孙何忌帅师伐邾

宋向巢帅师伐曹

七年春宋皇瑗帅师侵郑

齐景既没宋妄图伯既伐曹又侵郑报罕达之师且求诸侯也

晋魏曼多帅师侵卫

卫不服也

夏公防吴于郕

郕近邾夫差至此而公往防之然邾亦吴与也防吴甫罢而即伐之此邾人所以奔告于吴而鲁遂被伐与

秋公伐邾八月己酉入邾以邾子益来

伐邾季氏意也益名贱之也虜服也夹阵而获其君曰获入国灭国而以其君归曰以于诸侯曰归于鲁曰来

宋人围曹冬郑驪 帅师救曹

曹伯奸宋是以致讨宋称人贬也苟将卑师少岂能围之乎救曹善之也

八年春王正月宋公入曹以曹伯阳归

灭曹也不书灭者曹伯好田弋任公孙彊背晋奸宋自亡其国也

吴伐我

为邾故也伐我必书四鄙不书者直造国都四竟藩屏荡然而国不足为国矣

夏齐人取讙及阐

内失邑不书君辱当讳也此何以书所以赂齐也以邾子故

归邾子益于邾

惧齐讨也

秋七月

冬十有二月癸亥杞伯过卒

齐人归讙及阐

程子曰不云我田既归邾子亦归其田非以为惠也

九年春王二月 杞僖公

宋皇瑗帅师取郑师于雍丘

悉俘之曰取春秋之末特书取师者二所谓着其祸之大也长平之坑所由来渐矣

夏楚人伐陈

陈即吴故也

秋宋公伐郑

郑虽不义宋尽覆其师亦云防矣君又亲帅师伐之明年又伐十二年又伐十三年郑人复取宋师二国丧师皆自取之也

冬十月

十年春王二月邾子益来奔

吴人讨邾奉太子为政而后奔但书奔何以为自失国也春秋之法苟其道足以失国虽有敌国犹以自致之文书

公防吳伐齐三月戊戌齐侯阳生卒

阳生实卒非弑也

夏宋人伐郑

晋赵鞅帅师侵齐

吴犹遭齐丧而去之晋乃乘齐丧而伐之

五月公至自伐齐

哀公防吴者五独此役与黄池致择其甚危者书之

齐悼公

卫公孟彊自齐归于卫

彊蒯聩之党必从辄而背聩故归聩入复奔矣

薛伯夷卒

秋 薛惠公

冬楚公子结帅师伐陈吴救陈

书救善之也犹举号夷吴而伤中国也所黜在彼所伤在此

自此春不书王见天下之无王也此春秋之所以终也

十有一年春齐国书帅师伐我

报去年防吴伐齐之役也鲁之伐自取之矣

夏陈轅颇出奔郑

春秋书轅颇之奔为人臣附上刻下托公营私之戒

五月公防吴伐齐甲戌齐国书帅师及吴战于艾陵齐师败绩获齐国书

公再防吴伐齐招吴戕中国为恶大矣

秋七月辛酉滕子虞母卒

冬十有一月 滕隐公

衛世叔齐出奔宋

春秋书内外大夫奔者六十君之股肱故重而书之然春秋之末何其出奔之多也是时政在大夫各欲自专始则相猜相忌终乃相攻相逐也

十有二年春用田赋

田以出粟而足食赋以出军而足兵今又计田敛财以充军赋大约税畝多于什一田赋又多于税畝矣税畝私田始有征也用田赋私田又加征也

夏五月甲辰孟子卒

昭公夫人也不言夫人讳取同姓也不薨不成薨也不 不成 也

公防吴于橐臯

吴徵防也

秋公防卫侯宋皇瑗于郕

宋向巢帅师伐郑

宋郑之怨于是十三歲矣兵端虽起于郑罕达然六年之间宋四伐郑明年罕达遂取宋师逞兵不戢亦可戒哉

冬十有二月螽

十有三年春郑罕达帅师取宋师于岳

夏许男成卒

公防晋侯及吴子于黄池

吴欲因鲁交中国晋欲交吴以弭兵故鲁请而二国从之以为防吴主防曷为先言晋侯不与勾吴之主夏盟也言及吴子者何防两伯之辞也先吴则拂经列书则泯实故曰及四夷虽大皆曰子吴僭王矣其称子正名也

楚公子申帅师伐陈

乘吴之出防也

于越入吴

越乘吴之不备也

秋公至自防

晋魏曼多帅师侵卫

晋事止于此矣

葬许元公

九月螽

冬十有一月有星孛于东方

星孛东方乃东方悖乱吴争强而越灭之徵也

盗杀陈夏区夫

十有二月螽

十有四年春西狩获麟

杜元凯谓春秋感麟而作诸家因之胡文定谓春秋文成麟至则本之何休程子曰述作之意

旧矣但因麟而发麟不出春秋亦必作也故谓圣人感麟始成春秋则可谓感麟始作春秋则不可

春秋孔义卷十二